

السيد عبد الحسين الشيرازي

تصوير الكتاب  
صين الخزانة  
إيران - قم المقدسة

# مَنْهَلُ الشَّرْعِ

الجزء الثاني

قَدَّمَ لَهُ  
فَضِيلَةُ الْخَطِيبِ الْإِجْتِمَاعِيِّ  
السَّيِّدُ جَوَادُ شَبْرَا



مِنْهَا الشَّيْءُ

# مَنْهَا الشَّيْخُ

السيد عبد الحسين الشَّيْخُ

قَدَّمَ لَهُ

فَضِيلَةُ الْخَطِيبِ الْإِجْتِمَاعِيِّ  
السَّيِّدُ جَوَادُ شُبَّارِ

ردمک الكتاب ۵-۰۹۳-۵۰۳-۹۶۴

**ISBN:964-503-093-5**

الكتاب / منهل الشرع

المؤلف / السيد عبدالحسين الشرع

الناشر / انتشارات المكتبة الحيدريه

عدد المطبوع / ۲۰۰۰ جلد

عدد الصفحات / ۲۲۴ وزیری

الطبعة / الاولى

سنة الطبع / ۱۳۸۵ - ۱۴۲۷

الطبعة / شریعت

السعر / ۱۵۰۰ تومان

بِسْمِ اللَّهِ الرَّحْمَنِ الرَّحِيمِ


## الأهـل

سيدتي مثال الطهر والعفاف  
ورمز البطولة والشهامة  
من التفت فيها طهارة السماء وبطولة الارض  
العالمة غير المعلّمة  
(بطلة كربلا زينب)

بسبيلك - أرفع - كتابي هذا  
الى :

العقد بين بحري النبوة والامامة  
البتول الطاهرة ... امك فاطمة  
لتكون شفيعتي يوم الجزاء .

عبدالحسين الشرع



صورقي تنبيك عما أكرم  
لمعت أسرارها نيرة  
فهي عنوان حياتي الواضحة  
في سطور بين عيني لائحة

## المقدمة

بقلم: فضيلة الخطيب الاجتماعي المجدد السيد جواد شبر  
كثير اولئك الذين زاولوا نظم الشعر وقرضه واحكموا سبكه وعرفوا أوزانه  
والوانه، ولكن قليل منهم وقليل جداً من يهز وتر القلب ويحرك العواطف ويستخدم  
المشاعر ويتصرف بها كما يشاء له الفن.

ومن اولئك القلة شاعرنا الرقيق السيد عبد الحسين، لقد امتاز بالشجاء وعرف  
بالذكاء حتى ليكاد شعره يسيل رقة وعذوبه وكأن استدرار الدموع من مميزاتة، وكان  
يقول: ان الكلمة القوية لتعرض لي في الشعر فاعافها واستبدل بمكانها كلمة رقيقة اللفظ  
والمعنى جميلة الارنان والايقاع.

حاز شاعرنا ابو محيي على شهرة واسعة ومحبوبة أوسع وقل ماتجد منبرياً من  
رجال المنبر الحسيني لا يستظهر شعره حفظاً يردده في مناسبات خطابية وعلى كثرة  
رجال هذا الفن وعلى كثرة من يزاول قرض الشعر في الامام الشهيد ابي عبدالله الحسين  
فان ادب الطف يكاد يتعذر جمعه اقول من كثرة الشعر وكثرة قائلية وكثرة روايته فان  
لشاعرنا النصيب الاوفر من هؤلاء الرواة.

والسيد الشرع فاضل كامل ويعد في الطليعة من الطلاب الروحانيين درس مبادئ  
العلوم الدينية والمسائل الشرعية على اساتذة اعلام عظام، اخص بالذكر منهم العلامة  
الحجة الشيخ خضر الدجيلي والعلامة الجليل الشيخ حسن الدجيلي.

وقد زاول قرض الشعر باللغتين الفصحى والدارجة ونظم فيهما معاً واكثر من  
النظم باللغة الدارجة فغطت الثانية الاولى وعرف بها واشتهر، لقد رأيت البعض يعجب  
عندما يقرأ البيتين الذين نظمها حول صورته المحبوبة، ظنا منه بان شاعرنا لا يحسن  
غير النظم باللغة الدارجة. قلت له: لا تعجب فان السيد الشرع لا يقل عن اقرانه وارباب



فنه ممن اجادوا النظم باللغتين امثال : السيد مهدي الاعرجي . والشيخ قاسم محي الدين . والشيخ مهدي الظالمي والشيخ مهدي الخضري . ومن فحول الخطباء كالشيخ كاظم سبتي والسيد صالح الحلي والشيخ قاسم الملا . وهؤلاء كغيرهم من الطبقة الاولى الذين امتازوا بقرض الشعر بنوعيه كالشيخ محمد نصار والشيخ جواد محي الدين والسيد عبدالمطلب الحلي والسيد باقر الهندي والسيد صادق الفحام والشيخ عباس الأعسم والشيخ عبد الحسين الحياوي . فكل واحد من هؤلاء تحتفظ له المكتبات العربية بديوانين احدهما بالفصحى والثاني بالدارجة لقد زاول شاعرنا نظم الشعر منذ اول صباه فاكثر واجاد وطرق فنون الشعر وابوابه ، وكنت اشاهده يجلس في الصحن العلوي الشريف وتكون حوله حلقة واسعة من طلاب الشعر وهواته . وتقوم بجانبه قراء المراثي ملتسمين منه متطلعين اليه متوجهين بكلهم عليه ليحبوهم من درره الغالية وسبائك المنضوده بمعانيها الشجية .

لقد التقيت به قبيل وفاته رحمه الله فانشدني بصوته الخافت وهدوئه الصامت قطعة شجية نظمها جديداً . وقد تمثلت له حوراء النساء وعقيلة الوحي زينب الكبرى وهي تسرع الخطى الى نهر العلقمي لتلوذ بحميها وابن والدها حامي الضعينة ابي الفضل العباس تخبره بما جرى من سلب ونهب على عقائل الوحي فيقول :

لمن لفانه العسكر اصفوف	اوسلب براجعنه والشفوف
تعنيت الك واللون مخطوف	ردتك لحالي اوذلتني اتشوف
لقسيت العلم عالنهر ملفوف	اوراسك لقيته ابعد مخسوف
اوشبجت عليك ارماع وسيوف	عذرتك يمن ما عندك اچفوف

اجل خمدت هذه الشعلة الوهاجة وانطفأت هذه الشمعة الوقادة ولكن اثرها في القلوب وانوارها لم تزل تنير العقول وكأنه لم يمت .

جواد شبر

## تقاريض

ذا منهل الشرع وديوانه	ذكرى شهيد الطف عنوانه
يداعب الانفس انشاده	وتسحر الالباب الحانه
قد صاغه كالتبر في سبكه	والؤلؤ المنظوم اوزانه
في حلبت الشعر اذا ما جرى	القت له المقود فرسانه
عواطف هيجهها حب من	شيدت بهم للدين اركانه
اضرمها الوجد فشبت اسى	قد الهب الارجاء بركانه
اذا بها الحزن فسالت جوى	لمن قضى والترب اكفانه
فشفها في نظرة ثورة	هدبها للشرك بنيانه
امضى من السيف بيوم الوغى	حماسة الشعر وتبياناه
في كل حفل ذكره لامع	كانه في الافق كيوانه
وينشد الجيل فتصغي له	مسامع الدهر واذانه
يكفيه ذكراً انه خالد	وفي غد يهنيه رضوانه
ذخيرة المرء الى حشره	اعماله الغر وايمانه

الخطيب الشيخ جواد قسام

## تقاريض

فزت ابا الهادي بحسن الشنا	مادمت حياً دون زيغ ومنى
خلدت اثاراً لها شانها	قرت بها للفاطميين عني
وفي مراثيك اللتي اصبحت	كالآي تتلى فهي بين اليدين
دين عليهم لك اضحى وهم	لا يتركون للموالين دين
فوعدهم صدق وتاريخهم	(ثق انه يشفع فيك الحسين)

الشيخ علي البازي

عبدالحسين اهنا بلغت المنى وفزت في عقباك بالحسينين  
وانت من ابناء آل العبا هم شفعاء الخلق في النشأتين  
ذكرارك في نضمك تاريخهم (يحيا وانت راثيا للحسين)  
الشيخ علي البازي ١٣٥٨

فدى حسين الشرع في حياته وهو كفيل صار في نجاته  
واليوم ان تسأل عن تاريخه (عبدالحسين الشرع في جناته)  
الشيخ هادي القصاب ١٣٨٥

### للقصاب

للشرع لتأبينه او لتگول مات افرض انته الشيعة جثمانه  
حسين بالدم كتب تاريخ الحياة او هذا تاريخه انكتب بلسانه

\*\*\*

اشتعتقد بحسين ابن فارس مظر هم يضيع اسمه او يروح او يندرس  
الكون يفنه او يضمحل كل البشر وابواليمه ايظل يشع مثل الشمس  
او هذا ويه حسين خالد بالدهر مثل ذچر الحمد بفروض الخمس  
اولوگلت ما تظل غير الباقيات الصالحات او ينمحي وجدانه  
انه اگول الباقيات الصالحات درر منظومه ابوسط ديوانه

\*\*\*

ابنظره استرعي انتباه المجتمع اوهاي نعرف بيها منزلة الفقيد  
انشوف بعض الشعر لو مره انسمع ثاني مره الوادم اتمله او يبيد  
لاچن اتصور المنظوم الشرع اشما تسمعه اتگول چن بعده جديد  
هذا طالع صافي من كل الجهات من ضميره المخلص وايمانه  
التعزیه تبتدي ابمحمد والصلات او تختم ابشعر الشرع واللحانه

\*\*\*

اثنين چان اللهن مثل روح ابجسم  
هوه من اهل الفضيله والعلم  
هو سيدها وامير اهل النظم  
والعلم تاجه اويلوگ الشانه  
العبد رغماً يخضع المعلنه

خدمة حسين اوشرف خدمة الدين  
تحجي عن اهل الفضيله الطيبين  
تحجي عن خدمت ابواليمه الحسين  
الشعر عرشه اوبي تحف المكرمات  
والدهر عبده اولجل هاي الصفات

\*\*\*

العنده والرافه البگلبه والحنان  
اوگلبه گلب الوالد اعلى احبابه چان  
اويحجي واقع ما يراوغ باللسان  
شرف هذا اومفخر الخوانه  
حگنه لو نتعفر ابتربانه

هذا فضله اوبعد شوف العاطفه  
روحه روح الوالده المستلهفه  
بروحه يسخي اوما يداعيك ابوفه  
واليصير ابها الصفه اوطيب الذات  
هذا روضة شرف منبع طيبات

\*\*\*

اوهوه هيبه مجتمعنه ابكل محل  
اوهوه قافيت النظم والمستهل  
اوللجنان او عالم العلوي ارتحل  
خل يجي او يتصدر ابدىوانه  
اتمثل اوجوده وتحل بمچانه

هو صدر المجلس اوهوه العمد  
اوهو راس واحنه نتوصف جسد  
با الله هذا اليوم من عدنه انفگد  
ياهو يحمل هاالصفات البينات  
مابعد من عگبه غير الذكريات

\*\*\*

اوهاي منزلته ابميادين الفخر  
اتگول مات اوراح اسمه بالدهر  
خالد اويه حسين بجيال الدهر  
اوصار ترفيعه اوظعن لجنانه  
اومنهله او بحر الشعر طوفانه

هذا ابوهادي اوامير اهل الكمال  
المثل هذا تگدر او عندك مجال  
هذا للعز والفخر اشرف مثال  
اده بالخدمه جميع الواجبات  
او هذا نعشه صار اله فلك النجاة

\*\*\*

الله يمنحكم ابتيجان الشرف  
جيتوا من ادياركم لرض النجف  
الشرع من عدكم او من عدنه انخطف  
غاب من عدنه ابليالي المظلمات  
وانتو من عگبه البدور الزاهرات

والشكر من عدنه الكم يا الوفود  
اوگامت اعلينه ضمايركم تجود  
وانتو عگبه انشالله العز والوجود  
بدر عزنه اللي يشع بسمانه  
بالسمه اوبيكم يرف اللوانه

\*\*\*

### الفقيد يؤبن نفسه وهو في قيد الحياة

اشلون بيه وثگل وزن احسابي وانترس من المعاصي اکتابي

\*\*\*

اشلون بيه لو قرب مني الاجل  
وخلت اعيوني تدير اعلى الاهل  
وخذ سمعي الموت ولساني انتجل  
اتشوفها اتهل الدمع لمصابي

\*\*\*

اشلون بيه النفس مني لو خمد  
وللمغسل طلعو مني الجسد  
ومنى ملج الموت اخذ روحي وصعد  
وقام المغسل يجر د اثيابي

\*\*\*

اشلون بيه ابچفن لو لفوني  
ونزلوني ابحفرتي او واروني  
وللقبر عقب الغسل شالوني  
وقام حفاري يهيل اترابي

\*\*\*

اشلون بيه لو مسيت ابحفرتي  
لا عمل ويای ويرد وحشتي  
دار غربه اويل حال الغربتي  
وبعدت عني هلي وحبابي

\*\*\*

اشلون منكر لو لفاني للقبر . او قام ينشد بيش قضيت العمر  
شنهو ذاك الوكت من عنده العذر وشنهو عن ذيج المعاصي اجوابي

\*\*\*

اشلون بيه امننفر د بعمالي والذنوب اتصير كلها اگبالي  
ودري منكر ما يروف ابحالي ولا بحكم الله عليه ايحايي

\*\*\*

اشلون بيه لو ضغط جسمي القبر وقام من خشمي حليب امي يدر  
اشلون حالي امن اوگف ايوم الحشر وياخذ المعبود بستجوابي

\*\*\*

اشلون بيه امن اوگف ايوم الحساب شايل اذنوبي وجدامي الكتاب  
شنهو عذري وشنطي للباري جواب من يعاتبني ويزيد اعتابي

\*\*\*

اشلون بيه امن التفت يسره ويمين ايوم هوله ايشيب من عنده الجنين  
مال ما ينفع ولا تنفع بنين ولا ندم ينفع وعض ابنايي

\*\*\*

ما يظل عندي وسيله ولا امل غير حب المرتضه خير العمل  
حاشه لئه ايعيفني ابذاك المحل ونوخ ابوادي حماه ارچايي

\*\*\*

وصد للمحشر وعانين للحسين موجب اينادي شفيع المذنبين  
الشيعة اغفر يلاه العالمين ابجاه دمي المنه صار اخضايي

\*\*\*

امهيت لجلك يا الاهي بالشمل حتى يا معبود عبدالله الطفل  
وراحت اعياي سبايه اعلى الهزل عقب ذبح اهلي وحرگ اطنايي

\*\*\*

اشريت منك شيعتي ابدم رگبتي حتى تغفر بالقيامه الشيعتي  
شوف حالي وشوف حالة چبدتي صوبوني وطحت من اصوابي

\*\*\*

### في حق النبي ﷺ

امست الليله الوديعة اتصيح وتهل الدمع  
آيو ابراهيم فقدگ وسم ابچبدي صدع

\*\*\*

امست الليله الوديعة اتصيح يا سيد الرسل  
ريت كل الكون يفنه وتبقه بس انت عدل  
قوم شوف الحسن وحسين مدامعهم تهل  
والاصل لو غاب نوره اشحال من عقبه الفرع

\*\*\*

هاجت اعليته امنلنصار واصحاب الفتن  
وصبحت چني غريبه يبو الزهره ابهلوطن  
الحسين اينوح يمي وتهل عبرات الحسن  
والوصي گاعد اگبالي وغيره امسه المتبع

\*\*\*

خانوا يحيدر وصيك بس غبت يلمصطفه  
اوفتك امتك ولاچن شوف يلهادي الوفه  
اصبحت كلها اعلى حيدر بالوئن متحالفه  
ولا بگاله امعين عگبك غير اربعه امن الربع

\*\*\*

امست الليله المدينه عكب عينك مظلّمه

وظايگه ابعينني الوسيعه ونار حزنك مضرّمه

خانت اهل الغدر بينه وفردو حامي الحمه

وبايعوا تيم وعديها وصار للباطل جمع

\*\*\*

نكروا البيعه الخذتها منهم ابيوم الغدير

وصبح المامور على الناس يبو الزهره امير

ريتني وياك اموت ولا بهل الفرگه اصير

ولا تصد عيني المنبرك بيه خصمك مرتفع

\*\*\*

والله يابويه اهضموني ولا لعد حگي رعو

وخذو من عندي انحلتي ولقدك مني اغصبو

بعد يومين ولداري يبو ابراهيم اعتنوا

وصگطوا بالباب حملي وهشمو مني الضلع

\*\*\*

في حق الزهراء عليها السلام

قبل ميلفك وصيك حيدر ابثوب الچفن

هاجت امنمتك على اهلك يبو ابراهيم الفتن

\*\*\*

قبل ما تضعن اونورك عنها يلهادي انخفه

وافتك امتك لاچن ريتك اتشوف الوقه



كل فرد منهم علهلك جذب بالشر مرهقه  
اوقاموا يطلبون يطلبون بيهم منك اديون المضن

\*\*\*

اصبحت بضعتك لاجن گابعه ابثوب المصاب  
اوتنحب اويسجب دمعها وتعتب على اهل الدباب  
افردوني اتصيح عقبك يا رسول الله الصحاب  
وخانوا بحيدر يطاها اوركنوا الصوب الوثن

\*\*\*

گوم شوف اشجره عليه امن الطوا غيت امتك  
وعاين ابعينك فعلها اشلون بالشر وافتك  
خذوا ميراثي يبهويه ومني غصبو نحلكتك  
وعيني بچوها يبهويه وبچو احسين وحسن

\*\*\*

ريت عينك تصد ليهم لمن الداري لفو  
اوگفوا اعلى الباب كلهم ولحطبهم جمعوا  
بالحبل قادو وصيك وعلى چتله اتحاشموا  
عقب ماگطعوا جنيني والظلوع اتهشمن

\*\*\*

وانه اصيحن يهل الوادم خلو عن حامي الحمه  
لا افرع وشچي كل الصابني الباري السمه  
ليه رد العبيد بالصوط وممتني ولمسه  
قوم شوف امتون بتك بالسياط اتوسمن

\*\*\*

وصد للانصار نوبه ودمعتي اعلى الخد تهل  
ليش هيچي اغدرتو بينه وگد تو حيدر بالجل  
ماني يا گوم الوديعة وبضعه من سيد الرسل  
بالعجل ماختتوا بينه ولنكم انسيت السنن

\*\*\*

### في حق الزهراء عليها السلام

يا حيدر اباب الدار      تسمع صرختي او وني  
ما تنهض تحاميني      شنهو العوگك عني

\*\*\*

انته الماتهاب الموت      وحروبك فلا تنعد  
بيك اهل السمه تدري      وكل اهل الارض تشهد  
خصمك يوصل الداري      وبوجودك يدوس الحد  
يضرم على الباب النار \* ونته تشوف يا كرار \* جدامك يحامي الجار  
بين الباب والحايط      قام النغل يعصرني

\*\*\*

عصرني وهشم اضلوعي      وصدري انعاب بالبسمار  
محسن سقط من عندي      وانه اصرخ اباب الدار  
دمي امن الضلع يجري      ودمعي على اوليدي اعبار  
اصيحن والدمع سجاب \* يفضه الصدر مني انعاب \* محسن سقط يم الباب  
قوميلي يفضه ابساع      عن القاع شيلي ابني

\*\*\*

عدم من اشتجي حالي      وهضم اللي جره عليه

وضلعي اللي قطع حيلي      ودمي اليكت جاريه  
ماني اوديعة الهادي      ونته اتجفلت بيه  
جدامك يضربوني \* حتى اسودن امتوني \* اوما تنهض تقف دوني  
وانه اعليك ادير العين      چا شنهوا العذر مني

\*\*\*

الوجن من ولم صدري      وبيدي لازمه اضلوعي  
وعاين محسن ابعيني      وتجري المحسن ادموعي  
ونته ابصبرك امجفف      ولا تنهض ترد روعي  
دمي ايسيل من صدري \* ودمي امن الهظم يجري \* ونته يصبر ما تدري  
هذا اصواب البصدي      ورضات الضلع ذني

\*\*\*

غصبو فذك من عندي      بوجودك وهضموني  
وليهم رحى للمسجد      اطلبهم وطرودوني  
حتى امن البچه ابداري      على المختار منعوني  
هذي هضمتي وذلي \* وصبري اعليهن تگلي \* والله الموت اهونلي  
ولا ذل من بعد عزي      وصوط العبد يضربني

\*\*\*

اذلن من بعد عزي      ونته اللي تعز الجار  
وتجري ادموع ويلادي      ودموعي تهل اعبار  
للمسجد طلعت اويك      من قادوك يا كرار  
يسيل امن الضلع دمي \* وقومن وگع من همي \* اصيحن خلوا بن عمي  
وجدامك يرد ليه      وعلى العين يصطربي

\*\*\*

گالوا تون ليل انهار      وحنه الصوتها نسمع

يو عن المدينة انشيل      يو من نوحها تهجع  
قمت اخذ حسن وحسين      بيدي وللبيع اطلع  
اتفية ابذره الشجره \*      وجرى اعلى النبي العبره \*      ومن ضلعي ومن كسره  
طلعوا قطعوا الشجره      چه لنها تضللني

\*\*\*

روحي امن الهظم خلصت      وعمرى اليوم تاليه  
اريد الحگ يسوي اليوم      وحيله اشجره عليه  
لاچني ارید اوصيك      يا ابا الحسن بوصيه  
عدوانك الهضموني \*      ماریدن يحضروني \*      والگبري يشيعوني  
غسلني ابظلام الليل      يا كرار ودفني

\*\*\*

### في حق الزهراء عليها السلام

عندك وديعه اتچفلت بيها      اخلاف واليها  
ليش ابوجودك جسروا اعليها      اخلاف واليها

\*\*\*

من قرب موت بن عمك      سيد الكونين طاهها  
ونته يا كرار يمه      وحالته عيونك تراها  
گالك عندي وصيه      مايم قلى سواها  
الزهرة يحيدر بضعتي      خايف عليها امنمتي  
عندك تراها اوديعتي      احفضها يا حامي حماها  
يا ابا الحسن خايف يضلموها      ولا يرحموها  
تغصب فذك منها وعواليها      اخلاف واليها

\*\*\*

ما اعز منها على الله	ولا اعز منها عليه
لا چن اشبيدي عليها	ودنت من عندي المنيه
ادري بس تغمض عيوني	قومي ترجع جاهليه
وعليكم اتهيح الفتن	تطلب ابثارات المذن
ونته يبو حسين وحسن	بالغسل مشهدوه بيه
بعيتك يا حيدر ينكروها	ولا يـعرفوها
وتمنع البضعه من بواچيها	اخلاف واليها

\* \* \*

بالبقيع ابني يحيدر	بيت للزهره وحزنها
حتى بي تبجي عليه	وعلى افراگي ايزود ونها
ومن يصير الليل بيدك	يا علي ردها الوطنها
تسبگه يچشاف الكرب	مهضومه مكسورة گلب
ودموعها اعلى الخد تصب	ابليل ما يغمض جفنها
وانه ابضريحي تسجب ادموعي	ونار بضلوعي
من تشتجي وسمع شچاويها	اخلاف واليها

\* \* \*

امنسمع ابها الوصيه	اظل يا كرار حاير
وقبلي كثره الناس مثلي	تسيهت بيك البصاير
من وصل خصمك الدارك	شردا گولن منته حاير
ونته الحماها اتچتفت	ومن عدها للمسجد رحت
ولو گلت من عدهم خفت	للخوف عندك ما هو صاير
يو ما دريت ابحالة الزهره	ساعة العصره
يو هلوصيه چنت ناسيها	اخلاف واليها

\* \* \*

## في رثاء الامام علي عليه السلام

وين ابنعش ابونه تريد      بي ريض يشياله  
مجل على الناس العيد      ليش اتيتم اطفاله

\*\*\*

لا تبعد ابهامي الجار      ريض والنعش رده  
ما تسمع يتامه الناس      تبجي وتنحب الفقهه  
يا هو اليحن على المسكين      وعلى الأرمله بعده  
خله ايتتم اصيامه \* ويقضى العيد ويامه \* ظلت حرم ويتامه  
تبجي وتصرخ الفرگا      ومنها العين هماله

\*\*\*

فجعها ابحتله المرادي      وخلاها عليه اتنوح  
والمـنبر يون عليه      والمحراب دمه ايفوح  
ما چان ايخطر على البال      منها الفحل برده ايروح  
راسه ينجسم نصين \* ويحوم عليه البين \* يا وسفه على ابوالحسنين  
ريته امن الچتل يسلم      ويفنه العالم ابداله

\*\*\*

حيدر شيد الاسلام      صمصامه ورفع شانہ  
وجاهد دون دين الله      لمن شيد اركانه  
داحي الباب بالميدان      تشهد بيه عدوانه  
هو السيف المجرب \* وصمصامه طبرمرحب \* لوطب للحرب وغضب  
ابدن ما يهاب الويد      يوم الحرب وهواله

\*\*\*

حيدر ما يهاب الموت      چيف الرجس ماهابه

تَعْنَالِه وَطَبْر رَاسِه      وَهُوَ سَاجِدٌ ابْمَحْرَابِه  
خَضْبٌ شَبِيهٌ ابْدَمِه      وَرَجُ الْكُونِ بِمَصَابِه  
وَخَلَه الْوَادِمُ ابْعَبْرَه \* حَسْرَه اتَجَر بَثْر حَسْرَه \* وَسَفَه اَعْلَى آيَةِ الْكَبْرَه  
ابْنٌ مَلْجَمٌ يَصِلُ حَدَه      وَسَيْفُه اَيَصِيرُ چِتَالَه

\* \* \*

ابْهِيْدَه اَوِيَه الْوَصِي الْكَرَّار      لَوْرْدَتْمُ تَغْسِلُوْنَه  
كَلْفٌ جَرَحَ الَّذِي ابْرَاسِه      خَافْنَكُمُ تَلْجُمُوْنَه  
ظَلُّ الدِّينِ لِفَرَاگَه      يَنْوُحُ وَتَسْجُبُ اَعْيُوْنَه  
دِينُ الْمُصْطَفَى وَشَرْعُه \* لِفَرَاگَه يَهْلُ دَمْعُه \* رَجُ امْصَابِه الْوَسْعَه  
عَسَنَ لَاهِلُ شَهْرِ رَمَضَانَ      رِيْسَتِه وَبَيْنَ اَهْلَالِه

\* \* \*

اَبْلِيْلَه گَدْرُ مِنْ رَمَضَانَ      فَجَعَهَا ابْچَتْلُ ابُو الْحَسَنِينِ  
وَخَلَه الْوَادِمُ ابْحِيْرَه      مَا تَدْرِي الْوَجْهَ لَاوِيْنَ  
يَبْنُ مَلْجَمٌ شَلْكَ عَتْبَه      عَلَى الْأُمِّه وَشَلْكَ مِنْ دِيْنِ  
تَطْبَرُ حَيْدَرَ اَعْلَى الرَّاسِ \* وَمِنْهُ اَتَخْمَدُ الْأَنْفَاسَ \* وَتَسِيْبُ يَتَامَه النَّاسِ  
يَا هُوَ الْيَحْنُ عَلَى الْمَسْكِيْنَ      عَقْبُه وَيَعْطِفُ الْحَالَه  
ظَلُّ رُوحِ الْقُدُسِ يَنْعَا      اَوْ مَا بَيْنَ السَّمِّه اَيْنَادِي  
تَهْدُمُ رُكْنَ دِيْنِ اللّٰهِ      وَطَاحَ ابْسَيْفُ الْمَرَادِي  
وَقَعَ مَصْيُوبٌ بِالْمَحْرَابِ      ابُو الْحَمْلَه وَصِي الْهَادِي  
بِالْدَمِ اِنْخَضَبَ حَيْدَرُ \* وَلَجَلَه الْعَالَمُ اَتَغْيِرُ \* يَا رَيْتُ الْفَجْرَ لَا طَرِ  
الْبِيَه اِنْصَابُ ابُو الْحَمْلَه      وَفَقْدَه يَتَمُّ اَعْيَالَه

\* \* \*

في رثاء الامام علي ؑ

يا عجب يا ماضي الحدود يصمصام الحتم  
بيك المرادي ايتنومس ونته طاعون الزلم

\*\*\*

يا عجب منك يمدوح ابصورة هل اته  
وليث ابن عمك بلحرب وفارس رايته  
چيف صمصام ابن ملجم نثر طبرته  
ونته مثل الطود والطود فلا يهزه النسّم

\*\*\*

انته يوم تكون بالكون قطب لرحه الحرب  
ولا رجعلك بالميادين ابجملاتك قطب  
چم وچم عن ابن عمك بالوغه اچشفت الكرب  
ولحرب لو ثگل وشتد بيه ثغرك يبتسم

\*\*\*

من چتل مرحب وغيرك من صرع عمر ابن ود  
ومن شبه مثلك بلحروب يكرار ابأحد  
ما برزلك بالميادين الا ويرد  
خايف وللحرب ميعود وبالذل ينوسم

\*\*\*

چم وچم بالكون سيفك خذم اقروم العرب  
وذلت الفرسان ومنه ودومه منشبها الرهب  
اشلون ابن ملجم يمهيوب لعد حدك قرب  
وصابك ابسيفه اوراسك منه صبح منجسم

\*\*\*



آه بالمحراب لمن طحت يا حيدر جدیل  
وقام دم راسك يكرار على شيبك يسيل  
صاح جبریل ابصلاته انچتل حمای الدخیل  
وركن دين الله اعلى فقهه اليوم صبح منهدم

\* \* \*

سمعت ام چلثوم صوته ولقت تصرخ للحسن  
نادته نايم يخويه وعينك اتشوف الوسن  
قوم شوف الكون صوبين انرجن

بالسمه اينادي المنادي  
سبح بالدم وصي الهادي  
وصوبه ابسيف المرادي  
اوطاح بالمحراب فارس كونها اوليث الصدم

\* \* \*

من سمعها انتفض لاچن ينتفض قام ويطيح  
ويصفج ابيمينه ابشماله وياعلي والله ايصبح

لفه المحرابك وشافك نايم وراسك جريح  
گعد يمك يهل عينه  
ويصفج ايساره ابيمينه  
يصبح يا عزنه اوولينه  
من وصل يمك ولاهاب ثنيتك يا شهم

\* \* \*

شالك الدارك ولاچن من وصل بيك الهلك  
گامت اتحوم اعلى شخصك يبو احسين اعويلك

لاچن تنادي اعلى والينه بين ملجم شلك

راسه بالمرهف تصيبه

ومن دماه اتخضب شيبه

هله هله اشها المصيبه

راح ابونه الفحل برده ولوح اعليه اليتم

\*\*\*

في حق الامام علي عليه السلام

يا حيدر انت الوسيله ونته اليحامي دخيله

اشلون المرادي عليك بالمرهف تجسر

\*\*\*

يا علي با الحرب غيرك يا هو للفرسان يدب

من چتل بن ود يحيدر ورده بالميدان مرحب

اشلون ابن ملجم دناك ولعد محرابك تقرب

ما هاب باسك \* صابك ابراسك \* خمد انفاسك

وشييك ابدملك تخضب

اوقام المنادي ينادي حيدر ابسيف المرادي

طاح او عليه الكون والعالم تغير

\*\*\*

سمعت ام چلثوم صوته صرخت ومدمعها ساجم

اگبلت للحسن صاحت يبو امحمد ليش نايم

گوم ابونه انچتل برده ونفگد عز الهواشم

من نومك اگعد \* وگصد المسجد \* وعليه انشد  
شوفه ميت وله سالم

گليبي علمني ايمماته من راح ابوي الصلاته  
يا ريت كل الكون يفنه ويظل حيدر

\* \* \*

طلع من الدار يعدي وگصد للمسجد ابهمه  
شافه بالمحراب مرمي وفيض المحراب دمه  
ذب عليه الحسن روحه ايجلب ابجرحه ويشمه  
راسك يبو حسين \* منجسم نصين \* والهاشميين  
صارت اعلى الفحل لمة

قامت تون الونينه ولمصاب حيدر حزينه  
من شافته مطروح وبدمه تعفر

\* \* \*

شالوا الكرار لهله والحزن تلهب ناره  
عگب ما عصبوا راسه والجرح دمه ايتجاره  
موجه على الباب زينب والدمع تسجب اعباره  
صاحت ابونه \* يهل المحنه \* عودي اضنه  
جايبينه لعد داره

ناداها اخوها يزيب عودچ ابراسه اتصوب  
لطمت وجهه ونادته يا علم الاكشر

\* \* \*

ريت كل الكون يفنه ويظل حيدر بالسلامه  
يا هو من بعده البناته وللأرامسل واليستمه  
راح ابو الحسنين برده قبل ميتم اصيامه

المدمع تهله \* وسفه تگله \* شفه المذله  
ولليتم لاحت علامه

فگدك يفارس بدرها      گرب بناتك يسرها  
ساعه ومشينه الكربلا وببها انتيسر

\*\*\*

ريت كل الناس تفنه      ونته ياكرار تسلم  
چم طفل عگبك وطفله      لو غبت عنها أتيتم  
ابچتلته اشسويت بينه      اسواد وجهك يبن ملجم  
العيد مجبل \* وگبعنه بالذل \* والدمع يهمل  
عگب والينه المشيم

عگبك يحامي دخيله      امست بناتك نحيله  
من گرب منك يبو الحسنين المگدر

\*\*\*

### في رثاء الامام علي عليه السلام

حيدر يحيدر \* بضعتك زينب والعيال \* امست ايبا حال  
من گمت توصي الحسن بالعيله ويتاماها

\*\*\*

اشحال زينب والفواطم      من مست هاي المسيه  
ومن گمت توصي الهواشم      والحسن بالفاطميه  
وسمعت ابناتك يحيدر      واليتامه ابهل الوصيه  
صار الها حنه \* ونه اعلى ونه \* گطعن الضنه \* من دنت ليك المنيه  
حيدر يحيدر \* غدت تبجي ازغار واكبار \* ودموعها اعبار  
والضيم والذل يا على لجلك تعلاها

\*\*\*

نادت ام الحزن زينب      يا الحسن لا جن ابونه  
 هلمسيه اشلون ابونه      والطبيب اشغال عنه  
 اسمع ايوصيك بيته      واشرف اعلى الموت چنه  
 ننطي الوجه وين \* من عكب ابو حسين \* ما انصف البين \* راح برده الفحل منه  
 حيدر يحيدر \* نادته ياريت نفداك \* وتبگه اليتاماك  
 والدين والاسلام عينك تظل ترعاها

\*\*\*

وين ننطي الوجه بعده      هالأرامل واليتامه  
 مجبل العيد وعليها      لليتيم بانت علامه  
 ليش ابن ملجم يصيبه      قبل ميتم اصيامه  
 خصمه ابماته \* أمن حياته \* ابده الشماته \* وزين الميشوم شامه  
 حيدر يحيدر \* عيد صار اليوم بالشام \* وخصمك غفه ونام  
 وعيون هاشم مسهره ويسيل مجراها

\*\*\*

يبو امحمد ما تگعه      وشيل عن راسه العصابه  
 وشوف اكو بالجرح طيبه      يو مضه ابعودك اصوابه  
 يبو امحمد هدم حيلي      ابونته ولوعة امصابه  
 ونته للوالي \* عذبت حالي \* شفته اگبالي \* وشيبه من دمه اخضابه  
 حيدر يحيدر \* ريت روحي اتروح وياك \* ولا شوف فرگاك  
 شلي ابحياتي اخلاف عينك يا وصي طاها

\*\*\*

اشحالها اخلافك بناتك      لو غبت يلوالي عنها  
 تگبع ابثوب الهضيمه      ويكثر الفرگاك ونها  
 يبو حسين ايام فگدك      لا لفت ليته عسنها

الوادم يـبـونه \* عهدك تخونه \* ويگـاومونه \* وتصبح اهلك غرب چنها  
حيدر يحيدر \* والفلك بالعكس يندار \* ونصبح يكرار  
غربه وعلينه اهل الغدر تعلق رواياها

\*\*\*

ريـتني وياك اموت ولا اشوفن هلنوايب  
ومسي من بعدك ذليله وگـبع ابثوب المصايب  
ومشى لرض الغاضريه وتعلق عليه الحرايب  
ونمشي يساره \* القصر الاماره \* وحنه حياره \* يسر ما بين الاجانب  
حيدر يحيدر \* هاي كلها اخلاف عيناك \* انشوفها هناك  
والحرم تمشي على الهزل وبولية اعداها

### في رثاء الامام الحسن عليه السلام

على الحسن لمن طب ابواليمه شافه يلوج وبالطشت يجذف چبدته  
سالت دمعته

\*\*\*

طب العضيده وگام يشچي الحاله من شاف طشت البيه چبده اگباله  
ناده او عينه امن الحزن هماله چبدك يبحر الجود من سمه  
وبالطشت ثلثينه يبو امحمد جذفته سالت دمعته

\*\*\*

ما بين ماويه الحسن يحچي حسين لن يسمع اعلى الباب ابو اليمه اونين  
صاح الحسن لاچن يهل دمع العين يحسين قوم وللطشت ضمه  
زينب لفت يمچن اوحن گلبه على اخته سالت دمعته

\*\*\*

طسبت لخواها اترید تتعافاله	گامت تنشده ام الحزن عن حاله
شافت طشت لاجن امغظه اگباله	چشفته وشافت چبده من دمه
على الوجه گامت تلطم اوونت الونته	سالت دمعته

\* \* \*

طشتين زينب شافت ابها الايام	يم الحسن واحد او واحد بالشام
لاچن الأزيد هظم راس الضرغام	ليزيد شافت والطشت يمه
بالخيزرانه ايوسمه او يضرب ابشفته	سالت دمعته

\* \* \*

نادا يبو السجاد اگعد يمي	بالك تطالب عكب عيني ابدمي
عندك اوليدي اوديعتي يبن امي	وحط ايد جسام اعلى چف عمه
عگبي اريد اتعرسه وتحضر ابزفته	سالت دمعته

\* \* \*

### في رجوع السبايا الى كربلاء

زينب تنادي وتسحب العبره	من اليسر والهظم يالسجاد ملينه
	انريد والينه

\* \* \*

والله يعمه من كثر هظم الشام	ما اهجع ابليلى ولا عيني اتنام
چم دوب اظل ابحكم هاي الظلام	قلبي خلص من الهظم صبره
ليمته نبگه وهلخلگ تتفرج اعلينه	انريد والينه

\* \* \*

متنه يعمه امن اليسر ودروبه	ودموعنه ابكثر الهظم مسجوبه
سميه وهند بقصورها محجوبه	وحنه يعمه اعلى الهزل يسره
ودور من كتر الكثر هاي العده بينه	انريد والينه

\* \* \*

هظم الخرابه اللي گعدنه بيها	ارخص يعمه ادموعنه جاريها
گوم الودايع للولي وديها	دلينه ابسوك ابسيا كتر گبره
خاطر نخبره اخلاف عينه اشكتر ذلينه	انريد والينه

\* \* \*

تدري يماي العين عندي والي	بـيه تجفل بالدرب يبرالي
ورد اعتنيله وشجي ذلي وحالي	ونشوف شنهو بن الفحل عذره
تقبل حميته اهل الهظم والذل يخلينه	انريد والينه

\* \* \*

انهض او وديني الراعي الرايه	ارد اعتنيه امن الهظم شچايه
كليوم لني اميسره لولايه	گليي بعد ما ينجبر كسره
انهض لعد راعي العلم والجود ودينه	انريد والينه

\* \* \*

### في رثاء الامام الحسن عليه السلام

اليوم الحسن لمصيبته او سمه	اشحال ابواليمه
ايعاين الچبده او ينتحب يمه	اشحال ابواليمه

\* \* \*

اشحال گلب حسين لمن	عاين الچبده عضيده
بالطشت ممروده كلها	وشاف اخيه العود بيده
يسو امحمد صاح چنها	علتك صعبه او شديده
سولقلي يحزام الظهر	يا هو العلى سمك جسر
جاوبه ودلاله انكسر	شنهو يحسين التريده



ثارك يگله ارد آخذه منه الحسن جرونه  
وآقسم عليه ابجاه ظلع امه اشحال ابواليمه

\*\*\*

عليك اقسام يبو اسكينه ابراس ابوي وضلع امي  
مني لو گربت منيتي وگوضت من هذا سمي  
بالك او اياك تطلب يا عضيدي ابثار دمي  
خليني اموت ابعلتي ومظلوم ارواح الحفرتي  
با الحشر انشر دعوتي وشجي للمعبود همي  
بيش ابن ابوسفیان يطلبنی حتی ایسمنی  
ونمرد دلالي ونزف دمه اشحال ابواليمه

\*\*\*

لو گضت يحسين روحي وخلص يا مظلوم چبدي  
انته غسلني يخويه وشيل نعشي القبر جدي  
انته طوفني ابضريحه حتی اجدد بيه عهدي  
مروان ليكم لو طلع وم الجمل ويا تبع  
والنعشي يعضيدي منع بالبقيع احفرلي لحدي

\*\*\*

### في حق الامام الحسن عليه السلام

من بني العليه الغوالب نعش يا ماجد ضعن  
اصبح احسين اعلفگده اينوح والكون انرجن

\*\*\*

يا علي ايضمك ضريحك واصبح اليوم الحسين  
ظهره معطوف العضيده اوتهل من عنده العين

ايصيح يا بدر الغوالب يبو امحمد شلت وين

يا عضيدي انفصم ظهري

من عكب عينك يضخري

انهدم ركني او طود صبري

اونامت اعيون الخصيم او حاربت عيني الوسن

\*\*\*

والمصيبه حين زينب لفت يمه اتودعه

او عاينت للطشت شافت بي چبدته امگطعه

لظمت او صاحت ابونه الصخر منها اتصدعه

يبو امحمد جاوب اختك

من مرد بالسّم مهجتك

او بالطشت گطع چبدتك

ما تحاچيني يخويه اهروش گلبی اتگطعن

\*\*\*

يا هو عگبك لليتامه اوبيها مثلك من يروف

اوياهو بعدك على الارامل يحن چلزوج العطوف

المن الوفاد عگبك بعد تگصد والضيوف

اوياهو عگبك للوازم

يا بدر عز الهواشم

يتمت بالزغر جاسم

اوچان ضني اتشوف عرسه اوخاب هليوم المضن

وانگطع منك رجاها وخاب هليوم المضن

\*\*\*

من سمعها احسين اجاها اوقامت ادموعه تهل

صاح لا تبچين يختي اوللخدر ردها النفل

غسل اعضيده اييمينه او عكب ما تم الغسل

صاح يشبول الهواشم

ودعو بحر المچارم

اگيل ابن الحسن جاسم

يتمتني ايصيح بويه او طاح ودموعه جرن

\*\*\*

من غضه اوداع الهواشم صاح ابواليمه النفل

ياالله شيلو النعش زوروه گبر سيد الرسل

اگيلو بالنعش لاچن لگوا بت ذاك العجل

علبغل طلعت مغضبه

او على القبح والشر محربه

اتصيح ابنكم ذاك دربه

ردو عن بيتي يهاشم لا اشب نار الفتن

\*\*\*

صاح ابواليمه اعلهونچ ليش علشر مجهده

نعش اخوي ابقر جده انريد عهده انجدده

نادته هيهات وومت بيدها الصوب العده

گام نبيل الگوم يعصف

وعله نعش الحسن يخطف

اوبينهم مروان يحلف

ما يطب الحسن وفلان غضه او بره اندفن

\*\*\*

والنعش بين الهواشم والسهام عليه ترش

والحسين ايشوف ذاك النبيل يعصف علنعش

جرد العباس سيفه اوصاح لاچن يرتعش

يلعلي والله يغالب

يا ضخر يوم النوايب

بيكم اشهود الحرايب

والسيوف ابين ادينه او ينضرب نعش الحسن

\*\*\*

والحسين ايصيح هون لا يبحر الفضل هود

هذ مو يومك يخويه ابرهد يا ضنوت العود

الك يوم البي تصول عالنهر حامل الجود

والسهم يوگع ابعينك

عگب يسراك وايمينك

والعمود ايصك جبينك

وانه ضامي انچتل عگبك والحرم يتيسرن

### في هلال محرم

اهلال الحزن يفجعنه بمصابين بس تشوفه العين

ذلت يسر زينب وچتل حسين بس تشوفه العين

والله يا شهر النوايب حين ما تجبل عليه

وبا السمه ايبين اهلالك والموالي اتشوفه عينه

كل گلب ينعاك منه ويكثر ابحزنك وتينه

يا شهر تدري من تطب اهلالك يروع چم گلب

وچم عين جاريا يصب على الذي گطعو وتينه

ينصدع گلب المصطفى المختار والوصي الكرار

وگلب الوديعة ينجسم نصين بس تشوفه العين

\*\*\*

چم گلب منه كسرتہ	تدري يهلال النوايب
سلوة الهادي ومحنته	حين نتذكر مصايب
لعد بدر التام غرتہ	چم طفل لحسين تشبه
والماي من عنده انحره	بسهم عدوانه انفطم
دمه يسفح من رگبتہ	وحسين رد بي للخيم
من يشوفه	وتصير يمه امن الحرم حنه
بس تشوفه العين	وامه تهل الدمع على الخدين

\* \* \*

ما يمر ذچرك عليه	والله يهلال المحرم
هظم يوم الغاضريه	اله وتذكر ابشهرك
وروح للبضعه الزچيه	چم گلب للنبي الهادي
وبفيض دمها امغفره	امست غريبه اعلى الثره
حرمله ابسهم المنيه	وچم طفل طوگ منحره
رحت من ايدي	وامه تون وتصيح يوليدي
بس تشوفه العين	گلي يطلبك حرمله ابيادين

\* \* \*

لو هجست الماي برده	بيك يا شهر المحرم
والمثلث مرد چسبده	اذكر المذبوح ضامي
لو شربتوا العذب ورده	وگال اذكروني يشيعه
وسهم الرماني ابچبدتي	ذكروا يشيعه امصيبتي
وعلى طفلى الراح برده	وبچوا على حالي ومحنتي
وطلبته الماي	شلتہ على صدري وبی رحمت لعدای
بس تشوفه العين	ضامي ورموه العده ابسهم البين

\* \* \*

لو شرب واحد اميه	شيعتي اوصيكم اخلافي
ولا تضيعون الوصيه	خله يذكر عطش جبدي
وما سكوني اجلاف اميه	اطلبت من الماي كطره
ولا ضگت كطره امن الورد	حتى انفطر منى الجبد
وانه مرمى اعلى الوطيه	للماي اعان من بعد
ومنه يسكوني	عيوا يشيعه العده ايرحموني
بس تشوفه العين	كطعوا طريجه اوليه اجيبه امنين
لو سمعتوا ابجد ضامي	شيعتي ذكروا جبدي
والعده رخت اعضامي	ذابت امن العطش والحر
وچتل اهل بيتي وعمامي	وذكروا عبدالله رضيحي
التمت اخلافي ابلا ولي	وذكروا يشيعه اعويلي
ولالهها واحد يحامي	تبجي وتنادي يا هلي
وانه با الوادي	وزينب على التل قامت اتنادي
بس تشوفه العين	لاچن ابشخصى دايره الصوبين

\* \* \*

فاجده عزها اوليها	حرم لو شفتوا يشيعه
اعلى الهزل ومچتفيها	ذكروا اعايلى الخذوها
زجر يتحكم عليها	عگب فرسان الغوالب
واللسي يباريها زجر	متحيره ابذل اليسر
وهيه تتستر بديها	مجلوبه من كتر الكتر
ابروح ملهوفه	وراسي اعلى راس السمھري تشوفه
بس تشوفه العين	رمحه ايتمايل بي يسار ايمن

\* \* \*

اعليل لو شفتوا يشيعه	يكسر الخاطر ونينه
ذكروا سجادي وعليلي	العلی الناگه امگيدينه
يشوف عماته وخواته	وتسجب العبرات عينه
كل ساعه يتمنه الجتل	ولا بين هلوادم يذل
ويشوف بمتونه الحبل	فوگ هضمه امچتفينه
كليوم لنه طاب الديوان	ابوليت العدوان
ويا يتامه ولمت انساوين	بس تشوفه العين

\* \* \*

### في هلال محرم

هل المحرم والحزن يبراله  
يا صاحب الشار بحوالك اشصار  
من شافت اعيونك الليله اهلاله

\* \* \*

سيدي يبن الوديعة	اشحال قلبك هلمسيه
من گمت تذكر مصايب	هظم يوم الغاضريه
ما اعز منك على الله	با السمه ولا بالوطيه
انشر اچفوفك للده	وخل يهل جفك مدمعه
ونادي يرب الواسعه	ابجاه ظلع امي الزچيه
عجل ابوعدي المنك انترباله	
ليلي ولنهار	وقلبي يشب نار
ودموع عيني امن الهظم هماله	

\* \* \*

يا الاهي اسرع ابوعدي	ما بعد للگوس مدفع
ملت امن الصبر روعي	وناظري امن الهظم يدمع
هذا ديني وثار جدي	بيه تهتف وانه اسمع
چم دوب اظل ابها الصبر	والگلب يتواگد جمر
عجل يلاهي با الأمر	حتى اسل السيف واطلع
دين الحيا جدي الرسول وآله	
وشيده الكرار	لمن عليه صار

رايد يهدمه الأعور اوجهاه

\*\*\*

اشلون اخلي الدين وحده	ابوليت احزاب الجهاله
والعجل يامر وينها	ويحكم اويفتي ابخياه
يدعى لفض الشهاده	الثالثه بدعه وضلاله
اوبياها الامر منك نزل	والدين للأمه كمل
حلل حرام اهل الجهل	والشرع حرم حلاله
يرضي النواصب مگصده بفعاله	
ولا همته النار	وفضيحه العار

يفتخر گام اعلى الخلگ بعماله

\*\*\*

يا الاهي وثار جدي	يستغيث وينخه بيه
يا ذنب لحسين حتى	اعليه تجور اشرار اميه
عاف من عدها المدينه	وگصد لرض الغاضريه
بسمما وگف بيه المهر	ونزل اضعونه بن الطهر
گامت رواياها تجر	وشحنت افجوج الوطيه



گامت الحربه الكفر تتناخاله

من اربع اکتار بيه الفرع دار

گطعوا الماي اهل الرده اعلى اطفاله

\*\*\*

رادته ايطاوع لمرها	وعيت ايبايع حميته
سامت اعليه المذله	وشتره العز ابمنيته
حشم انصاره الضياغم	للحرايب وهل بيته
هاجت وبذلتله الجهد	والوالد ايحشم الولد
لمن نزل ليها الوعد	غدت تتهاوه ابشنيته
خلصت چتل بالغازيه اگباله	
اهله ولنصار	جادت بلعمار

على الكاع نومه وغدت تبجي الحاله

\*\*\*

ظل وحيد ايدير عينه	وغده اعليه الجيش داره
گام يحمل على الكتايب	مثل ابوه اليحمي جاره
حته صاب السهم چبده	اووگف بحدود المعاره
دارت عليه من كل كتر	وتولته طعن او طبر
لمن وگع من المهر	ودم اصاوييه ايتجاره
أمنت منه وغدت تتدناله	
عليه الفرع غار	وليت الكفار

گامت تدوسه ابخيلها الخياله

\*\*\*

فر للمخيم احصانه	وگام بين الخيم يسهل
يظن يلگه امن الهواشم	واحد وعلى الخيل يحمل

طلعت امن الطنب زينب	والحرم تصرخ وتعول
صاحت وناضرها دمع	چاوين خيالك وگع
هالعسكر اعليمن فزع	ليش دمعت عينك اتهل
گلی عليمن فزعت الرجاله	
وبيا كتر صار	مهجة المختار
وليا كتر عگبه تروح اعياله	

\* \* \*

### في رثاء الامام الحسين عليه السلام

دمعچ على الخد خل يهل يا عين	على الغريب حسين
شوفي النوايح عجت الصوبين	على الغريب حسين

\* \* \*

خل يهل يا عين دمعچ	والگلب يجذب ألونه
عاد شهر الحزن لينه	او عود اعلينه حزنه
بيه كتبوا لبو اليمه	او بالضعن ليهم تعنه
بسمه وصل ليها الضعن	هاجت عليه نار الفتن
تطلب ابثارات المضم	وخاب من الناس ضنه
نزل اضعونه ونصب صيوانه	اولفت عدوانه
چن الها من سابچ طلب يو دين	على الغريب حسين

\* \* \*

والله يا شهر النوايب	حين ما تجبل علينه
اوبالسمه ايبين اهللك	والموالي اتشوفه عينه
كل گلب ينعاب منه	ويكشر ابـحزنك ونينه

يا شهر تدري من تطب  
وچم عين جاريها يصب  
ينصدع قلب المصطفى المختار  
وگلب الوديعة ينجسم نصين  
اهلاك يروع چم گلب  
على الذي گطعو وتينه  
والوصي الكرار  
على الغريب حسين

\*\*\*

والله يا شهر المحرم  
اله واتذكر نوايب  
چم گلب للنبي الهادي  
امست ضريبه اعلى الثره  
وچم طفل طوگ منحره  
وامه تون وتصيح يوليدي  
ويظل دمعها اهل على الخدين  
ما يمر ذچرك عليه  
هظم يوم الغاضريه  
وروح للزهره الزچيه  
وبفيض دمها امغفره  
حرملة ابسهم المنيه  
رحت من ايدي  
على الغريب حسين

\*\*\*

جرت عليه الروايه  
تريده يصبر على المذله  
عيت الضيغم حميته  
نفس ابن حماي الحمه  
سل سيفه دون امخيمه  
دارت روايه الشام وصفوفه  
سبعين الف وكثر امن السبعين  
ولزمت عليه الشرايع  
والكفرهم يمسي طابع  
لبن مرجانه يبايع  
على الضيم ما هي امعلمه  
ودون عزه والودايح  
وجيمة الكوفه  
على الغريب حسين

\*\*\*

يا مصيبة البيك هينه  
سوّد التاريخ يومك  
بيك يا شهر المحرم  
طاعت لعد طاغي الكفر  
وما يهل الدمع بيها  
ابد ما صاير شبيها  
خانت الامه ابنيها  
وسلمت ليزيد الامر

گامت روایاها تجر      والغدر جادم علیها  
یا دین الها اعلی النبی الهادی      العترته اتعادی  
وخیول غیها تلعب امیادین      علی الغریب حسین

\*\*\*

تدری یا شهر النوایب      چم گلب منه کسرتہ  
حین نتذکر مصایب      سلوة الهادی ومحنتہ  
چم طفل لحسین تشبه      لعد بدر التام غرتہ  
بسہام عدوانہ انفطم      والمای من عنده انحرم  
وحسین رد بی للخمیم      دمه یسفع من رگبتہ  
وتصیر یمہ امن الحرم حنہ      من یشوفنہ  
ویگو من ایحومن یسار ایمن      علی الغریب حسین

\*\*\*

### ندبة للحجة (عجل الله فرجه)

هذا المحرم یغایب لیک ناعیه قصد  
ما تقوم اتلوح غوجک بعد یا الهادی اشبعد

\*\*\*

غیبتک بالدهر صارت ینضرب بیها المثل  
او حارت الناس ابوصفها او کل عقل منها انذهل  
الوحه والعجل والغوث یغایب والعجل  
طالت الغیبه علینه  
والخصیم اشتمت بینہ  
والغوث عجل یاولینہ  
ما یظل للقوس مدفع لو ردت تصبر بعد

\*\*\*

والله لو بالكون غيرك للشدايد يندب

چا ندبناه او غدينه اعليه يالمهدي انعتب

لچن ما بالكون غيرك ونته شخصك منحجب

اشلون يا لمهدي البصيره

صرنه عگبك بشد حيره

بالرخه الوادم چثيره

اولمن اتصير الشدايد يا مقل ذاك العدد

\*\*\*

لا تظن بالأرض بين العسچري شرگ او غرب

بالشدايد تصح صفوه اليضمدا اعليها الكلب

مثل الانصار الحظ ابها احسين بديار الغرب

من وصل للغاضريه

او خسيم ابذيج الثنيه

اودارت اعليه آل اميه

اورادته ايبياع يزید او خانت اوياه العهد

\*\*\*

لم هذاك الوكت گومه او گام يخطب بالخيم

او صاح جري الأمر بيه انعكس يصحاب الشيم

اليريد ايروح منكم خله يسرع بالجدم

قبل ما يعتلگ شرها

اوبيضها اتنادم سمرها

او بالمحجه اگطع عذرها

اويكفر العان اعلچتلى والذي الحربي شهد

\*\*\*

ونتو يليوٲ الحميه او يا صناديد الحرب

ما عليكم حرج مني اوبيعتي ماهي غضب

اليريد ايروح منكم راشد او ذاك الدرب

وانه خلوني اتم وحدي

ونچتل ما دون حدي

وفدي روعي الدين جدي

او من يعز الدين عندي الموت احله امن الشهد

\*\*\*

حين سمعوه الهواشم گام ابوفاضل الحيد

صاح چيف انروح ونته تبگه يعضيدي وحيد

تدري يحسين الهواشم عدها يوم الحرب عيد

لا وحگ جودك او مجدك

ما نروح او تظل وحدك

حته نخلص دون حدك

من عگب عينك يخونه العيش لا صبح رغد

\*\*\*

ولنصار انوب گامت جادم اعليهم حبيب

ايصبح چيف انروح ونته ابكريله تبگه غريب

وحنه اجينه اليوم دونك تنچتل شاب اومشيب

انته سيدنه اوفخرنه

وانته بالمحشر ضخرنه

يبو السجاد اشعذرنه

لو گلت للهادي جدي وحدي خلوني يجد

\*\*\*

## في نهضة الحسين عليه السلام

يشهد التاريخ حررت البشر كلها  
بالطف نهضتك على الظلم والجور يحسين حررت البشر كلها

\*\*\*

بالطفوف أنهض نهضه يشهد التاريخ بيها  
من عفت دار المدينه وگصدت بالشمل ليها  
هدمت عرش ال اميه وضاغت الوسعه عليها  
ونطيت للعالم درس بحروف اضوه امن الشمس  
والغانمه وعزت النفس بيش تمهي وتشترها  
واليمنصر الدين للعليه يعاملها  
وانته يبو السجاد بنصارك الطيبين حررت البشر كلها

\*\*\*

لون ما نهضتك هاذي الناس ردت جاهليه  
والأمير ليزيد صار ولبن مرجانه الدعيه  
لاچن اعلى الضيم تغضي عيت انفوس الأبیه  
هاجت او وياهم هجت للفاضريه وخيمت  
گمت وعلى الناس خطبت وثبتت كفر آل اميه  
وحليت للناس محنتها ومشاكلها  
من آل اميه وجيشها الجار واعلى الدين حررت البشر كلها

\*\*\*

نهضتك يحسين هذى مو لجل كرسي وزعامه  
لاچن انريد النبوه تثبت ونص الأمامه  
با لولايه احلفت لنك هالكفر تسعي ابعدامه

يو تمسي على الغبره خذم      ولا يظل سالم بالخيم  
وترفع الدين الله علم      والربح يوم القيامه  
راية الاسلام      ما تقبل تنزلها  
بيدك شلتها ابجيشك الواحد وسبعين      حررت البشر كلها

\*\*\*

وگفت بالميدان وگفه      ما وگف ماجد مثلها  
اله داحي الباب عودك      والنبي سيد رسلاها  
بينت بيها العد اله      وثبتت للوادم جهلاها  
وثبت ليزيد الكفر      وگطعت من عدها العذر  
وتضح للناس الامر      الخلافه انتم اهلاها  
گصداك الاصلاح      موقصدك تجاملها  
والأثر هذا وبالعقل شفنا وبالعين      حررت البشر كلها

\*\*\*

ظن بن هند الدعيه      لو هدر دمك ابيفه  
يستفرد بالملك وحده      ويمسي على الوادم خليفه  
ويحكم الوادم ابجوره      ويامر وينهى اعلى كيفه  
ما يدري دمك لوجره      ويسعفر ابفيضه الشره  
يفني الضلال وعسكره      وياخذ امن الظلم حيفه  
ويصير مذياع      بالدنيه ومحافلها  
وتعتقد بيك الناس يا نسل الميامين      حررت البشر كلها

\*\*\*



## في زيارة الحسين عليه السلام قبر جده عليه السلام

لمن راد ابو السجاد      يضعن من وطن جده  
راح الكبيره ايودعه      ويشجي من امته عنده

\*\*\*

تعناله ابظلام الليل      يشجي الهظم ويودعه  
لاچن من كثر همه      ابعينه ضايگه الوسعه  
شاف الكبير بعيونه      وسال امن الجفن دمه  
يويلي وخنكته العبره      وذب روحه على گبره  
يگله اگد يبو الزهره

شوف امتك عليه اشلون      كلها اصبحت مشته

\*\*\*

اضعن من وطن طيبه      يبو ابراهيم يردوني  
ولا ادري الوجه لا وين      لو جدت بضعوني  
يجدي ضاگت الدنيه      ابكثر الهم على عيوني  
سويلي يجد چاره      من هالدهر وشراره  
خلني ابگبرك اتواره

روحي ملت الدنيه      ولا تهوالها الرده

\*\*\*

يجد أنه العزيز احسين      ولمهجتك ريحانه  
امتك ما رعت حگي      وكلها اصبحت خوانه  
يردوني اطيع ايزيد      واخضع لبن مرجانه

ومري يصير تاليه \* ابوليت هند وسميه \* يجدي يصعب عليه

عزي لو فگدته اليوم      شلى بالعمر بعده

\*\*\*

من كثر الهظم والههم      نامت على القبر عينه  
لنه بالمنام يشوف      جده ويسمع ونينه  
عمري بعد ما ريده      ولا ريذن حياة الذل  
وقلبي من الهظم والظيم      والظيم ذاب وبعد ما يحمل  
اخذني للكبر وياك      وبساحتك خل انزل

ضاق امن الهظم صدري \* ولا ريذن بعد عمري \* ياهو اللي صبر صبري  
وهمي جاوز احدوده      يبو ابراهيم وتعهده

\* \* \*

من كثر الهظم والههم      نامت على الكبر عينه  
لنه بالمنام يشوف      جده ويسمع ونينه  
يگله مردت گلبي      ابواچيك يبو اسكينه

اصبر على الهظم يحسين \* وتحمل ينور العين \* يبنی واعدت هالدين  
اخذ اهلك يبعد اهلي      ووفي بكر بلا وعده

\* \* \*

دين الي تعبه عليه      وعودك شيد اركانه  
ظل مفرد يدير العين      ما يا جد العوانه  
ابنى لا تخلي الدين      وحده ابين عدوانه

روح الكربلا وعينه \* وخذ اهلك يبو اسكينه \* وقر بمرهفك عينه  
يبنى چه يهون عليك      دينك من يظل وحده

\* \* \*

يبنى چنى ما شوفك      موجب بالحرب وحدك  
شيبك يقطر امن الدم      وتحامي حرم جدك  
بلمثلث يصيبونك      يويلي ويوگع ابچبدك

وتلوج بظهر مهرك \* وتخلي على السرج صدرك \* وتطلع السهم من ظهرك  
وتروح الخيمة عيالك وختك بيدها تشده

\*\*\*

يجدي ريتني حاضر ابوادي كربلا يمك  
وشدن جرح البجبدك وخضب شيبى ابدك  
علي امصيتك يحسين مثل امصاب ضلع امك  
شبيدي عليك يا جدي \* ابجيك مردت چيدي \* ادري من امتي اشيسدي  
ولا بد ما اخاصها يجدي ابساعة الوحده

\*\*\*

### خروج الحسين عليه السلام وملاقاته مع الحر

ليش امن المدينه حسين شال ابليل بضعونه  
وهاشم گامو ينوحون لفراگه ويودعونه

\*\*\*

شال ابليل من يثرب تظن خايف طلع منها  
لا والمصطفى جده وضع امه ومحسنها  
هاشم ما تعرف الخوف يو يخطر على ظنها

لاچن للظلام اختار \* ويحرم للكرام \* خايف لو ضعن بنهار  
ليه الناس يتعنون ولضعنه يشوفونه

\*\*\*

من يثرب طلع طلعه بيها الدهر يتمجد  
ابدن ما طلع سلطان مثله اعلى السفر معتد  
ديباج الخيم كلها والعمدان من عسجد

والسبگ عليها رخوت \* ابدر امر صعه وياقوت \* شبل البضنك منعوت  
بالعز كل ملك بالكون دون امخيمه ودونه

\* \* \*

جأبو للمسير انياگ للسياگ مجنبها  
هو ادج فوگها من العاج بالهيه امبرگعها  
من يقدر يوصفها وراعي العلم حادها  
حين اللي نوت تبعد \* وبذاک الظلام اتمد \* گام ابصوته ايغرد  
وگامت تجد بالبيده وكل الحرم مامونه

\* \* \*

ناشر رايسته بيده اوجدام الضعن يحدي  
ونوگ الضعن بالبيده اعلى صوت بن الفحل تعدي  
وبواليمه غده اينادي يدين المصطفى جدي  
عفته اديارنه اوجيناك \* نخلصك من عذاب اعداك \* يدين المصطفى العيناك  
يو اتلف وجود اعداك يو راسي يگطعونه

\* \* \*

ما بين الهجن تسري لن الحر والف خيال  
مالو على الضعن وحسين ليهم بالغوالب مال  
شاف العطش ضر بيهم وسگاهم وهو بذاک الحال  
لمن برد اضماهم \* ومن الماي رواهم \* ركب غوجه وتعناهم  
گام حسين ينشدهم وهم گامو يجيبيونه

\* \* \*

نده يالحر وجاه الحر لاچن وگف متأذب  
خايف يغلط ابچلمه وعليه ابن الفحل يغضب  
يگله اشعندك امحورب ابهاي الوادم اومحرب

عليه جاي يوانه \* سكت لاجن جذب ونه \* صدله وصاح يمجنه  
عليك الناس ملتمة والچتلك يسريدونه

\* \* \*

يقله انتم كتبتولي وليكم جيت بضعوني  
ارد انچانكم هـلحين يا حر ما تريدوني  
اجيم ويه الوحش بالبر ولا چنكم تعرفوني  
بعد تسدر يگله امنين \* وبيكم دارت الصويين \* للكوفه امش يحسين  
شوف الوادم اعلى الخيل والشخصك يدورنه

\* \* \*

يگله ثكلتك امك يحر انچان ارواح اوياك  
يسير اتريد تاخذني لبن زياد وبگه اهنالك  
صاح ارشد يحادي وسير جدام الضعن بهواك  
وتجدم الحادي اوحده وعباس سل امهنده  
الهـلحد ينادي يا لعهـه خلو الضعن يهل الرده

\* \* \*

تناخت كل غوالبها وسلت كل مواضيها  
وصاحت لا تحث النوك بالمسره يحاديها  
هاي اضعون ابو السجاد من يگدر يصل ليها  
وحنه الذي انحامي الضعن ونعيّد ابيوم الطعن  
شاهدنه بحروب المضن نفدي الرگاب بلا ثمن

\* \* \*

يزينب أمني صاحوا اوخل تأمن فواطمها  
اسباع الحرب جدامچ والموت ابصوارمها  
تهلهل بالضعن گامت من سمعت هواشمها  
امن گلبها امن الخطر ولا بالت ابغدر الدهر

ويلاه من يوم العشر \* من طلعت اتريد النهر \* شافت قمر هاشم وذر

صاحت غدو يا عباس عدوانك يسلبونه

\*\*\*

### نزول الحسين في كربلا

من عاف المدينة حسين والكربله اتسعناها

فزعت جيمة الكوفه اوجرت كل رواياها

\*\*\*

من شاف الحزم تتره اعلى حربه وشحنت الوادي

ركب غوجه وتسعناها اوگام ابينها اينادي

انه الطاهره امي وجدي المصطفى الهادي

يا گوم اشتطلبوني \* انتو اللي دعيتوني \* والكم جيت بضعوني

وطلع كل رسايلهم وگام حسين يقرأها

\*\*\*

ناداه الجمع كله ما تدري اشتگول الحين

لاچن بايع بن زياد وسلم بالاهل يحسين

عاين للروايه وشوف بيكم دارة الصوبين

سلم گبل ما تندم \* حتى من الچتل تسلم \* عليك اعراگنه ملتم

هذي جيمة الكوفه وجيش الشام يتلاها

\*\*\*

گاللهم يگوم انچان لنکم ما تریدوني

اقوض عنکم اخيامي ورد للوطن خلوني

يو اقطع افجوج البید ویه الوحش بضعوني

هيهات اذل لبـن ازياد \* وعمر الضيم ما يـنراد \* گالوله يـبو السجاد  
تسدر للمدينه امين وضـعونك وليـناها

\*\*\*

سدر ما يوس من عدهم لاچن سدر يتحسر  
طب لخيـمته مـكـظم ونار الهـظم بي تسعر  
شافت زينب بن امها گلبها انخمش وتطير  
عرفت غدر عدوانه \* وراحت لعد صيوانه \* منها الروح ولهـانه  
طبـت قـعدت اقبـاله وتـجري ادمـوع عيناها

\*\*\*

گالتله يـبو السجاد اشوفك رحـت يـم القوم  
وطالت وگفتك يـمهم ومنهم سدرت مهـظوم  
سولفلي اشـچوا وياك وشـجاوبت يا مـظـلوم  
منكـها الحـرم شـتريد \* اسمع هـضل لها اوويد \* بين امي وطنه ابعيد  
وصـبحنه غـرب يـحسين والگـوم ابـثواياها

\*\*\*

گالـلها اگـصدت ليهم ومنهم خابت اـضـنوني  
ابـايـع لبـن مـرجـانه وطـيع ايزيد يـردوني  
ولو عـيـيت يا زينب نـيـتـهم يـكـتلوني  
وعـزمي يـت حـيدر صـار \* اسـجر بـلـحـروب النـار \* ما يـنـحـمل يـختي العـار  
مـنـه المـوت اـهـونـلي وحي الله ابـمـناياها

\*\*\*

گالتله يـبو اليـمه يـخويه اشـلون چا بينه  
مـن تـنچـتل با المـيدان عـگـبك مـن يـحـامينه  
گـوم وـحـمل اـضـعونك وسـدر للـوطن بينه

ما نكدر الذل اليسر \* والگوم عدوان الكفر \* يسبونه من كتر الكتر

يخويه الحرم ما تنهاب لمن تفكد الوليان

\*\*\*

يطمع بيهن الطماع من توليهن العدوان

سوي الهل الحرم چاره گبل ما تطب للميدان

لا يبغيك اخلافك غرب تنحب ومكسوزة گلب

ودموعها اعلى الخد تصب

\*\*\*

### في نزول الحسين عليه السلام كربلاء

اودعت غالب وطن هاديا بأمر باريا

شالت ابليل وگطع حاديا بأمر باريا

\*\*\*

ليش غالب من وطنها ابليل شالت بالضعينه

وخذت وياها حرمها وعافت اديار المدينه

بالضعن عباس يحدي ورايته اتمرف ابيمينه

لاوين شايل هلضعن بي حافه اليوث الطعن

ظل ينحب عليها الوطن وشابح اعلى الضعن عينه

ليش الغوالب سارت ابهل الليل على اظهور الخيل

گالو هتف دين النبي بياها ابأمر باريا

\*\*\*

اشلون يرضون الغوالب دين جدهم يظل وحده

يستغيث امن الاعادي ولا يصح عوان عنده



عهد منطي حسين لجله	وليه رايح يوفي عهده
ماخذ عمامه وخوته	تفدي الرقاب النصرته
ايداويه من دم رگبته	حتى يحي الدين بعده
احشم عمامه احسين ونصاره	وگامت الثاره
وگصدت لعند اجيوش اعاديها	بأمر باريتها

\* \* \*

گام يحلف بالولايه	حسين من مدت اضعونه
يو علم يرفع الدينه	يو يضحى ابروچه دونه
گامت اهل الشيم تحدي	وشابحه اعليهم اعيونه
لمن وصل طف كربلا	ونزل اضعون اعويله
گامو بني عمر العله	على الموت ايبايعونه
هاجت وبسم الدين نخواها	حين نادها
وسلت بني هاشم مواضيها	ابأمر باريتها

\* \* \*

حين صدت للروايه	زينب وشافت الخيمه
بالوجل هيس گلبها	وگبعت ابثوب الهضيمنه
قصدت الخيمه وليها	شافته ابذروه الخيمه
قالتله والمدمع يصب	بالنايبه حس الكلب
وحنه يبو اليمنه غرب	والخصم طاح ابخصيمه
هاي الروايه اللي لفت لينه	ودارت علينه
ما ذكرتها وما تحاجيها	ابأمر باريتها

\* \* \*

غرب يبن امي صبحنه	ودارت العدوان بينه
خاف نستيسر عگبكم	واليسر يصعب علينه
حمل اضعونك يخويه	وبينه سدر للمدينه

خافن عگبکم ننولي      وافگد عما مي وکل هلي  
ولا يظل من عدکم ولي      يرد عنه اليعتنيه  
هاي الودايع وين منوها      اخلاف ولياها  
عدم من عگب عينك نخليها      بأمر بارياها

\*\*\*

هم يظل منكم شريده      الهل الحرم يجمع شملها  
يو تخلوها غريبه      وحايه الام ابطفالها  
من سمع زينب وليها      لا يبت حيدر يگلاها  
ما يظل عد مطفل طفل      وتحرير بيه وتنشغل  
كلها يزيب تنچتل      والخيم تخله امنهلا  
لابد يزيب تخلص اطفاله      وتنسبي اعيايه  
وهاي الضحايه اللي تشوفها      بأمر بارياها

\*\*\*

ما الهاي الحرم غيرچ      يبت حماي الحميمه  
انتي باريهن يزيب      لو مشن عگبي سبيه  
کلچن تروحن سبايه      وحنه نبگه اعلى الوطيه  
نومه نظل فوگ الشره      بالدم جثته امعفره

ايض المواضي امودره

\*\*\*

بعد شحچيلچ يزيب      من مصاينه وهضمه  
شفتي ميت يظل عاري      ولا يصح واحد يدفنه  
ناده زينب يخويه      ريت کل الكون يفنه  
تبگه ثلاثه ابلا دفن      وبگه عگب عينك تظن

ويطبگ العيني جفن

\*\*\*

ريتنى يحسين عميه	ولا اشوفك على الوطيه
اموزع ابيض المواضي	ونته على الغبره رميه
وبگه من بعدك ذليله	ومشي على الهزل سبيه
نمشي على الهزل يسر	وطوف بينه اهل الغدر

يحسين من كتر الكتر

\*\*\*

استعلام الحسين عليه السلام بقتل مسلم بن عقيل

لمن ودعت عدنان	طبيه اوگبر هاديها
شال الضعن عنها ابليل	واظلمت نواحيها

\*\*\*

شال امن المدينه حسين	بضعونه وگطع بالبر
حتى الناس لا تسمع	واعلى الحرم تتفكر
غدت نوگ الضعن تعدي	ويعدي اويهاها المگدر

هاشم راجبه اعلى الخيل \* من عدها الدموع اتسيل \* ليش حسين سار ابليل

عادات البدور اتسير	وتغيب ابلياليها
--------------------	-----------------

\*\*\*

ما بين الهجن تعدي	وجادم على الضعينه حسين
وهاشم دايره عليها	مثل دور الجفن على العين
حداي الضعن يحدي	او يتلفت يسار ايمن

لن ذلال بسالبيده \* رايه امن الحزن بيده \* صاح اوصيحتة امچيده

المن هل الهجن تعدي	اوين ايريد حاديها
--------------------	-------------------

\*\*\*

قالوله الضعن لحسين      گاصد بيه للكوفه  
ابھونك صاح يالحادي      لمن عيني اتشوفه  
دلوه اعلى ابو اليمه      اوحب رجله وچفوفه  
صاح اويهل دمع العين \* ناوي اهل الزمل لاوين \* سدر بالضعن يحسين  
مسلم غدرته الكوفه      وابن زياد طب ليها

\*\*\*

لمن سمع مسلم راح      سالت دمة عيونه  
وصاح أبناو الخيام اهنا      ونزل بيهن اظعونه  
گاموا هاشم اينوحوون      والمسلم يندبونه  
وابو السجاد وياهم \* ابذاك النوح واساهم \* لمن هود ابچاهم  
عائين ليهم ابعينه      اوقام ايسيل جاريها  
قاللهم يهل بيتي      ونستم يالتبعوني  
مسلم غدرته الكوفه      وبها الناس خانوني  
ردوا يخوتي منا      اوويا القوم خلوني  
بعد هيات ارد انه \* وديني ابن عدوانه \* ما ياجد العوانه  
منطي اعھود للباري      واريد ابكر بلا اوفيه

\*\*\*

گامت تضرع الوادم      من عشره ومن عشرين  
ما ظل بلخيام اوياه      غير انصاره السبعين  
لمن راحت الغربه      دار اعلى اهل بيته العين  
گاللهم يهل بيتي \* اعرفتوا مقصدي ونيتي \* عليه هانت امنيتي  
لابد للطفوف امشي      اوعلت الدين اداويها

\*\*\*

وانتم يا بني عمي      خذت من عدكم الراده

مسلم راح من عدكم      اومسلم عين القلادة  
 ردوا يـخوتي الطيبه      وخذوا اويـاكم اولاده  
 كفـاكم چتل مسلمكم \* علي عزت فـجيدتكم \* روحوا ابقوا ابـثـنـيتكم  
 غـيري اعداي ما يـردون      وانه المـعـتني ليـها

\*\*\*

من سمعت بني هاشم      حـچي احسين سيدها  
 يـريد الكـربلا يـظعن      وهـيه اليـثرب ايـردها  
 سـلوا بيـضهم كلهم      وكـسروا كل مـغامدها  
 هـاجوا هـيجت المشـبل \* گـاموا والدموع اـتهل \* صـاحوا يـبوالـيمه الكل

\*\*\*

عـنك چـه نـرد يـحـسين      وـاضـعونـك نـخـليـها

\*\*\*

نـريد اليـثرب انـسـدر      اوـكلـمن يـگـعد اـبـداره  
 اوـيـذهـب ثـار مـسـلمـنه      اوـتـغـمـض عـين فـجاره  
 لا والمـرـتـضـى عـودك      اوـضـلع امـك اوـبـسماره  
 عـنك لا تـظن انـرد \* حـمل بالـضـعن وارـشد \* وـين الي تـريد اـگـصد  
 كـل ارواـحـنه دـونـك      يـسـبو السـجـاد نـفـديـها

\*\*\*

عـنك مـن نـرد يـحـسين      بـيـنه النـاس شـيـگـولون  
 عـافوا ضـعن سـيـدهم      حـتى اـمن الـچـتل يـنـجون  
 بـالـذل نـگـبـع اخـلافـك      يـسـبو اليـمه عـليـك ايـهون  
 چـه نـمـشي وتـظـل هـناك \* مـفـرد بـين جـمع اـعداـك \* هـاي اخـوانـك الوـياك  
 مـن تـنـچـتل بـالـمـيدان      يـاـهو الـلي يـحـامـيـها

\*\*\*

عرف نيات اهل بيته      اونيت البگه امن انصاره  
وهو من عالم التكوين      كل من يعرف اسرارہ  
جزاهم خير عن دينه      ودمع العين يتجاره  
گام الخيمة اعياله \* ومنه العين هماله \* زينب شافها اگباله  
گاللا حميده وين      يسختي اسباع جيبها

\* \* \*

جابتله حميده اوگام      بيده ابراسها يمسح  
تجري دمة اعيونه      ونار الحزن بي تگدح  
گالتله يبو اسكينه      علي چنه اليستم لوح  
من شفتك ابراسي امسحت \* باليتم والذل هيست \* چني امن ابوي اتيتمت

\* \* \*

گاللا يبعد اهلي      يعمي والدچ آنه  
ونتي المهجتي سلوه      او لعد الروح ريسحانه  
لمن سمعت العيله      غدت تصرخ ابصيوانه  
يبجي اعلى حاله او غربته \* او من عقب هضمه اوچتلتنه \* بالحبيل جروا جثته  
يبو طاهر يچتلونك      ابديرت غرب تاليها

\* \* \*

### مكالمة الحسين مع الانصار

يا وطن غالب من وطن جدها      وليه مگصدها  
گالوا الدين انتة ايسيدها      وليه مگصدها

\* \* \*

ليش غالب من وطنها      ابليل مدت بسالضعينه

اوخذت وياها حرمها	وهجرت اديار المدينة
بالضعن عباس يحدي	ورايته اترف ابيمينه
لاوين شایل هلضعن	بي حافه اليوث الطعن
عليه ظل يبجي الوطن	وشابح اعلى الضعن عينه
گالو هتف دين النبي بيها	ارد احاجيها
وراحت تنصره ابأمر ماجدها	وليه مگصدها

\* \* \*

اشلون ابو السجاد يرضه	دين ابوه ودين جده
يستغيث امن الاعادي	اويظل بين اعداه وحده
عهد منطي حسين لجله	وليه رايع يوفي عهده
ماخذ عمامه وخوته	تفدي الرگاب النصرته
ايداويسه من دم رگبته	حتى يحي الدين بعده
حشم عمامه حسين ونصاره	وگامت الثاره
وسيوفها كسرة مغامدها	وليه مگصدها

\* \* \*

گام يحلف بالولايه	حسين من مدت اضعونه
يو علم يرفع الديسنه	يو يضحى ابروچه دونه
گامت اهل الشيم تحدي	وشابح اعليهم عيونه
لمن وصل طف كربلا	ونزل اضعون اعويله
گاموا بني عمر العله	على الموت ايباعونه
هاجت وبسم الدين نخواها	حين ناداها
وسفرت هاشم عن سواعدها	وليه مگصدها

\* \* \*

نهض لجل الدين نهضه	مانهض واحد مثلها
--------------------	------------------

اله داحي الباب عوده      والنسبي سيد رسلها  
 لون ما ينچتل دونه      الناس ردت كفر كلها  
 چا ردت الوادم كفر      ليزيد من صار الامر  
 لاچن شبل فارس بدر      للخلگ بين جهلها  
 گلهم لفيت الطاعت الباري      وهذي انصاري  
 للدين باري الكون رايدها      وليه مگصدها

\*\*\*

ما لفينه الهل الثنيه      اندور عليكم زعامه  
 لاچن انريد النبوه      تثبت ونص الامامه  
 يو نشب بالحرب ناره      والكفر نسعي ابعدامه  
 يو نمسي على الغبره خذم      ولا يظل سالم بالخيم  
 ونرفع الدين الله علم      والربح يوم القيامه  
 ليكم لفيت ابهلي او بحبابي      وخلص اصحابي  
 غير الوفه الهل الدين ما عدها      وليه مگصدها  
 اشلون صفوه اختارها الله      وبها شيد علم دينه

\*\*\*

وعتنوا للموت عنده      وعافوا اديار المدينه  
 حموا دين الله ورسوله      وجاهدوا دون ابوسكينه  
 لمن هوت فوگ الثره      ابيض المواضي امودره  
 وبفيض دمها امعفره      وبواليه اتشوف عينه  
 لاچن الباري شكر مسعاها      ابكثر بلوها  
 واثنه عليها وگام يحمدها      وليه مگصدها

\*\*\*

راح ابو السجاد ليهم      وهم نومه اعلى الوطيه



گام يتلهف عليها      ويعتب اعلى اهل الحميه  
ليش عسفتوني يخوتي      وحيد بين اجيوش اميه  
لحد يفرسان الحرب      ظلت ودايعكم غرب  
ودموعها عليكم تصب

\* \* \*

بالخيم ظلت حرمكم      تنحب وتعتب عليكم  
ادري موهين عستها      لچن يكرام اشبديكم  
هَذَا امر الله عليه      وفتك سيف الغدر بيكم  
حَاير تراني يخوتي      ابهاي الحرم وبگيلتي  
وتجري عليكم دمعتي

\* \* \*

والله موهين عليكم      بين عدواني وحدثي  
وانه فرگاكم هضمي      وسچب فوگ الخد دمعتي  
الموت اهون لي يخوتي      والشمر يگطع رگبتي  
ولا شوف بعيوني الحرم      تتصارخ ابهاي الخيم  
ودري العده مبهم رحم

\* \* \*

ادري تولىها عگبنه      والعواد اتدوس حدها

\* \* \*

## في خطبة الحسين عليه السلام على الانصار

من وصل ظعن ابو اليمه او خيم ابوادي الطفوف  
جرت الكوفه اعلحربه او جردت بيض السيوف

\*\*\*

حين شاف الغوم اجته او غير چتله ما ترید  
يويمد ايده او يبایع لبن مرجانه او يزيد  
لم الانصار او عمامه او گام يخطبها العميد

صاح لعيون الطليعه  
خاننت الوادم البيعه  
اوشحنت افجوج الوسيه  
ولزمت اعليه الشريه  
اتريدني ليزيد اطيه

او من ابایع بدر هاذ الدين يركن للخسوف

\*\*\*

ملها غير الحرب عندي والمواظي السم  
ونتو عالخير اعتنيتو لا على احتوف الجمر  
اليريد ايروح خله ايروح يسلم بالعمر

وانه خلوني اتم وحدي  
ملها غير السيف عندي  
وحمي عزي ودين جدي  
وبنچتل ما دون حدي  
وتبگه هاي الحرم بعدي

بالهضيحه وبالمذله وتنسلب منها الشفوف

\*\*\*

حين سمعوه الهواشم گاموا بوجه الحسين  
لاچن العباس مسغضب ولمشعشع باليمين  
صاح وين انروح عگبك يا ضوه اعيوني لوين

لا وحق عودك وجدك  
ما نروح وتظل وحدك  
لو تسمد ليزيد يدك  
حتى نخلص دون جدك  
وشتقول الناس بعدك

من نروح وتظل وحدك - ناير ابين الصفوف

\*\*\*

من عگب ماحچت هاشم گامت انوب الانصار  
حدود بيض المواضي والدمع يسچب اعبار  
صاحوا احنه اليوم نفدي احسين دونك هلعمار

اشلون يا روح الزچيه  
نعوفك ابهاي الثنيه  
وحيد بين اجيوش اميه  
وهيه فد مره المنيه  
اي وحگ سيد البريه

ننچتل لوالف مره مالعده شخصك نعوف

\*\*\*

حين سمعتهم لفتهم زينب اتطيح وتگوم  
وگفت باب المخيم ونت وصاحت يگوم  
هلتن هلله ابهرمكم يا نشامه ويا گروم

لا تـخلوها غـريبه  
بين مهضومه وحريبه

امحيره ابذل المصبيه  
ادموعها علخد سچيه  
خاف لن تصبح سليه  
وليسلبوها عداها بيها هيهاتن نروف

\* \* \*

من سمع زينب تنادي گام ابو فاضل الطود  
صاح يا زينب ابهونچ يختي گليچ خل يهود  
اشلون يختي يخاف گليچ وانه حي وبلوجود

گامو النوبه الهواشم  
رمو علگاع العمايم  
جر دو بيض الصوارم  
صاحو اتخاف الفواطم  
وكل فرد من عدنه سالم

لا وحق عودچ يزيب لا تروعي هالوف

\* \* \*

أمنو كلهم گلبها وبره امن الهم والولم  
وحدت الباري وردت قعدت ابخدر الخيم  
وين عنها اليوث هاشم ولنصار اهل الشيم

يوم عاشر من ولوها  
من عكب ما طاح اخوها  
حين گامو يسلبوها  
وبالصياط ايلوعها  
وعلى الناگه من خذوها

وگامت اهل الغدر بيها ابديرت الكوفه تطوف

\* \* \*

## في مكالمه الحسين عليه السلام مع الانصار

يستغيث احسين بسمك گوم يا حامي الحمه  
جرت اعليه الروايه اودارت اعلى مخيمه

\*\*\*

جرت اعليه الروايه اوگامت الحربه ترف  
مثل مجره السيل لاچن جادم اعليها الحتف  
دارت اعلى اخيام شبلك يا على سبعين الف

وسدت افجوج الوسيعه  
ولزمت اعليه الشريعه  
اتصيح لمر ايزيد طيعه  
اوغدرت الكوفه ابوعدها او على الغدر متعلمه

\*\*\*

حين شاف الغوم اجته او شاهره اسيوف الحرب  
وخيمت فوگ الشريعه ولزمت اعليه الدرب

عاين اصحابه او عمامه اوگامت ادموعه تصب  
صاح يليوث الحرايب  
جرت اعليه النوايب  
شنهي نيتكم يغالب  
ونتو يصحابي او يگومي الحرب يو لمساله

گامو اليوث الحميه اوكلهم ابوجها انتخوا  
اوجردو بيض الصوارم من عگب ما فرعو

جاوبوه الحرب يحسين او بالذل ما رضو  
من سمعهم جرت عينه

وصفق يسراه ابيمينه

صاح يلىوٲ العرينه

افراگكم يصعب عليه او تظل روي امولمه

\*\*\*

گام منهم للمخيم لاجن المدمع جره

جاب منه اثلث رويه اوبيده عدل عسكره

وحده سلمها الزهير اوگفه اعلى الميسره

والحبيب انطاه وحده

اوگفه اعلى اليمنه بعده

ونده ذخره اوتاج مجده

وين ابوفاضل عضيدي الليث راعي الغانمه

\*\*\*

دونك الرايه ابيمينك وگف بيها اعلى الكلب

وصير لرحه الحرب بيها اليوم يعضيدي گطب

وعن اخوك اچشف الكربه بين چشاف الكرب

اليوم يومك يا شفیه

يا ضخر حامي الحميه

هـذا يوم الغاضريه

وعودك الكرار رادك لعد هاي الموزمه

\*\*\*

من سمع عباس حچيه انتهض اوعلها جدم

شالها ابيمنا اوهرها وبها حدر للسخيم

صاح يا زينب العينچ خلها تمن هلحرم

هلهلتي زينب لخواها

اوگامت اتحشم ابن ابوها  
آه يـيوم الى سـبـوها  
وين چان الفحل عنها اولا حماها ابصارمه

\*\*\*

### العليلة وكتابها

هذا امن العليه اكتاب  
بي تشرح لبوها افراگ الاحباب      هذا امن العليه اكتاب

\*\*\*

من طلع من وطن طيبه	ضعن سادات البريه
ونزلوا بمكه وعگبها	مشو لرض الغاضريه
ظلت تنوح العليله	وموحشه اعليها الثنيه
الهـا فلا طبـگ جفن	وتنوح علفرگه وتون
متگبعه ابثوب الحزن	على افراگ اهل الحميه

تبجي الفرگه الغياب

وكل يوم اليمر ايزود المصاب      هذا امن العيله اكتاب

\*\*\*

تطلع وعلى الدرب تقعد	تنشد الركبان عنهم
وين ما تدري بهلها	ابيا وطن نوح ضعنهم
لاخبر منهم لقهاها	ولا رساله لفت منهم
ظلت مدامعها تصب	ومكسور من عدها القلب
شابح نضرها اعلى الدرب	تعود اهاليها تضنهم

ضنها من الاهل من خاب

وردت هالرساله امحمله اعتاب هذا امن العليله اكتاب

\*\*\*

من وصل خط العليله	وعرف مضمونه وهضمها
گام ابواليمه الخواته	وگعد بالصيوان يمها
دارن اعليه الفواطم	لاچن ايلهجن بسمها
من عاينن خطها بچن	ودموع ابو اليمه جرن
يقره وهن يتصارخن	وعلى العليله زاد همها

بچن والدمع سچاب

وحده امن الحرم صارت بلطباب هذا امن العليله اكتاب

\*\*\*

تذكر الهم من عگبهم	يا هلي ما نمت ليله
من السهر عمت اعيوني	وامست اعضامي نحيله
ليش هيچي اگطعتوا بيه	وانه وجعانه وعليله
دمعي اعلى فرگا کم يهل	ونار البگلبى تشتعل
خوفي اعلى عبدالله الطفل	من يباريه ويشيله

گلبى اعلى الرضيع انعاب

وراسى اعلى افراگه امن الحزن شاب هذا امن العليله اكتاب

\*\*\*

طفل ربيته اعلى سدري	وروحى لفراگه مريبه
ودري ما يحمل اذيه	والدرب حره ولهيبه
خاف لن تنساه امه	ويجف من ثديه حليه
يو ينقطع عنه الورد	ويذوب من عنده الجبد
يو واحد اعليه يعتمد	بالسهم نحره يصيبه

احسب للرضيع احساب



خاف ايصير دم نحره اله اخضاب هذا امن العليله اكتاب

\*\*\*

لون عينيچ يالعليه اتشوف  
العطش من يبس السانه  
يطلب اميه الرضيعه  
ناداهم ودمعه يهل  
هذا چيد سيد الرسل  
والعطش غير احواله

ماعدكم شرف ونساب

من شان الرضيع اترحمه الاجناب هذا امن العليله اكتاب

\*\*\*

ليه طلع حرمله الظالم  
وبيه ابوه حسين سدر  
طلعت امه اتصيح يبني  
يرمونك ابهذا السهم  
بالسهم طوگ رگبته  
للخيم تجري دمعته  
يا ذنب قلبي العملته  
گليبي يعبد الله علم

ما ترد سالم للخيم

ومن اديه تروح يبني وظل من عقبك ذليله

\*\*\*

### في حق مسلم بن عقيل

مسلم لاح ظهر الغوج والكوفه گصد ليها  
رايد ياخذ البيعه لحسين امن اهاليها

\*\*\*

هتف دين النبي بسمه او منه اشلون يتعذر  
او عمه البالضنك مندوب وهو الليث المشكر  
شد العزم بالله او سار من مكة او گطع بالبر

لاچن تم ابو اليمه زايد بالكلب همه  
يهل دمه اعلى ابن عمه  
يدري ابغدره الكوفه او يعرف كل مخازيها

\*\*\*

وصلها او خط ابو اليمه قراه الخالص الشيعه  
مسلم ليكم اتعنه منكم ياخذ البيعه  
اليطيع امري لبن عمي يوده اولمره ايطيعه  
اوصيكم او طيعوني بمسلم غرة اعيوني  
منه لا تخيبوني

غريب ابداركم يمسي اولا يندل محاريها

\*\*\*

لمن سمعو المکتوب صار الهم بواچي ويد  
او كلهم بايعو مسلم او گامو يسبون ايزيد  
گالوله يمسلم عاد من عندك اليوم انريد  
تكتب لعد والينه يعجل بالسفر لينه  
حتى يظلل اعليه

او دين المصطفى جده او كل السنن يحييها

\*\*\*

كتب مسلم لبو السجاد عجل بالسفر هالحين  
بالكوفه لك شيعه الغيرك ما تود يحسين  
لمن وصل مكتوبه قراه او جرت منه العين  
صاح ابصوت يا عدنان اريد اضعن لعد كوفان  
گومو ركبو النسوان

وانته يا گمر عدنان لختك گوم بارها

\*\*\*

تم مسلم على هالحال بيها يامر اوينها  
وعلى الخير والطيبات يرشدها اويعلمها  
للكوفه لفه بن زياد ونكلبت عليه كلها  
ظل مسلم يدير العين ما يدري الوجه لاوين  
يتلفت يسار ايمين

لعد ياكتر ما يدري بطل حيلي ينويها

\*\*\*

گامت تسري اجدامه لمن جابته الطوعه  
وگف عالبا ب متحير اونار الهظم بظلوغه  
طلعت شافت على الباب مسلم تسجب ادموعه  
صاحت والگلب مرتاب شنهي وگفتك عالبا ب  
انشدك ماترد لي اجواب

\*\*\*

اومسلم خنگته العبره اولا يگدر يحاچيها  
گالتله يها لموجب ما تحچي يغاتي اوياي  
روحي صارت ابريه تراهي من وگفتك هاي  
رفع راسه اوصد ليها اوگالللها اريدن ماي  
ردت للوطن طوعه او مسلم ماسكن روعه  
تشوفه يسجب ادموعه

وايات الصبر كلساع يم الباب يتليها

\*\*\*

من شافته ابها الحاله عليه انكسر خاطرها  
جابتله جدح بي ماي لاچن يهل ناظرها  
شرب مسلم اوم موجب والروحه يباصرها

يشوف الناس مشتدين واهله عنه بعيدين

لاچن خايف اعلى احسين

ليها يحمل اظعونه او هاي الناس تاليها

\*\*\*

گالتله شربت الماي روح الهلك يا چبدي

شوف الناس مشته مدري عليهم اشيدي

گاللاها يها لحره بحيكم اهل ما عندي

بدارچ ما تضيفيني سواد الليل خليني

تراني الهظم ماذيني

او بالمحشر اكف دونچ او طيباتچ اجازيها

\*\*\*

گالتله بهذاك اليوم يا هو انتة اوتگف دوني

مسلم صاح يا طوعه او كل الناس غدروني

لطمت عالوجه وتصيح طب للدار يعيوني

فدوه تروحلك طوعه او گامت تمسح ادموعه

لمن سكنت روعه

يمسلم خانتك هالناس ريت الله يعايبها

\*\*\*

عن احسين سولفلي يغاتي اوگلي اشلونه

يگلها ابعتت ليه مكتوب اوليهم حمل اظعونه

وخافن يصل للكوفه او مثلي هم يخونونه

يطوعه خايف على احسين وياه اطفال ونساوين

ما ادري وصل لاوين

حتة اخبارها الها الناس اكتبها او اوديها

\*\*\*

تم مسلم هذاك الليل لاچن الفجر من صار  
 لن ويد الزلم والخیل كلها هجمت على الدار  
 سل سيفه اوطلع ليها اوخلاها الفحل طشار  
 بس طوعه تهلهله دمعه المسلم اتهله  
 يغاتي وحدك اتگله

تمنيت اخوتك يمك وتجرد مواضيها

\*\*\*

المحشم غده ايحشم اوخیل او زلم غارت ليه  
 مثل دور الجفن عالعين دارت بطل حيلي اعليه  
 چتفوه او خذو سيفه لبن ازباد راحو بيه  
 آمرهم يذبونه ومن الغصر یرمونه  
 او سوو بيه اليردونه

شدت بالحبل رجله اوگامت تجر واليها

في حق مسلم بن عقيل ؑ

مسلم ظل يدير العين لمن خاتته انصاره  
 ما يدري الوجه لاوين بس يجول بفكاره

\*\*\*

يمشي وفلك فكره ايدور گام وتسچب ادموعه  
 بأيات الصبر يگره ونار الهظم بضلوعه  
 لمن جابته اجدامه الدار الطاهره طوعه

تم ابابها محتار \* والليل اعلى مسلم صار \* طوعه طلعت امن الدار  
 شافت واحد اعلى الباب لاچن تسطع انواره

\*\*\*

گالتله يماي العين      شنهي وكفتك على الباب  
روح الهلك يعيوني      من عندك دليلي ارتاب  
گاللها اريدن ماي      جبدي من ظماہ انعاب  
گالتله يبعد اچلاي \* يا مسهل طلبتك هاي \* جابتله جدح بي ماي  
گام امن الجدح يشرب      ومنه الروح محتاره

\* \* \*

گالتله شربت الماي      ارشد يبني ابنيتك  
شنهي وكفتك على الباب      ومن الماي رويتك  
هذا الليل جن اعليك      يوليدي اگصد البيتك  
موجب لاتظل على الباب \* عليه امن الخلك ينعاب \* مالك ما تردلي جواب  
اشوفك مورب وخايف      ودمعك ليش يتجاره

\* \* \*

گاللها غريب أنه      وضنچ ما تعرفيني  
وجازيچ ابهذاك اليوم      عندچ من تخليني  
يماي العين يا هو انتہ      گالتله تجازيني  
گاللها وتهل العين \* مسلم وبن عم احسين \* عليه دارت الصوبين  
خانت بيعتي الوادم      وكلها اصبحت غداره

\* \* \*

لمن سمعت ابمسلم      گامت على الوجه تلطم  
تگله الناس خانوا بيك      اويلي عليك يا مسلم  
دوك الدار طب ليها      وبها تريد اتسيتم  
تگله وتمسح ادموعه \* فدوه اتروحلك طوعه \* لمن سكنت روعه  
تگله ضعن ابوالسجاد      گلي اشعندك اخباره

\* \* \*

يُـكَلِّـمُـهَا بِعَثَلِهِ أَكْـتَابَ      وَتَرْكَبُ عَلَيَّ أَضْعُونَهُ  
وَكُلِّبِي خَائِفَ عَلَيَّ أَحْسِينَ      مَن يُوْصَلُ يَخُونُونَهُ  
يَطْوَعُهُ أَوْيَا حَرَمٍ وَأَطْفَالَ      وَمَخْدَرٍ وَمَأْمُونَهُ  
مَن يَنْجُتِلْ مَا جَدَّهَا \* الِيشْرِبْ بَعْدَ شِيرْدَهَا \* يَطْوَعُهُ اللَّهُ يَسَاعِدْهَا  
لَمَن تَفْكَدُ الْوَالِي      وَتَمْشِي أَوْيَهُ الْعَدُوَّ إِيسَارَهُ

\* \* \*

تَمَّ مُسْلِمٌ سَوَادَ اللَّيْلِ      لَا جَنَ الْفَجْرِ مَن طَرَّ  
لَمَن يَسْمَعُ صَهِيلَ الْخَيْلِ      يَمُ الْبَابَ وَالْعَسْكَرَ  
جَذَبَ سَيْفَهُ وَطَلَعَ لِيهَا      وَلِذَاكَ الْفَرْعَ طُشْرَ  
كَامَ ابْشُوسَهَا إِيْخِذْ \* وَطْوَعُهُ أَتَهْلِلُ الْمُسْلِمَ \* يَا غَارَهُ الْعَلِيَّ تَجْدُمُ  
بِسْمَا يَجِبِلُ عَلَيْهَا      تَسْدُرُ شَارِدَهُ الْغَارَهُ

\* \* \*

عَلَى حَرْبِهِ أَتَاخَتْ الْكُوفَةُ      وَدَارَتْ عَلَى الْحَرِيبِ الْكُلُّ  
بَسَ طَوَّعُهُ تَهْلِيلُهُ      وَسَيْفُهُ ابْرُوسَهَا إِيْهْلِيلُ  
كَامَتْ تَصْعَدُ النَّسْوَانُ      وَالصَّيَّيَانُ عَلَى الْمَنْزَلِ  
يُوجُونَ الْكَصْبَ بِالنَّارِ \* يَذْبُونَهُ عَلَى الْمَغْوَارِ \* ظَلَّ مَا بَيْنَهُمْ مُحْتَارُ  
مَدْرِي إِيْرُدُ كِتَائِيهَا      يُوْطْفِي الْكَصْبَ نَارَهُ

\* \* \*

يُوِيلِي كَثْرَتَ أَجْرُوحِهِ      وَمَن عَدَّهْنَ نَزَفَ دَمُهُ  
ضَعْفَ حِيلِهِ وَلَا تَمَتْ      بَعْدَ بِيٍّ لِلْحَرْبِ هَمُّهُ  
أَمَانَ أَنْطُوهُ عِدْوَانَهُ      وَصَارَتْ عَلَى الْفَحْلِ لَمُّهُ  
مَن مُسْلِمٌ أَخَذُوا أَمْرَهُفَهُ      وَخَانُوا أَمَانَهُ أَهْلُ الْجَفِّهِ  
وَبِالْحَبْلِ خَصَمَهُ چَتْفَهُ      ابْقَصِرُ الْإِمَارَهُ وَكَفِّهِ

\* \* \*

وگف جدام نغل از یاد	لا چن تهمل عیونه
یگله مایهله دمه	المثلک من یچتفونه
صاح ابچای مولجلی	البچه اعلی حسین وضعونه
ابچی علی حسین او هله	وضعون اخوتی المجبله
جابت اویاها العایله	ودری اشیصیر ابکربلا

\* \* \*

صاح اصعد یبن حرمان	لعله القصر بیه ابساع
وگطع رگبته بالسیف	ورمیه اعلی وجه الکاع
صعدوا بیه والطییه	یعاین والکلب مرتاع
سلم علی حسین وهله	وناده یبن عقد الوله
سدر اضعون العایله	وبالك تطب الکربلا
گطعوا رگبته وذبو	وصارت علی الفحل داره

\* \* \*

### فی حق مسلم بن عقیل

مسلم تعنه الجیمت اهل الکوفه

مشهر البتار	یشبهه الکرار
من یگصد الجیش	ویطشر اصفوفه

\* \* \*

طلع من الدار محرب	ولمذهب یشع بیده
زلزله وعلی القوم حدر	یرعد ویصدف رعیده
صاح وین المفر عنی	صارت الشرده بعیده
گام اعلی جیمتهم یکر	وعیونه تتواگد جمر



اتولاهم ابسيفه طبر      والنعم والد حميده  
 كور الخيل وذبها على المردوفه  
 خله الدمه اعبار      يشبه التسيار  
 يعجز اسكندر من يريد ايروفه

\*\*\*

يشد گام اعلى الكتيه      وطوعه من خلفه تهلهل  
 ذكر الوادم ابعمه      اعلى الحزم من گام يحمل  
 وده لبن از ياد الشعث      بالمدد والخيل عجل  
 مسلم على العسكر غضب      وحطم صناديد العرب  
 راواهم ابخره العجب      ليث چنه وهاج مشبل  
 مسلم حجر سجيل ترمي اچفوفه  
 وظلم النهار      من كثر الغبار  
 وعين الشمس غدت مكسفوفه

\*\*\*

چنه ملج الموت سيفه      والقدر مسلم اسلاحه  
 بيت ما خله ابنزلته      اله ما حط بي مناحه  
 هجت اهل الخيل منه      وكبر العسكر اصياحه  
 لوح ابعيناه الغضب      من شاف فرسان العرب  
 سيفه ابجماجمها خطب      لاچن ابدع بالفصاحه  
 چا من ابصمصامه القدر وحتوفه  
 سيفه ولقدار      عدهم جسم صار  
 قبض الرواح ايينهم منصوفه

\*\*\*

عجب الوادم ابخره      وذكر الوادم ابعمه

انگلبت الكوفه اعلى حربه      وكل فزعهم ما يهمه  
ايطشر العسكر ابسيفه      ورمحه للعسكر يلمه  
غلبه ابحربهم ما يهم      ظل ينكد اعيون الزلم  
يطشر وبالعسكر يلم      وخضب العسكر ابدمه

ذكرهم ابصولة على الماصوفه

خلاها طشار      والجيش محتار

ما يگرب الحربه بعد من خوفه

انجست اعليه الحرايب      ودعت الكوفه اعلى حربه  
بالرماح وبالمواضي      وبالحجر گامت تضربه  
والفحل يطرد وراها      وخايف امن الغدر غلبه  
خايف دليله امن الغدر      يدري ابهم جيمة كفر  
دارت عليه من كل كتر      وچلچلت كلها اعلى دربه

بلده وزلمها بالغدر معروفه

ما بيهم احرار      انذال واشرار

والغدر هيات الانذال اتعوفه

\*\*\*

من حرب مسلم وباسه      گالو اشلون البصيره  
گعدت الناس اعلى دربه      وحفرت المسلم حفيره  
من گصدهم وگع بيها      وظل ابو طاهر ابحيره  
وتناخو اعليه العده      ونطو امان اهل الرده

وخذوا منيده امهنده

\*\*\*

طلعوه امن الحفيره      وچتفوا يمينه اليساره  
وراح ابو طاهر يسير      اوياهم القصر الاماره

طب علی ابن زیاد لاچن دم اصاوویه ایستجاره  
 من شافه سابح بالدمه اتشمت ابحاله و شتمه  
 وسب الفحل حامی الحمه

\*\*\*

### فی حق مسلم بن عقیل

وین الیعتنی العدنان وایحشم مسامیها  
 مسلم غدرته الکوفه او ظل ما بین اهالیها

\*\*\*

وین الیعتنی العدنان لاچن من یصل یمها  
 مسلمکم بگه مختار بین الوادم ایگلها  
 للکوفه لقه ابن زیاد وانگلبت علیه کلها

ظل مسلم یدیر العین \* ما یدری الوجه لاوین \* یتلفت یسار ایمن  
 غریب ابذیرت الکوفه ولا یسندل محاریها

\*\*\*

گامت تسری اجدامه لمن جابته الطوعه  
 وگف علی الباب متحیر ونار الهظم بضلوعه  
 طلعت شافت اعلی الباب مسلم یسچب ادموعه  
 صاحت والگلب مرتاب شنهی وگفتک علی الباب

انشدک ما تردلی اجواب

مسلم خنگته العبره ولا یگذر یحاجیها

\*\*\*

گالتہ یها الموجب ما تحچی یغاتی اویای  
 روحی صارت ابریبه تراهی من وگفتک های

رفع راسه او عاينها      او گاللاها اريدن ماي  
ردت للوطن طوعه \* ومسلم ماسكن روعه \* تشوفه يسجب ادموعه  
وبآيات الصبر يقره      ويشكر نعم باريها

\*\*\*

من شافته ابها الحاله      عليها انكسر خاطرها  
جابتله جدح بي ماي      لاجن يهل ناضرها  
شرب مسلم او تم موجب      والروحه يباصرها  
يشوف الناس مشتدين \* واهله عنه ابعيدن \* لاجن خايف اعلى حسين  
ليها ايحمل اظعونه      وهاي الناس تاليها

\*\*\*

گالتله شربت الماي      روح الهلك يا چبدي  
شوف الناس مشته      اومدري اعليهم اشيسدي  
گاللاها يها لحره      ابحيكم اهل ما عندي  
بدارچ ما تضيفيني \* تراني الهضم مازيني \* سواد الليل خليني  
بالمحشر اگف دونچ      او طيباتچ اجازيها

\*\*\*

گالتله ابهذاك اليوم      يا هو انته او تگف دوني  
مسلم صاح يا طوعه      او كل الناس غدروني  
لظمت على الوجه وتصيح      طب للدار يعيوني  
يغاتي لا تظل محتار \* طب واگعد ابهاى الدار \* هاي الناس بيها اشصار  
يمسلم خانتك كلها      ريت الله يعايها

\*\*\*

تم مسلم هذاك الليل      لاجن الفجر من صار  
لن ويد الزلم والخيل      كلها هجمت اعلى الدار

سل سيفه اوطلع ليها      اوخلاها الفحل طشار  
بس طوعه تهلهله      ودمعها المسلم اتهله  
يفاتي وحدك اتگله

تمنيت اخوتك يمك      او تجرد مواضيها

\*\*\*

اويلي كثرت اجروحه      او من عدهن نرف دمه  
ضعف حيله اولاتمت      بعد بي للحرب همه  
امانه انطوه عدوانه      اوصارت على فحل لمه  
دارو عليه اهل الغدر \* وتواردو من كل كتر \* وياهم اخذو للقصر

\*\*\*

على بن زياد طب مچتوف      لاچن تهمل عيونه  
يگله مايهل دمه      المثلک من يچتفونه  
صاح ابچاي مولجلي      البچه اعلى احسين واضعونه  
ابچي على احسين واهله \* واضعون اخوي المجبله \* الجابت اويها العايله

\*\*\*

صاح اصعد بين حمران      لعله القصر بيه ابساع  
اگطع رگبته بالسيف      ورمي جثته للغاع  
صعدوا بيه والطيبه      يعاين والگلب مرتاع  
صاح اودمع عينه يهل      يحسين سدر بالزمل  
للكوفه حين اللي تصل      يبن الوديعة تنچتل  
عدمين لو رحت يحسين      نسوانك تخليها

\*\*\*

## كتاب الحسين عليه السلام الى حبيب

من شاف الجموع احسين      گامت على الخيم تفتري  
وداله حبيب اكتاب      حتى النصرته يحضر

\*\*\*

للكوفه بعث مكتوب      يشرح حالته أو أمره  
يگله الناس رادوني      او ودولي كتب كثره  
على افراگك يگلولي      حسره انجر بثر حسره  
عجل بالسفر عجل \* مدامعنه عليك اتهل \* وحنه يا حبيب الكل  
ابدن ما نرد ملهوف      ومن الناس نتعذر

\*\*\*

احنه رحمة الباري      اوتمت نعمته بينه  
بالشدات والكلفات      نحضر للينادينه  
من يثرب طلعه ابليل      والكربلا اتعنيه  
بسماء وصلت اضعوني \* اهل الغدر خانوني \* اطيع ايزيد يردوني  
وخضع لبن مرجانه      او عليه ايگوم يتأمر

\*\*\*

اشلون ارضه ابحيات الذل      وعلي العظيم امدايدي  
وانه المرتضى عودي      والهادي النبي جدي  
صارت على الحرب نيتي      وغير الحرب ما عندي  
وريدك تعتني اعنايه \* توگف سور للثايه \* الجفك عگبت رايه  
اريدك من يصير الكون      بيها اتصول يمشكر

\*\*\*

حبيب ايفكر ابداره      يوصل للغريب اشلون

يدري ابنغل مرجانه      خلاله اعلى داره اعيون  
 گامت زوجته اتگله      الوادم اسمع يقولون  
 طب للغاضريه حسين \* اولعياله بنه اصواوين \* وظن طارش يجيك الحين  
 يو مكتوب من عنده      عنه ايخاف تتأخر

\* \* \*

لن واحد يدگ الباب      من عنده الگلب مرتاب  
 گام وطلع من الدار      مسرع ليه وفك الباب  
 شافه امنوخ الناگه      ويده امن ابو اليمه اكتاب  
 بسما شافته اعيونه \* تغير ونخطف لونه \* گراه وعرف مضمونه  
 گامت دمعته تجري      وعلى حسين يتحسر

\* \* \*

گله اركب على الناگه      او روح اطلع امن الكوفه  
 خاف اعيون نغل ازباد      يمي الشخصك اتشوفه  
 اوگله اعلى الأثر انه      وحبلي السيدي اچفوفه  
 ونطه احصانه العبده \* شد ابضهره العده \* گله ابغوجي اتعده  
 وجيك اعلى الأثر انه      لون الشمس من يصفر

\* \* \*

من شافه حبيب ابعد      گام العبده اتعنه  
 حر انته يگسله اسدر      وخذ غوج الحرب منه  
 يگسله اهنا تخليني      ونسته اتسروح للجنه  
 يعمه اوياك اروح الحين \* جاهد دون هذا الدين \* اريدانچتل دون حسين  
 حتى اهناك يشفعلي      يعمي ابساعة المحشر

\* \* \*

اخذ سيفه ولبس درعه      ولاح ابظهر الخياله

وخذ عبده حبيب اويا      او وادي الطف تعناله  
حسين ابخيمته جاعد      وعـيونه اترباله  
لاچن گلبه اموجل \* ليش ابدربه اتعطّل \* من شافه عليه اقبل  
صاح العمك اتلگاه      يبني يا علي الاكبر

\*\*\*

گام اوگامت الانصار      ويساه ايستلگونه  
لمن شاف شبل حسين      سالت دمه اعيونه  
ذب اعلى الأرض روحه      حبيب وعاف ميمونه  
اقبل للغريب حسين \* يحب رجله ولچفين \* اشوفن زينب ايبا عين  
وانه اتعطلت عنكم      وبیکم داير العسكر

\*\*\*

رخصني ارد اصل يمها      اسلم واعتذر منها  
ودري اسا گلبها اشلون      خايف وردا امنها  
لمن وصل خيمتها      لعد زينب سمع ونها  
نادها وتهل العين \* يزيب بعد لتخافين \* مادام اخوتج حين  
ياهو اللي يصل يمتج      وعلى الخيم يتجسر

\*\*\*

گالتله يعمي ليش      عنه اتعطّلت لليوم  
وحنه بس وصلنه اهنا      غدرت يبو اليه القوم  
شوف الخيل والرايات      گامت على اخيمه اتحوم  
يعمي وخايفه اعياله \* وتبجي ابخيمته اطفاله \* عاين طفله اشحاله  
يعمي امن العطش چبده      ساعه اوزاب وتفطر

\*\*\*



## خطبة حبيب مع الانصار

الصيوان بن ظاهر لفت فرسانه

طبوا الصيوان	صاحوا يريسان
انريدك لبو اليمه	تروح اويانه

\*\*\*

يا حبيب اسما سمعنه	اتريد ساداته الغوالب
تطب للحومه گبلنه	وتشب نيران الحرايب
وحنه نحمل من بعدهم	حتى بدماهم نطالب
ما ترضه للحومه تطب	جدامها انخوض الحرب
چه لن يبن ظاهر غرب	وما يكلفون الاجانب
وحنه بين ظاهر	لفينه اهنانه
طلگنه الاوطان	وعفنه النسوان
حتى گبلهم بالحرب نتفانه	

\*\*\*

اشلون نصبر والغوالب	تطب للحومه گبلنه
وينچتل واحد تشوفه	وچفه من دمه ايتحنه
وبالمعاره انشوف واحد	نايم ويجذب الونه
ونشوف شيال العلم	على المشرعه جسمه خذم
وتلوج بخيمها الحرم	هاي ما تنتسب انه
من يطب منهم واحد الميدان	

ويوقع بلکوان امگطع الذرعان

ايباعين منه انعاين الذرعانه

\*\*\*

وَعَلَهُ فِرْسَانُهُ تَجْدُمُ	گام بن ظاهر او یا هم
شَافَهُ جَاعِدٌ بِلْمَخِيمِ	حتی وصلو لبو الیمه
وَقَفَ وَعَلَى أَحْسَنِ سَلَمِ	دایره اعلیه الهواشم
وَكَلْبُهُ ابْمِغْصَدِهِمْ عِلْمٌ	من شافه الحسین ابتسم
شَافَ بِيهَا الزَّعْلَ وَسَمِ	عاین اوجوه اهل الشیم
آمر علیها او گعدت ابصیوانه	

لِيش الزعل بان	علیکم یشجعان
الحرب زعلانه	مِنْ مَنْ یفرسان

\* \* \*

یا چبد سید رسلها	گام بن ظاهر یقله
تَطْبُ لِلْحَوْمِهِ گِبْلَهَا	سمعت ترید الغوالب
حِیْثُ یَا یَنْتَسِبُ الهَا	شالها الغیظ اعلى هذى
وَدُورُ لَهَوَاتِ الْحَرْبِ	هاشم گبلاها من تطب
اتگوم تحچی الناس کلها	یا چبد چشاف الکرب
اتگول العید جدم علیه معلانه	

وبهای ننهان	وتفرح العدوان
وحنه یبو الیمه کثره عدوانه	

\* \* \*

گام عباس یتکلم	من سمع حچی بن ظاهر
انصارنه علینه انجدم	یگسله ما تگبل شیمنه
وشیله علی العوان یزحم	کلف با الحومه حملنه
وتصیر بالحومه خذم	لو طبت اصحاب الشیم
عد جمیع الناس نندم	وحنه نعاين با لخیم
یقولون هاشم رضت بالعوانه	

تخرم الجيمان      وظلت بلمچان  
اتعاین المنهم      یوقع ابمیدانه

\*\*\*

### مکالمه حبیب مع الانصار

گام بن ظاهر یخطب ابصیوانه  
گلهم یفرسان      باچر میدان  
من یجدم الحربه ویشب نیرانه

\*\*\*

لم بن ظاهر اصحابه	وگام یسخطب بلمخیم
عگب ما مجد الباری	وعلی سید الرسل سلم
دار علی الانصار عینه	وگام ویاها ایستکلم
گاللم ابلهفت گلب	ودمعه اعلی ابو الیمه یصب
ما بینہ و بین الحرب	غیر هذا اللیل ماتم

عفتم منازلکم وجیتوا اهنانه

طلقتوا الوطن      وعفتم النسوان

المن لفیتوا الکربلا عوانه

\*\*\*

جاوبوا کلهم لفینه	یا حبیب الهل الثنیه
انرید نصر هلغریب	النزل برض الغاضریه
حتی نرضی الله ورسوله	ونرضی حمای الحمیه
ما غیرها عدنه بعد	والله اعلی نیتنه شهد
لتشوفنه جلیله عدد	او لا یهمک جیش امیه

ما دامنه حیین ونته اویانه

ونطب للکوان ومطالگ الزان

شوف اشنسوي ابجيش بن مرجانه

\*\*\*

### خطبة حبيب مع الانصار

لم حبيب الشئم گومه او گام يخطب بالمخيم

او مگصده الليث ابخطبته اعرف نيت اهل الشيم

\*\*\*

صاح اناشدکم يگومي اشسب جيتوا الکربله

او عفتو ذيچ الدور والعز والوطن ولعايله

جاوبو کلهم لقينه النصرت احسين او هله

ونتچتل ما دون حده او نحضه بديار النعم

\*\*\*

صاح چا يهل الحميه او يمن للحومه گطب

خاف لن باچر يطيبين تشب نار الحرب

يا هو اول للميادين يسل سيفه او يطب

انتويو هاشم اچولي الحرب لو صار اوسقم

\*\*\*

حين ما سمعوه صاحو يبن ظاهر وشتقول

من تطب هاشم گبلنه اشنعتذر عندالرسول

اول احنه اعللحرايب نشهر البيض ونصول

حته دون الخيم نفنه ونمسي علغبره خذم

\*\*\*

او من عگبنه اتصول هاشم بين ظاهر علعه  
وبالسمر ولبيض تاخذ ثارنه امنهل الرده  
يا حبيب اشلون ترضه انشوف جئه امدده  
من بني هاشم او نسمع صوت ولها امن الحرم

\* \* \*

ولمصاب الاشد زينب موجه اباب الطناب  
تسمع اشيحجي ابن ظاهر وشيردوله الج  
سدرت لاچن گلبها اتوجر ابنار المصاب  
مرت اعلخيام هاشم تون والمدمع سجم

\* \* \*

شافت العباس جاعد لاچن ايحاجي اخوته  
ايگلهم الميدان باچر من يطب الحومته  
چن حبيب ايريد گومه اعلينه تجدم نيته  
والحمل يوم الحرايب  
شيله يثگل علئجانب  
شنهي نيتکم يغالب  
گام الأكبر لاچن يصرخ يابوفاضل يعم

\* \* \*

اشلون يعباس ترضه انصارنه اطب للحرب  
والحمل اهله يعمي ما تذبه اعللغرب  
اول احنه انجرد البيض او للحومه نطب

او ننچتل دون الشنيه  
اونكرع ابچاس المنيه  
حتى نمسي اعللوطيه

او من عگبنه اتصول انصار يشيال العلم

\*\*\*

هلحچي الي صار كله اوزينب اباب الطنب

موجبہ او تسمع لچنھا العقل من عدها نسلب

طبت اوصاحت يعباس او مدمعها سچب

لا تسخليني غريبه

اودمعتي اعللخد سچيبه

امحيره ابذل المصيه

من عگب عينك اوتدري اعداك ما بيهم رحم

\*\*\*

يعباس انتہ الجيتني امن المدينه ابشيمتك

وعله راسي الدرب كله اتسرف يضيغم رايتك

عگب عينك وين ارواح اونوت علموت اخوتك

من سمع زينب وليها

جذب سيفه ابين اديها

او هون الشده عليها

اوگام يتنخه ابوجها اوفرع او ثغره ابتسم

\*\*\*

مكالمة حبيب مع الانصار

حشم حبيب اهل الوفه وناداها

گوموا يلصحاب نستعنه للطناب

زينب يگولون تهل عيناها

\*\*\*

طلع من خيمته اينادي      يلتحلون اللوازم  
گوموا طلعوا من المباني      وجردوا بيض الصوارم  
وصدوا بين الخيم لمن      نوصل الخدر الفواطم  
زينب يگلولي ابوجل      منها الدمع على الخد همل  
ونشوف بت خير العمل      ليش منها الدمع ساچم  
خدامها اليوث الحرب وياها

والگلب يرتاب      والدمع سچاب  
اشحد اليصل حدها ويصل مبناها

\*\*\*

اهلال بن نافع لفاني      والگلب منه اتولم  
ايگول مريت ابطريجي      وصار دربي اعلى المخيم  
اسمعت زينب وبواليمه      حسين وياها ايتكلم  
گالتله يبن المصطفى      استخبرت نيت اهل الوفه  
يوم الحرب ليكم لفه      ونته يبن الفحل تعلم  
عدوانكم كثره وصعب ملاگاها

ونصارك اجناب      وجليلة احساب  
خافن يسلمونك لعند اعلاها

\*\*\*

من سمعها حسين گلها      لا يبت حامي الحميه  
طيبه يا زينب انصاري      ارواحهم متعز عليه  
طلگوا لجلي الحلايل      وعستنوا للغاضريه  
لميتها وبسها اخطبت      ولهسا يزيب رخصت  
ما گبلت ومنها شفت      دونسي ترغب للمنيه  
ساعه او تشوفيهم يسلوة طاها

تنحر النشاب مثل الهوه الهاب

لو گامت الحومه تدور ارجاها

\*\*\*

يا الله يلىوٹ الحرايب	خل نروح ونصل ليها
ننتجي اباب المسخيم	بلچن انامن عليها
گصدوا الصيوان زينب	شافوا ابن امها اوليها
سلمو وبوجها انتخوا	وجدام زينب فرعوا
وباب خيمتها حدوا	والمواضي امجرديها

صاحو يزيب هاي تمنها

بت داحي الباب نفديلچ ارگاب

وگبل حبيب وگام يتفداها

\*\*\*

طلعت امن الخدر زينب	وگفت اباب الثنيه
يا هي انه تعرفوني	اتصيح يلىوٹ الحميه
جاوبوها زينب انتي	ومچ الزهره الزچيه
صاحت ومدمعها سچم	يهل المچارم والشيم
هلتني هله ابها الحرم	خايفه امن اجيوش اميه

يا هو عگبكم هلحرم يحماها

والحرم يطياب هيهات تنهاب

من تبعد الوليان عن مبناها

\*\*\*

وحنه يا مظلوم تدري	بعدت عليه المدينه
والعده چنهم ولونه	والجموع اچتفت بينه
خيموا فوگ الشريعه	والورد گطعوا عليه



گامت روایاها تجر      من کل ثنيه وکل کتر  
 وینه انعکس جری الامر      او چنه یحسین انولینه  
 خاف العده لو جرت اروایاها  
 لو واحد انصاب      او یهوه اعلی التراب  
 ما تهوه خاف انصارک امنایاها

\*\*\*

گمر هاشم سمع زینب      تحچی ویه انصار اخیه  
 اگبل امن الخیم یعدی      وهاجت ابراسه الحمیه  
 صاح لتخافین یختی      وانه سیفی ابین ادیه  
 هلهلت لمن شافته      سیفه ابیمینه ورايته  
 سالم عسنگ نادته

\*\*\*

والله ما احمل هضیمه      تدری یا عباس بیه  
 خاف یولونی عگبکم      ومشی ویه اجلاف امیه  
 من عگب عزیزی ودلالی      زجر یتحکم علیه  
 ترضه بین فارس بدر      امشی ذلیله ویالیسر  
 والیحکم علیه زجر

\*\*\*

### بنو هاشم والانصار

هاشم شدوا اعلی الخیل      وتناخوا اعلی الفاره  
 لاچن عند ابوالسجاد      راحت تشتچی انصاره

\*\*\*

راحت لعد صيوانه      وكلها او چبت جدامه  
حبيب الليث جادها      وبـيـمناه صـمـصامه  
شي گامت تحب ايده      وشي طاحت على جدامه  
لاچن الهظم وسم \* بيها وعتلاهم هم \* گام الفحل يتكلم  
حبيب او من كثر هضمه      تسعر بالكلب ناره

\*\*\*

يگله والدموع اتسيل      يا عزنه ويواليينه  
طلگنه حلايلنه      وعفنه اديارنه وجينه  
كل الاهل عفناها      لعيونك يبواسكينه  
نريد انموت جدامك \* ونحافض على خيامك \* هاي سيوف خدامك  
بيها ابـعـونـة الباري      يـعـله الدين شنياره

\*\*\*

وشوف اليوم سادته      علينه ترید تتجدم  
تطب الخطه الحومة      وحنه انظر بلمخيم  
ما ضنتي يهون عليك      عد الخلگ من ننزم  
شتگول الخلگ بينه \* من تستخدم علينه \* سادته ومواليينه  
يحسين الهظم چتال      ما نتحمل العاره

\*\*\*

عند العرب ما تخفاك      يـبـن الفحل هلعاده  
العبيد اول تجدمها      وتطلب ثارها الساده  
احنه اول نريد الكون      حتى انحصل الراده  
وهاشم من بعدنه اطب \* حيث الثارنه تطلب \* عذاب اعلى الجموع اتصب  
وعج الرمك بالميدان      يوصل للسـمـه اغبارـه

\*\*\*

هاشم شدوا اعلی الخیل	وتسولموا للغاره
لاچن گام علی الحمله	حبیب ایحشم انصاره
گام ایحشم اصحابه	ویہز اگبالها الرايه
وگاللم یفرسانی	ویمن بالحرب کصایه
لفیتوا للطفوف الیوم	شلکم یخوتی غایه
لیش الاہل عفتوها * وثایتکم ہجرتوها * یانیہ الگصدتوها	
وہذا الیوم یا فرسان	کلمن یچشف اسرارہ

\* \* \*

### حر فی الدنیا وسعید فی الآخرۃ

من شاف اعلی حرب حسین	گام الجیش یتدنہ
راح الحر لبو السجاد	یہچی ویسعتذر منہ
* * *	
من شاف الغدر بیّن	من ابن ازیاد و اشرارہ
وگامت تزحف الرايات	وصارت اعلی الخیم دارہ
وگف متحیر ابأمرہ	وگام ایسجول بفکارہ
گلہ واحد امن الگوم * اشمالک یحر هذا الیوم * گلہ والگلب مہموم	
روحی گمت اخیرہا	بین النار والجسہ
آنہ الجعجعت بحسین	وانہ الروعت گلہ
وراد یسدر الطیہ	وعلیہ الزمت دربہ
ما ادري ابروایہ الشر	کلہا تعلگ الحربہ
علیہ الناس مشتدہ * کلمن مرہفہ ابیدہ * شنہو العذر من جدہ	
بساچر ساعة الميعاد	من اوگف وشوفنہ

\* \* \*

حت غوجہ وگصد لحسین	لاچن یسجب العبرہ
--------------------	------------------

خايف يعتذر منه      وما يقبل بعد عذره  
 تايب جيتك وندمان      يا ريحانة الزهره  
 ويريدك لا تخيبيني \*      وتقبل توبتي مني \* وترضه سيدي عني  
 وجدك سيدي رحمه      امن الباري انبعث إنه

\* \* \*

ما ادري يبو السجاد      هچي الناس بيك اتخون  
 يگطعون الورد عنكم      ومن الماي تنحرمون  
 انه الروعت زينب      ويريدنكم على ترضون  
 وشبه الحرب نيرانه \*      وصير اول شهيد أنه \* جدامك يريحانه  
 وجاور جدك المختار      بالفردوس وتهنه

\* \* \*

يگله انچانك تايب      عليك الله يحر ايتوب  
 ولو جاهدت عن دينه      ما تبگه عليك ذنوب  
 اسمع لوجت اطفالي      تلوع امن العطش وتلوب  
 من عندي تريد الماي \*      او عليه امخيمين اعداي \* تشب نار الحزن بحشاي  
 من اسمع امن اعيالي      صارت بالخيم حنه

\* \* \*

ترخص من ابو اليمه      وطلع مغضب على الكوفه  
 سل سيفه وگصد للجيش      گام ايجلب اصفوفه  
 اسد كلهم يعرفونه      او اله صولات معروفه  
 صمصامه بريج اسهيل \*      خذمها ونشبهها الويل \* عرگل کل هذيچ الخيل  
 هجّت شارده منه      وهو اعلى الخيل يتچنه

\* \* \*

ما چذبت ولا خابت      حر من سمته امه

يَتَلَوِّحُ عَلَى الصَّيْدِ      وَسَيْفُهُ أَيُّطْشِرُ الْمَهْ  
 لَمَنْ كَثُرَتْ أَجْرُوحُهُ      وَمَنْ عُدَّهُمْ نَزَفَ دَمُهُ  
 دَارَتْ بِيَهْ بَنِي سَفِيَّانٍ \* بِسُيُوفٍ وَنَبِلٍ وَبِزَانٍ \* طَاحَ ابْخُطَّةُ الْمِيدَانِ  
 مَنْ شَافَهُ وَكَعَ بِالْكُونِ      لِيَهْ بَنُ الْوَصِيِّ اتَّعَنَهُ

\* \* \*

شَافَهُ أَعْلَى الثَّرَى مَرْمِي      وَصَارَتْ كَعْدَتُهُ عَدَهُ  
 كَامَ أَيُّجَلِبُ أَجْرُوحَهُ      وَيَمْسَحُ دَمَهُنَّ أَبِيدَهُ  
 فَكَ عَيْنُهُ وَشَافَ حُسَيْنَ      حَطَّ خَدَهُ عَلَى خَدِهِ  
 تَبَسَّمَ وَنَچْشَفَ هَمَّهُ \* مَنْ شَافَ السَّبْطَ يَمَّهُ \* مَنْ مَثَلِي وَبِوَالِيَمِهِ  
 حَطَّ خَدَهُ عَلَى خَدِي      وَلَمَّصَابِي يَجْرُ وَنَهْ

\* \* \*

### خطاب الحسين عليه السلام

مَنْ شَافَ الْجُمُوعَ حُسَيْنَ      بِي دَارَتْ رَوَايَاها  
 كَامَ وَرَكَبَ رَاحِلَتَهُ      وَلِلْحَوْمَةِ تَعْنَاها

\* \* \*

وَكَفَّ مَا بَيْنَ ذِيحِ الْكُومِ      لَاچَنْ وَكَفَّ مُتَعَجِبِ  
 أَشْلُونِ أَيْزِيدِ حَشْمَهَا      وَخَلَاها عَلَيْهِ تَحْرِبِ  
 أَوْمَهُ عَلَيْهِمْ أَيْمِنَا      وَكَامَ أَعْلَى الْجَمْعِ يَخْطُبِ  
 نَادَاها أَبْكَلِبَ مَهْمُومٍ \* أَسْمَعُوا هَلَنْصِيحَهُ الْيَوْمَ \* سَكَّتْ كُلُّ هَذِيحِ الْكُومِ  
 تَرِيدُ الْخَطْبَتَهُ تَسْمَعُ      حَتَّى اتَّعَرَفَ مَعْنَاها

\* \* \*

أَوَّلُ حَمْدِ بَارِي الْكُونِ      وَثْنُهُ أَعْلَى النَّبِيِّ بَعْدَهُ

و خبرهم بحكم الله      ابیوم المحشر او وعده  
وبالقرآن والعتره      اشوصه المصطفى جده  
بالمسلم واسلامه \*      وشرع الدين وحكامه \*      وذكرهم ابئيامه  
من چان النبي يخطب      وبهل البيت وصاها

\* \* \*

عرفهم سنن جده      والمعروف والمنكر  
وفعل الخير من الله      ومن ابليس فعل الشر  
صفگ ذاك الوكت بيده      اوون او گام يتحسر  
گاللهم سمعتوني \*      وخافن ما عرفتوني \*      انه حسين شوفوني  
انه مهجة الزهره      وسلوان النبي طاها

\* \* \*

هذي اعمامته ابراسي      وراچب ناگته العضبه  
وهذا مرهفه بيدي      وانه مهجته وگلبه  
دين الكم علي ساچ      يوالكسم على عتبه  
يا گوم اشتطلبوني \*      انتو الي دعيتوني \*      وليکم جيت بضعوني  
وطلع کل رسايلهم      وگام حسين يگراها

\* \* \*

نساداه لجمع كله      ما ندري شتگول الحين  
لاچن بايع ابن زياد      وسلم با الاهل يحسين  
عاین للروايه وشوف      بيکم دايره الصوبين  
سلم قبل ما تندم \*      حتی من اچتل تسلم \*      عليك عراگنه ملتّم  
هذي جيمة الكوفه      وجيش الشام يتلاها

\* \* \*

گاللهم يگول انچان      لنکم ما تريدوني

اگوز عنکم خیامی      ورد للوطن خلونی  
 یو اگطع افجوج البید      ویا لوحش بضعونی  
 ویه ایزید اخلیکم \* لا الکم ولا علیکم \* یهل الوادم مواضیکم  
 علیه من تسلوها      یغضب باری اسمها

\*\*\*

هیئات وبعد هیئات      ابایعکم ومد ایدي  
 وذلن من بعد عزی      ولوی اعلی الهظم جیدی  
 خلونی امد عنکم      من خنتم مواعیدی  
 ولی یخلف المیعاد \* یهل الغدر ما ینراد \* گالوله یبو السجاد  
 تسدر للمدینه اشلون      وضعونک ولیناها

\*\*\*

سدر مایوس من عدهم      لاچن سدر یتحسر  
 وطب الخسیمته مکظم      ونار الهظم بی تسعر  
 شافت زینب ابن امها      وگلبها انخمش وتطیر  
 عرفت غدر عدوانه \* وراحت لعد صیوانه \* ومنها الروح ولهانه  
 طببت گعدت اگباله      وتجری ادموع عیناها

\*\*\*

گالتله یبو السجاد      اشوفک رحت یم الگوم  
 وطالت وگفتک یمهم      ومنهم سدرت مهظوم  
 سولفلی اشچوا ویاک      وشجاوبت یسا مظلوم  
 منک هلحرم شترید \* اسمع هضل الها اوید \* بین امی وطنه ابعید  
 وصبحنه غرب یحسین      والگوم ابثوایاها

\*\*\*

کالها اگصدت لیهم      ومنهم خابت اضنونی

ابايح لبن مرجانه      وطيع ايزيد يردوني  
ولو عييت يا زينب      نسيتهم يكتلوني  
وعزمي بيت حيدر صار \* اسجر بلحروب النار \* ما ينحمل يختي العار  
منه الموت اهونلي      وحي الله ابمناياها

\* \* \*

گالتله يبو اليمه يخويه      اشلون چايينه  
لمن تنچتل يحسين      عگبك من يحامينه  
گوم او حمل ضعونك      وسدر للوطن بينه  
ما نگدر الذل اليسر      والگوم عدوان وكفر  
عگبك يبن فارس بدر      يحكم على اخواتك زجر

\* \* \*

تدري الحرم ما تنهاب      لمن تفگد الوليان  
يطمع بيهن الطماع      من توليهن العدوان  
سوي الهلحرم چاره      قبل ما تطب للميدان  
لا يبنگن اخلافك غرب      تنحب ومكسورة قلب  
ودموعها اعلى الخد تصب      ما بين عدوان ونصب  
تظل الخوف ماخذها      وتدور على اليحماها

\* \* \*

او لست تسمع ما تقول سكينه

لاح اعلى المهر عباس      وتعننتله اسكينه  
تگله يا گمر هاشم      يعمي الوعد چاوينه

\* \* \*



سکینه اتعنت العمها      ولزمت بیدها ارچسابه  
 تگله العطش یعیونی      الجیدی مונع اصوابه  
 اظل الیوم عطشانه      وسیفک یظل بگرابه  
 یعمی لحگ اعلیه \* اریدن شربه امیه \* هذا المای جاریه  
 یعمی اشلون بوجودک      یمنعونه العده اعلیه

\* \* \*

ابیوم القنطره للیوم      حربک شایعه اعلومه  
 وکل کون الیصیر انتہ      لعند الکون جیدومه  
 لیش اطفال اخوک حسین      من المای محرومه  
 صول یاشدید الباس \* وخذ المشرعه امن الناس \* هذا الیوم یا عباس  
 یوم الواعدتہ بیه      من المای تسجینه

\* \* \*

یعمی امن العطش هلیوم      عبد الله انخطف لونه  
 یلوع ابین ادین امه      وشابح لیک بعیونه  
 ترضه ایموت عبد الله      ونته الحرب طاعونه  
 مالک عذر یا جیدوم \* منک مای ارید الیوم \* صول وفرث الصمصوم  
 وخذ المشرعه امن اعداک      ومن المای روینه

\* \* \*

تعال اوشوف ابوفاضل      لمن سمع نخواها  
 تزییر بالرچاب وگام      لسکینه ایفتداهها  
 یگلها المای تردینه      وروحچ های منواها  
 یا مسهل طلبتچ های \* یعمی لا یهمچ مای \* جودی ماخذه ویای  
 هسه المای اجینه      یسکینه وتشربینه

\* \* \*

يعمي الخيمتج ردي      ولحظه عيني تسانيني  
شسوي اليوم بالميدان      لابد ما تشوفيني  
يا هو اللي يظل على الماي      وانه السيف بيميني  
يعمي الخيمتج ردي \* وشوفي اعلى العده اشيسدي \* حامل على النهر وحدي  
ومنهو اللي يظل موجب      يسكنه بيني او بينه

\*\*\*

تهلhel گامت اسكينه      العمها وحمل على الميدان  
صاح الماي اريدنه      عبدالله الطفل عطشان  
لمن شافته اهل الخيل      حامل على النهر زعلان  
فرت من بعد عنه \* وهو على الخيل يتجنه \* حگها من تفر منه  
ياهو ايشوف ملج الموت      وگلبه الحر به ايعينه

\*\*\*

من شاف الزلم والخيل      كلها نحرت البیده  
وقف يرعدا بنص الگوم      وعدا تسمع ارعيده  
قصد للنهر متنومس      وجوده شايله بيده  
نزل من ظهر ميمونه \* وكل اعدايشوفونه \* لاچن ما يگحمونه  
ترس جوده وركب      غوجه وتعنّه الصواوينه

\*\*\*

لمن شافت الوادم      ترس جوده وركب غوجه  
وهمته بس يوصل الماي      صارت بيهم اللوجه  
ردت كل كتاييها وعليه      داجت فرد دوجه  
ما باله ابكتاييها \* لكدها وعلى الحرم ذبها \* ظل مده يحاربها  
لاچن من ورا غدروه      وگطعوا منه ايمينه

\*\*\*

ولکم بوگ اخذتونی	اخذ سیفه ایساره وصاح
وانسه اللي تعرفونی	لراویکم الیوم الموت
تکفون وتمنعونی	عن امخیمی تسردون
وانه السیف المجرب * وبوی اللي طبر مرحب * رموه وجوده اتصوب	
اوصابو بالسهم عینه	یویلی اوگطعوا ایساره

\* \* \*

لمن سال مای الجود	وگف بالکون متحیر
ویلی ولا بگتله ازنود	یشوف المای منه راح
بسیده شایل العامود	لن واحد لفه امن الگوم
طرهامته ابعاموده * وگع ومگطعه ازنوده * یمه رایته وجوده	
اخسوک الگوم والینه	صاح ابصوت خویه حسین

\* \* \*

اعلی الشریعه حسین	سمع صوته وتغناله وشافه
ویمه امگطعه الچفین	عینه ابسهم ممروده
یا وسفه ینور العین	تخو صریم عضیده وصباح
یعباس اگطعت بیه * وجسرت العده علیه * نورک من خمد ضیه	
من عندی اخذ دینه	عدوی الیوم یا عباس

\* \* \*

من اسدر للمخیم	یسخویه شعتذر گلی
وعلیه الحرم تلتم	اویشوفنی الحرم وحدی
ومن سکنه یلمشیم	شنهو العذر من زینب
چا عمی المشکر وین	لوگالت یبویه حسین
واعدنی علی مای الحین	
ولا سدر بعد لینه	وعینی شایچه الدربه

\* \* \*

## في شجاعة العباس

لاح اعلی ظهر الفوج ورخه اعنانه  
حي گمر عدنان على الحرب سلطان  
تاجه النصر والعرش ظهرا حصانه

\*\*\*

هز ابوفاضل الرايه	اولولح اعلی المتن جوده
او صاح لعيونچ يزینب	لتلف العسكر او جوده
هلهلت زينب وصاحت	لخته يا معبود عوده
صال وگصد راعي اللوه	حر وعلى الصيده هوه
ليث الملازمه دوه	ابحرب ابو فاضل وزوده

من شافوا الميمر طلع عدوانه

گا صد الميدان مغضب وزعلان

صاحو لوین امن الفحل منوانه

\*\*\*

گام بالميدان يحدی	اورايسته ايلعبها بيده
ينهم ويرعد عليها	وكلها ترجف من رعيده
صاح وين المفر عني	العلگمي منكم اريده
يهل الغدر خلو النهر	لاوين عن سيفي المفر
حوم على الجيش الكدر	او صارت الرده بعیده

درب الشراذه اتسددت بيبانه

على النهر فرسان تثبت وشجعان

وسكنه العزيزه ابخيمتي عطشانه

\*\*\*

وگف بالكون المصيت      بين سيفه ورمحه يجسم  
سيفه للهجمات ينثر      وللچبود الرمح يلظم  
حين ما حرك ارچابه      گام جمع ابجمع يردم  
والفزع يردم با الفزع      وضاك على عدوانه الوسع  
من سيفه ما يشگف درع      گام بالوادم يخدم  
سفر الجيش المالك ونيرانه

فرغ الميدان      مثل بن عمران  
يلگف اجيوش اهل السحر ثعبانه

\*\*\*

اگبال ابو فاضل الجيمه      تثبت اوتوگف اشحدها  
وللحرب عباس امه      اوگامت اتحي ابولدها  
خدم ابسيفه المسامي      اوهجج الخيل ابعددها  
حل بيهم ابخر به الوعد      امنن الوالد اتبره الولد  
ما سلم منه اللي شرد      امنين ما تشرد يردها  
يلظم اچبود امن العده بسنانه

جرها امن الابدان      چالنبي اسليمان  
من جر عرش بلقيس من امچانه

\*\*\*

عجز ملج الموت منه      الجيش من كبر اصياحه  
صار عباس ابمچانه      للفزع يقبض ارواحه  
ما بگه ابديرة الكوفه      بيت ما حط بي مناحه  
من عنده فرسان الحرب      هجت ولزمت كل درب  
ما ترضه للحومه تطب      عارها لبست اوشاحه  
حقها العده لو ما تطب ميدانه

يشبه بالاكوان داحي البيان

من طب لبن ودها وگطع سيگانه

\*\*\*

حي گمر عدنان حاوي	من ابوه حيدر صفاته
الوفه او حگ الاخوه	والشجاعه والثباته
مثل ابو يحمل الرايه	وبالحرب نشأت حياته
بعد شيوصلها الحزم	وابحرب ابو فاضل تهم
بسمما يسمعوله اسم	يسلم الجيش المماته

غوجه السفينه او هوه نوح ابشانه

حي صاحب الشان سواله طوفان

لاچنه من دم الزلم طوفانه

\*\*\*

حين ما فرغت الحومه	للنهر مغضب تعنه
رايته اعلى الجالي رزها	وللعذب طب المچنه
ويه ما هيس ابرده	مد يمينه او غرف منه
لحسين واطفاله ذكر	ذبه اودمع عينه انحدر
اومغضب طلع من النهر	گصده لخيامه ايتعنه

يدري الحرم تنظر ابصيوانه

اوتصرخ الرضعان والطفل عطشان

اوسكنه العزيزه من العطش تلفانه

\*\*\*

حين ما شافه الناس	ابچتف ابوفاضل الجربه
صاحت العاده عليه	اوفرعة الكوفه اعلى حربه
انگلب ذاك الجيش كله	اوگطع على العباس دربه

من شافها الميمر زعل      سل سيفه واعليها حمل  
لاچنه على الجربه ابوجل      ايخاف تتصوب ابجربه  
خايف تصوب جربته الخوانه

لاچن العدوان      من اربع اركان  
دارو عليه او گطعوا ذرعانه

\*\*\*

عگب ما صابو الجربه      او گطعوا ايساره اويمينه  
صوبوا بالعمد راسه      وانطقت بالسهم عينه  
ليه ابو اليمه تعنه      اوشاف اخوه امگطعينه  
صاح او دمع عينه انحدر      يامن لعدهاشم گمر  
فقدك كسر مني الظهر

\*\*\*

ليش يسبوا فاضل عفتني      اوحيد بين اجيوش اميه  
يا اخو ابساعة الشدة      يعباس ايعوف اخيه  
اهنا يخويه انكسر ظهري      اوضاگت الوسعه عليه  
لحد يشيال العلم      دارت الگوم على الخيم  
يا هو اليگف دون الحرم

\*\*\*

القاسم بن الحسن عليه السلام

يا بدر يا شعاع      يلغبت عني ابساع  
وسفه ينور العين      تمسي اعلى حر الكاع

\*\*\*

وحيد وردتك يا ضوه	اعيونني تباريني
ابدربي وتسليني	يبني عمت عيني
محروم من شم الهوه	من دون البـحـلك
يلما شفت مثلك	امهذب وحلو اطباع
بيك اسهرت گيـض وشته	وريباك مـرمرني
ما چنت اظن يبني	دهري يـخـيـني
ويصير عرسك حنته يبني	اوتبگه اعلى احرالگاع

\* \* \*

لمن طلعه امن الوطن	وباريتني ابدربي
يبني احمـدت ربي	وبيك استسر گـلبي
وگلت الفواطم هلهلن	صار النفل رجال
ويّا الضعن خيال	وبسيه التعب ما ضاع

\* \* \*

عمك يجسام ابتشر	من شافك اگباله
وبـظـهر الخياله	والضـعن تـبراله
گال ابن اخيي اساكبر	بس نـوصل انعرسه
وتـصـيرله نسـوه	بالغاضريه انواع

\* \* \*

عمتك يجاسم سمعته	وهلهلت جدامه
من عرفت امـرامه	ولمـن بنه اخيامه
عجنت العرسك حنته	وحـنـتـلك اسكـينه
وصاحت يوالينه	زف العـزـيز ابـسـاع

\* \* \*

ناداها انصبـن حوفته	وعلگي الشمع بيها
---------------------	------------------



ومنصته فرشيها      وسكينة زفيها  
وجسام باجر زفته      لمن يطب للكون  
والشخصه يزفون      سبعين الف درّاع

\*\*\*

ما چان عالبال ايخطر      لمن مرت بالعين  
يحرب عليك البين      چن اله اعلى امك دين  
وتستحنه من دم النحر      وشمعك يصير اسهام  
وعلى التراب اتنام      سهيل يا لمّاع

\*\*\*

بيك اسهرت گيض وشته      ورباك مسرمرني  
ما چنت اظن يبني      دهري يخيني  
ويصير عرسك حنته      يبني حمر دمك  
وعگبك تظل امك      منها الجفن دماع

\*\*\*

يا هي الذي ابنيها انفكد      بالعرس مثل امك  
يا زهرة اخيمك      يـلـخـيـت عـمـك  
اوگبلك يجاسم يا ولد      بالكون عاف امه  
مـتـخـضـبه اـبـدمه      ومنها الكلب مرتاع

\*\*\*

والله لون طول العمر      ونحب على امصاك  
وبچبدتي اصوابك      وتذكر اشبابك  
ولو شفت عريس ويمر      اصـرـخ ودگ بيدي  
جسام يوليدي      يلراح دمه اضياع

\*\*\*

ابعيد البله البست الچفن	يبني انخمش گلبی
او عینی بگت تربی	ونادیت یا ربی
سالم دردلی ابن الحسن	یا راد ابن یعقوب
گلپی علیه ایلوب	لمن طلع فزاع
عمتك زينب والحرم	تستناك بالصیوان
دنهض يغصن البان	لا تظل علتربان
وسكنه العزيزه بالخیم	تنخاك دسمعها
ونهض اودعها	یا نفل تالی اوداع

\* \* \*

هلهلت زينب والحرم	والخیمه نصینها
والحوفه سونها	وسکسینه زفنها
اوگفنگك اباب الخیم	یردن یشوفنگك
وبیها یهننگك	یاسورها المناع

\* \* \*

ربيتك ابدمعي الیصب	وسهرت لیل انهار
وشبعت بیک امرار	لمن شبابك صار
تمسي صریع اعلی الترب	وسفه یچبدی علیک
بالروح چنت اشریک	لوله القدر ینساع

\* \* \*

### القاسم بن الحسن

اگبل جاسم العمه	اودمعه ایهل اعلی الخدین
منه ایرید یترخص	وخایف ما یرخصه حسین

\* \* \*

طلع جاسم امن الصيوان	مغضب واعتنه العمه
شافه اباب المخيم	حب ايده اوگف يمه
يگله يا ضوه عيوني	اشعندك جايني ابهمه
يگله الحرب مگصودي *	وتلف دونك اوجودي * وصاني الحسن عودي
گلي عين اخوي حسين	لو شفته بلایه معين

\* \* \*

يگله اشلون ارخصنك	وانسته اوديعة عضيدي
وادري بس تطب للكون	يبني اتروح من ايدي
ما ظل من أهل بيتي	غيرك عدل يوليدي
يجاسم روح لخيملك *	واگعد يم بن عمك * يعمي اشحال قلب امك
تريد العرسك تشوفه	يا جسام گبل البين

\* \* \*

يگله اشلون ارد ونته	تدير العين يمشيم
شلي بالعمر بعدك	ريت العمر لا يسلم
من شاف العزيز حسين	عليه ايرد للمخيم
حط يسراه ابيمينه *	وجابه الخيمة اسكينه * عاين زينب ابعينه
گالها يبت حيدر	اهدوم الحسن يختي وين

\* \* \*

جابتله الهدوم اوگام	منهن طلع اعمامه
اوطلع جبت المهيوپ	اخوه الحسن وحزامه
لبسنهن لعد جاسم	وگام اووگف جدامه
ناده الفواطم هلهلن	كلهن لعد جاسم لقن
گرت عيونك ياالحسن	جاسم لبس ثوب الچفن

وامه مدامعها جرن \* صاحت بين محي السنن \* ما خبيت يبني المذن

\* \* \*

لمن خلصت الزفه اوعمه اباب صيوانه

ودعهم اوداع المسوت اوانوه الحرب عدوانه

سل السيف بيمينه اوصول على الخوانه

وين المفر ناداها \* وسيفه الموت راواها \* بالبر شتت خلاها

وذكرها اب حرب حيدر اب يوم الجمل وبصفين

\* \* \*

چقه ايفر رحات الكون وعليهم غدت تفر

وگام ابخطة الميدان يलगط وين المشكر

ما واحد گدر يدناه واعلى الفحل يتجسر

لمن نص على انعاله \* والأسدي تعناله \* جذب سيفه اوتدناله

ضرب شبل الحسن ضربه جسمها الهامته نصين

\* \* \*

وگع مصيوب بالحومه وراسه امخضب ابدمه

والعسكر عليه هيل وصارت على الجسم لمه

سمع صوته وتعناله لعند المعركة عمه

شافه رميه اعلى الثره اوجشت العزيز امودره

وبفيض دمه امعفره دمه اعلى وجناته جره

\* \* \*

شاله وللخيم سدر وحطه ابخمية اعياله

تعال اوشوف حال امه لمسن عاينت حاله

گامت على الوجه تلطم ومنها العين هماله

صاحت يجاسم عمتك للعرس نصبت خوفتك

وحنّت اسكينه ابحتك تاليها تحظر چتلتك

\*\*\*

او حيد يا ضوه عيوني	يـبـنـي ودللك عمك
ما تگعد تشوفه اشلون	گاعد ينتحب يمك
يجاسم ما تحاچيني	يبعد الروح ماني امك
يا هو اليباري محملي	يـبـنـي او يوديني الهلي
حرمه وعفتني ابلا ولي	ابديرت غرب يمدللي

\*\*\*

ربيتك يبعد اهلي	ومن عندي الكلب مستر
وكل يوم اليمر يبنـي	الطولك اصد وتفكر
ريت ابكر بلا لاجيت	يسبن وشفتك امطبر
احا يعملت كربلا	الخلت زلمسه امچتله
خلصت يبن عمر العله	وظلت غريبه العايله
ادور على اليحماها	وتلتفت يسار يمين

\*\*\*

### القاسم بن الحسن

عمك يجاسم گوضت گومه	گوم للحومه
يوليدي عرسك هذا مويومه	گوم للحومه

\*\*\*

انهض العمك يجاسم	والعرس يوليدي عوفه
گوضت گومه وعمامه	ودارت ابشخصه الكوفه
ظل يدير العين وحده	ويطلب الناصر يشوفه

انهض يجاسم للحرب      ووكف ابجومتها قطب  
 ذچرها چشاف الكرب      والفرع طشر اصفوفه  
 عمك گضت گومه وشبانه      اب حرب عدوانه  
 ومست ضحايه وعلى الأرض نومه      گوم للحومه

\*\*\*

من ابوك الحسن عندي      الك يا جاسم وصيه  
 من گضت بالسّم چبدته      ودنت من عنده المنيه  
 گال لي جاسم ضخرته      لعد يوم الغاضريه  
 لو شفتي عمه الوحده      بي دايره جموع العده  
 انطي الضنوتي امهنده      خله ينحر جيش اميه  
 ينصر عضيدي اويگف جدامه      سور لخيامه  
 والحرب جاسم يچسب اعلومه      گوم للحومه

\*\*\*

من سمع هاي الوصيه      وشاف منها الدمع يهمل  
 شرعبت بيه الحميه      وگام ينفخ نفخة الصل  
 جيبي لامة حربي يمي      حتى على الجيمان احمل  
 جابت الجاسم لامته      وبها تسوشح شافته  
 گامت وشمّت وجنته      تسچب العبره وتهلhel  
 ما خييت يا جاسم اذنوني      روح يعيوني  
 وانست بيك امك المظلومه      گوم للحومه

\*\*\*

دار عيناه اعلى امه      وگام يتلهف عليها  
 گلها لا تبچين بعدي      وعلى روح صبريها  
 لاچن ابسلفسي وصيه      ارد اگلچ يمي بيها

لو شفتي من بعدي فته      تحضر عمامه الزفته  
وتعلگ شموعه ابخوفته      عاد زفتي تذكريها  
شمنت شبابي الكدر طفاها      ومي خلاها  
تگلي وهي من عرسي محرومه      گوم للحومه

\*\*\*

حين ما سمعت وصيته      على الوجه لظمت وطاحت  
گلي يوليدي كسرتة      اهل الوصيه اليوم صاحت  
چن تظن انساك يبني      واته روحي ومني راحت  
انساك يوليدي تظن      ويغمض لي من بعدك جفن  
وانه البست ثوب الحزن      والمذله اعليه لاحت  
گلي علمني اليوم يوليدي      تروح من ايدي  
وروحي اعلى فگدك تظل مالومه      گوم للحومه

\*\*\*

گامت اتنادي الفواطم      يا الله گومن ودعنه  
رايح ايطب للمعاره      وبها من دمه ايتحنه  
طلعن امن الخيم يمه      وصارت الها عليه حنه  
وحده تشمه ابوجنته      اوحسده تحن الفسرگته  
وسكنه العزيزه ابخيمته      اتعاينه وتجذب الونه  
تگله المعاره لو رحت ليها      تسنچتل بيها  
وبگه عگب عيناك مهضومه      گوم للحومه

\*\*\*

طلع من الخيم جاسم      وعتنه العمه يودعه  
مرهفه الماضي ابيمينه      وگام يتبختر ابدرعه  
حين شافه حسين مجبل      صفگ بيده وسال دمه

ناداه وبوجها ابتسم      اشعندك لفيت امن الخيم  
گله ودمع عينه سچم      ضاگت ابعيني الوسيه  
شفتك وحيد ابين هلجيمان      منلك عوان  
وناداني عمري امن ارخصت سومه      گوم للحومه

\*\*\*

اشلون ارخصنك يگله      والحسن ودعك عندي  
ودري من اتروح عني      ايروح بيني اويك چبدي  
للمخيم رد يجاسم      باري هاي الحرم بعدي  
ناده يبن فارس بدر      ماتم بعد عندي صبر  
ما ريد يا عمي العمر      عگب عينك وحق جدي  
ودعه اودار ايده اعلى اطواگه      وحن على افراگه  
گله ودمعته عليه مسجومه      گوم للحومه

\*\*\*

### القاسم بن الحسن

يا عريس من عدنان

صارت حنته ابحومة الميدان      يا عريس من عدنان

\*\*\*

ما يشبان الحرايب      حنه صارت مثل حنته  
للعرس خضب اچفوفه      ابدمة امه ودم رگبته  
ولملبس نبل ينثر      والسهام اشموع زفته  
وعج العوادي خوفه      وساحت الحومه امنصته  
وصوت الهلاهل ونته      اونت ام الحزن عمته

صفگله الرمح والزان



وغنه السيف اله ابها مت الشجعان يا عريس من عدنان

\*\*\*

ما سمعنه الدهر كله	بالحرب تنصب حوفه
ويستعد الجيش كله	والعرس يشهر اسيوفه
ويدخل العريس ليها	وبالدمه ايخضب اچفوفه
هلعرس بس ابكسر بلا	صار الشبل عمر العله
حاضر لون عقد الوله	والعرس جاسم يشوفه

سبعين الف من كوفان

زفو بالحرب شمعت الشبان يا عريس من عدنان

\*\*\*

اگبل العمه يودعه	حتى للحومه يطبها
ومنه بالخيمه تهلهل	والدموع عليه تصبها
حين ابو السجاد شافه	گاصد الحومه وحربها
ناداه ودموعه جرن	لاوين يا شبل الحسن
ليش البست ثوب الچفن	وروعت امك گلبها

ردليها يغصن البان

ما تدري گلبها اشتعل نيران يا عريس من عدنان

\*\*\*

اشلون ارد ليها يگله	ومن هلي فرغت اخيامي
ونته وحدك بالمعاره	اوحدتك هدت اعزامي
ما ترخصني يعمي خل	اروح الحگ عمامي
شلي يعمي بالعمر	وعليك دارت هلكفر
وتولتك طعن وطبر	ولا ولد عنك يحامي

رخصني يعالي الشان

ارد اخذ ابثاري من آل سفيان      يا عريس من عدنان

\*\*\*

رخص الغالي وتعنه	للحرب مطرب وباسم
شافته ام الفخر مجبل	نادته يا هله ابجاسم
دونك الميدان وحمل	يا بدر غالب وهاشم
ميداني بوجودك عمر	يبن المچارم والفخر
صول وللجيمه نحر	وسيفه ينثر بالجماجم

سوه الحمر چا الطوفان

وخله الخيل تسحگ علی الفرسان      يا عريس من عدنان

\*\*\*

مثله ما ولدت العيله	ولا نزل للحرب مثله
لف روايسه الجيش كله	وعجب اهل الخيل فعله
لاچن او متله الشهاده	ونص يشد اشراك نعله
والازدي سل سيفه وحمل	من شافه عن حربہ خمل
صابه او وگع شبل الفحل	وناخت العيله اعلى چتله

دمه ايسيل على التربان

وعليه من وگع دعت الجمان      يا عريس من عدنان

\*\*\*

من وگع فوگ الوطيه	رفع صوته ونده عمه
يبو اليمه الحگ عليه	ولييه تسعنه وگعد يمه
شافه ايعالج ابروحه	ومن طبرته ايسيل دمه
شاله وللخيم سدر	حاني اعلى جسام الظهر

ويسيل دمه امن النحر

\*\*\*

جابه الخيمة اعياه	وغدت للنسوان حنه
صاح گومن يالفواطم	لعد جاسم ودعنه
اگيلت امه اتنادي	ابهل العرس يبني امهه
ما خيبت بيك المزن	اچفوف العرس يبني الحسن

ابدم الشهاده اتخضبن

وگلبك بالشهاده اليوم فرحان

\*\*\*

### شبيه جده رسول الله ﷺ

چو چب طلع من برج صيوانه	ابصهوة احصانه
سلطان چنه وعرش سلطانه	ابصهوة احصانه

\*\*\*

طلع من برج المخيم	چالبدر يصطع جبينه
وگف جدام ابو اليمه	ونص عليه وحب يمينه
شال راسه حسين لبه	صفگ بيده وجرت عينه
ناداه يار يع الجبد	لاوين نيتك والگصد
للحرب چنك مستعد	او فرگتك تصعب عليه
جاوبه الاكبر يبن حامي الجار	وسلوة المختار
تدري اليريد المسجد عنوانه	ابصهوة احصانه

\*\*\*

سالت ادموعه اعلى خده	ورفع للباري اچفوفه
صاح يا باري انتقم لي	وحكم ابغدره الكوفه
بيش تطلبني وعليه	جيشها دارت اصفوفه

ليهم برز مني شبل      ما اله ابهاالوادم مثل  
اله النبي سيد الرسل      وعينك الحالي تشوفه  
ظلت تهل لفراغه اعيوني      ونخطف لوني  
ساعه اوتگطعه اسيوف عدوانه      ابصهوه احصانه

\*\*\*

تدري يا معبود لمن      للنبي نشتا ق چنه  
نگعد انعاين للکبر      حتى نشبع شوف منه  
ظلت اعيالي اعلى فقهه      بالخيم تجذب الونه  
حاوي صفات اهل العبه      والمجد والعز والابه  
ظلت اعيوني مريبه      للحرب لمن تعنه  
ادري يلاه الكون بوليدي      ايروح من ايدي  
وفگدلعد الروح ريحانه      ابصهوه احصانه

\*\*\*

طلع للميدان الاكبر      بالفحل جده ايتچنه  
والجموع اتشوفه كلها      وترجف امن الخوف منه  
هلهلتله ام المعالي      وسيفه بالهامات غنه  
من گام على سيفه يكر      گالو طلع فارس بدر  
لاوين عن سيفه تفر      وسيفه ملج الموت چنه  
هجت الجيمه اتريد منجاها      وشنتت خلاها  
والكون رجيه وحكم ميدانه      ابصهوه احصانه

\*\*\*

طلع ليه بكر بن غانم      وبو اليمه عليه تغير  
بالخيم ليله تشوفه      والگلب من عدها فرفر  
ناداته يبن الوديعة      اشصار سولفلي اعلى الاكبر

گالها بن غانم لفه      شاهر على ابنچ مرهفه  
 ويگول جدي المصطفى      الام دعاها ميتاخر  
 ردي لعبد خيمنتج ودعيله      ابساع يا ليله  
 بلچن ينصره ويرد لهنانه      ابصهوة احصانه

\*\*\*

للخيم ردت ابهمه      والدمع على الخد تصبه  
 اتصيح اچشف كربتني      ابساع يا چاشف الكربه  
 سدرت يوسف يلاهي      ومنت يعگوب گلبه  
 ابجاه الفطر چبده الضمه      احفظ اوليدي وسلمه  
 ورده لعند امخيمه      عيني الدربه مره  
 وحيد ومنه لا يسخيني      ليه رد ابني  
 ورفع يلاهي اعلى العده شانه      ابصهوة احصانه

\*\*\*

استجاب الله دعاها      وچتل بالكون بن غانم  
 گطع راسه وشاله بيده      وللمخيم سدر باسم  
 حين شاف حسين شبلة      سدر امن الحرب سالم  
 گام اوعلی اوليده شبگ      ومن الفرح دمه دفگ  
 لاچنه بچفوفه صفگ      من سمع فخر الهواشم  
 يسنادي يبويه لحگ اعليه      ابشربة اميه  
 امن العطش شبلك يابس السانه      ابصهوة احصانه

\*\*\*

امين اجيب الماي يبني      گام ابو اليمه اينادي  
 امن العطش تصرخ اطفالي      والورد بيد الاعادي  
 للحرب سدر يبويه      وروه من جدك الهادي

ايس امن الماي وسدر      مغضب على حرب وصخر  
 لاچن غدر بيه الكدر      ودارت عليه العوادي  
 غافله العبيدي وجذب صمصامه      اوصابه على الهامه  
 وتفجر دمه وسال جروانه      ابصهوه احصانه

\*\*\*

شېگ فوگ المهر ويلى      اوفر لعند الكوم مهره  
 داروا عليه با المواضي      طبره صارت فوگ طبره  
 ليه ابو اليمه تعنه      شافه نايم على الغبره  
 من شافه سابح بالدمه      ذب روحه من امطهمه  
 وعليه لمصابه انغمه

\*\*\*

ليش يوليدي عفتني      وخصمي مشتدا على حربي  
 ونسته لعيوني ضواها      بيش اوچد بعد دربي  
 والله يالاكبر افراگك      هدم حيلي وكسر گليبي  
 يا شبه جدي المصطفى      نورك يبوي امن انطفه  
 عگبك على الدنيه العفه

\*\*\*

### في شجاعة الاكبر

لاح شبل احسين ميمونه او لكد      صال ولسبعين الف مدرع گصد

\*\*\*

صال مدرع مطوس ابچف الكدر      ابظهر مجنح سابج امجفل الدهر  
 صاح وين اليوم عن سيفي المفر      كفوا منتب هاشم امنين انوجد

\*\*\*

رضع من ثدي الحرب لمن ربه  
فلگ بالميدان كلمن حاربه  
اتفرس اعليها اوبلغ سيل الزبه  
اوخله خيل اعداه تسحب بالعدد

\*\*\*

يرتجز بالكون مشهر صارمه  
صاجعه اعلى الكوم طاح من السمه  
انه شبل احسين ابن حامي الحمه  
صرخ بيها وبملازمها رعد

\*\*\*

گلب على اليسره اليمين او على الغلب  
ظنت اهل الغدر حيدر بالحرب  
خالط الجنحين وبدع بالضرب  
ماطول هل الشبل من ذاكه الاسد

\*\*\*

فعل بيهم مثل ما حيدر فعل  
لو غضب بالكون على الكوم او زعل  
ابحرب صفين او حرب يوم الجمل  
طوس ما تشغف طبرته او لازرد

\*\*\*

او كل كتيبه الي يخزها امن العده  
حيث ملج الموت يبره امهنده  
ينصه تاليها او جمعها ايبده  
وعلى راسه اترفرف اطيور السعد

\*\*\*

اخرس الفرسان ابن سور المنع  
غدت ما تعرف رسنها امن الضرع  
او غده ايقل اجموعها جمعن جمع  
تساياها واليگرب عليها بعد

\*\*\*

فرت امنيده وهو بيها يحوم  
فرث صمصوم الحرب ودعه الجسوم  
اوكل كتيبه الي جبل عليها الكوم  
على الوطيه اتموج مالهها عدد

\*\*\*

لف رواياها اوفند اجموع الكفر  
عيد ملكه البيض عنده والسمر  
وهو ابن اثمطعش بالغ بالامر  
او عنده مر الموت احله امن الشهد

\*\*\*

حين صدله ابن سعد عگله انذهل  
صاح يابكر ابن غانم بالعجل  
اوشاف صولاته مثل جده الفحل  
دوك شبل احسين حل بينه الوعد

\*\*\*

گله عد وجهك وهذ امرك يهون  
عارضه ابن احسين بوسطت الكون  
برز لاچن خاب ضنهم ويخسون  
عزل راسه اوبالارض جسمه جلد

\*\*\*

عاد ذاك الوكت رد لمخيمه  
صاح فت گلبي يبو اليمه الضمه  
يطلب اميه من حامي الحمه  
اوثل الحديد الذي الحيلي زهد

\*\*\*

گام ليه احسين ودموعه اتهل  
امين اجيب الماي يبعد كل هلي  
يا ضوه اعيوني يگله يا علي  
يبنی صوتك لعد دلالي مرد

\*\*\*

يبنی رد للحرب صابر محتسب  
گبل ورد الموت يسجيك العذب  
ورجه من جسدك الحيلاته الحجب  
يا شبل ريحانتي البيك الضمد

\*\*\*

اوساعت التوديع ليهم من لفت  
حن على ابنيه الابو اوعينه جرت  
منهم اعليهم العشرين اشبجت  
وعلى حنت والده حن الولد

\*\*\*

من گضه اوداعه ركب غوجه اونوه  
بالطبر مغرم مثل مضم الهوه  
لچن بيحال اعلى عرصت نينوه  
والحرايب عنده گلبهن دوه

\*\*\*

لاچن ام الفخر يا حي ناداته  
حمل لاچن العفيف ابحملته  
وهو حياها النفل من حيته  
خل جمع اعداه بالبيده بدد

\*\*\*



من عگب مارد رواياها نکس      اوغير ابعج الرمگ لون الشمس  
غافله العبدی او طبر راسه الرجس      وعلى سرج المهر خر ویلي اوسجد

\*\*\*

والمهر فربه ما بين الصفوف      اوچب اوبي حوطت ذیچ الالوف  
صار جسمه اشبیح لاچن للسیوف      غدت تهوه اعليه مثل مهوه البرد

\*\*\*

من ثگل بیه الطبر خر علی الثره      وصاح یحسین اودمع عینه جره  
هذ جدی المصطفه سید البره      روه چبدی امن الضمه اوصوته خمد

\*\*\*

نگل صوته الریح لحسین او سمع      لچن هد حیلہ او حمر جفنه دمع  
ثلث مرات الذی گام اووگع      اوگام محنی الظهر ولشیلہ عمد

\*\*\*

چشف عنه الخیل وعلیه انحنه      او صاح یا هو الی گرب لیک اودنه  
یبنی ریت العیش بعدک لاهنه      اولاً یطول العمر من عگبک بعد

\*\*\*

لون بیدي ایحصل یا ریحانتی      چنت ابدل امسیتک بمنیتی  
من طحت یا نور عینی اومهجتی      طاح من بیتی یبعد اهلی العمد

\*\*\*

گام ودموعه تکت کت السحاب      للخیم شاله ابن داحی البواب  
صاح یا زینب اویا سکنه اورباب      بلعجل گومن اوحللن الجعد

\*\*\*

سمعن النسوان صوته او ولولن      لفت زینب والحرم لیه ایعدن  
هوت زینب والحرم فوگه هون      اوصاحن اولصیاحهن حن کل وتد

\*\*\*

## في شجاعة علي الاكبر

لاح اعلی الكحيله وطلع من اخيامه  
مطرب وفرحان وعتنه الميدان  
سبعين الف خذهم طرد جدامه

\*\*\*

طلع من برج المخيم	وعتته العوده يودعه
لازم المرهف ابچفه	والحرب لابسله درعه
حين شاف حسين شبيله	صفگ بيده وسال دمه
ناداه يا ريع الجبد	لاوين عزمك والغصد
يوليدي للخيمه درد	بيك گلبي لا تفجعه

انته يبويه المهجتي شمامه

يا بدر عدنان وشمعت الشبان

خايف عليك امن الحزن وسهامه

\*\*\*

من سمع حچيه الاكبر	سالت ادموعه وتحسر
اشلون ارد عنك يگله	ولروايه اعليك تفتري
ارد ارواح انسف الجيمه	وعن خيمنه اطرده العسكر
ضاگت ابعين الواسعه	والهظم چبدي صدعه
گام الحسين او ودعه	وجرت دمعه على الاكبر

طاح اعلی ابوه حسين حب اجدامه

ابعونه الرحمن طالع للكوان

لفنيك اجيوش الكفر وصنامه

\*\*\*

فرع وگام ایتچنه	وکسر غمد السیف و حرب
صاح لاوین امغداکم	وانه شبل الطیر مرحب
نفخت اسرافیل چنه	یو عذاب اعلیهم انصب
من مرهفه الکون انگلب	خدم صنادید العرب
فرت وماخذها الرهب	الحربه یا هو البعد یگررب

ذکرهم اب حرب الوصي و یامه

ظلت الجیمان داحی البیان

اگبل وعسکرهم نوه اعلی اعدامه

\*\*\*

طلع لیه بکر بن غانم	ولمصیت لیه تخدم
ضرب راسه وطاح مرمی	وسبحه المهیوب بالدم
گطع راسه وشاله بیده	وبیه سدر للمخیم
من شاف ابوالیمه لفه	یگطر من الدم مرهفه
حیه ابشیه المصطفه	لاچن ابوجها تبسم

صاح ولزم بیده الحصان الجامه

اطلب یريسان ناداه عطشان

أثر ابچبدی العطش او الله وسامه

\*\*\*

من سمع سالت ادموعه	وزاد علی الاکبر نحیه
گاله یا ضوه اعیونی	الماي یبني امنین اجیه
والله یا الاکبر مصابک	علی هون کل مصیه
للحرب یولیدی درد	وجدک یسباح الچبد
یسگیگ من عذب الورد	والحسبیب ایبر حبیه

رد للحرب مکظم وسل صمصامه

دارت العدوان من اربع اركان

والعبدى صابه ابمرهفه اعلى الهامه

\*\*\*

ونحنه اعلى المهر ضهره	شېگ فوگ المهر ويلى
بيه لبوه حسين مهره	ضنته يسدر للمخيم
وطاح من شدة الطبره	جابه للحومه يويلى
بسيوف وسهام وسمر	دارت عليه من كل كتر
وتولته طعن وطبر	

\*\*\*

سابع ابدمه ورميه	ليه تعنه حسين شافه
وجسمه مرعى اعلى الوطيه	بالمواضى اموزعينه
رحت يوليدي امنديه	صاح اويلا يا عزيزي
سوه الجسم منك وذر	اشبيدي يبويه اعلى الكدر
وفگدك لعد ظهري كسر	

\*\*\*

### في رثاء علي الاكبر

وشعت انواره	لاح اعلى غوجه وشهر بتاره
وشعت انواره	والكون الاكبر چسب شنياره

\*\*\*

وبزغ من اخيامه	بدر وبنوره تجله
وناوى على الكون ابعدامه	لايح ابصهوه احصانه
وبو اليمه رد سلامه	اگل اعلى حسين سلم
لاچن اعضامه اتنحلت	من شاف مدلوله سكت
گلبك احچيلي اشمرامه	ناداه ودموعه جرت

طالع اشعندك يا صبي العين      مگ صدك لاوين  
خلیت گلبی تلتھب ناره      وشعت انواره

\*\*\*

یبنی ما تدری یلکبر      انتہ لعیونی ضواھا  
ولو رحت یولیدی عنی      ینگطع روحی هواھا  
رد رفع للسمہ اچفوفہ      وصاح یا رافع سماھا  
اشهد علی هذا الجمع      لیهم طلع منی فرع  
مالہ شبیه ابھا الوسع      غیر سید الرسل طاھا  
لو ردنہ للمبعوث نتفکر      انعاین الاکبر  
یردون چتلہ وروچی محتارہ      وشعت انواره

\*\*\*

من سمع حچی ابو الیمہ      سالت ادموعہ وتحسر  
عرف لن حصل الرخصہ      وطلع للمیدان الاکبر  
نفخت اسرافیل چنہ      وچامن ابسیفہ المکدر  
یشبه الصعصع لو رعد      لملم زلازلھا ورصد  
شیب ابحرہ البلمهد      وسوہ ذاک الیوم محشر  
گامت تفر ویحوم اعلیھا      وسیفہ یولیھا  
ودمھا یکت ویسیل تیارہ      وشعت انواره

\*\*\*

تشرد اهل الخیل عنہ      وعن حربھا الضیغم ایرد  
مثل داحی الباب جدہ      ابحرہ ما یلحک الیشرد  
من تشد علیہ کتیبہ      یبتشر وعلیهم ایشد  
لاچنہ لیهم لو وصل      منهم فلا واحد یظل  
یشبه لعد جدہ الفحل      من لفا مرحب بن ود

يـطـرـد وراها وبـالـزـلـم سـيـفـه      اـيـخـذـم اـبـكـيـفـه  
وـذـكـرـها حـرـب المـا يـذـل جـارـه      وـشـعـت اـنـوارـه

\*\*\*

طـلـع لـيـه بـكـر بـن غـانـم      جـدـلـه وـذـيـه رـمـيـه  
وـرـد لـعـنـد الخـيـم گـصـدـه      مـن اـبـو يـطـلـب اـمـيـه  
صـاح وـالله العـطـش ضـرـنـي      يـبـو الـيـمـه الحـگ عـلـيـه  
مـن العـطـش چـبـدي اـنـمـرد      وـما شـوف بـعـيـونـي بـعـد  
الـمـدـلـولـه اـبـو الـيـمـه قـصـد      يـسـون وـالـونـه شـچـيـه  
يـسـبـنـي يـگـلـه اـمـنـين اـجـيـب المـاي      يـا ضـوـه عـيـنـاي  
وـگـامـت اـدـمـوع عـلـيـه تـتـجـارـه      وـشـعـت اـنـوارـه

\*\*\*

اـيـس اـمـن المـاي اـوـيـلي      وـعـلـى حـرـب اـعـدـاه سـدـر  
لـاچـن اـمـن العـطـش چـبـدـه      گـام مـثـل الجـمـر يـسـعـر  
ثـگـل صـمـصـامـه اـبـيـمـيـنـه      وـگـام يـتـكـاثـر العـسـكـر  
لـمـن گـرـب لـيـه الـگـدـر      العـبـدي عـلـى چـتـلـه جـسـر  
وـبـمـرـهـفـه الرـاسـه طـبـر      وـنـحـنـه اـعـلـى اـحـصـانـه الـاكـبـر  
لـلـبـحـومـه جـابـه او اوچـب اـحـصـانـه      بـيـن عـدـوانـه  
وـالجـيـش كـلـه اـعـلـيـه غـدـه دـارـه      وـشـعـت اـنـوارـه

\*\*\*

دـارـوا عـلـيـه بـالمـواضـي      طـبـره صـارت فـوگ طـبـره  
صـاح بـويـه الحـگ عـلـيـه      اـبـسـاع يـا مـهـجـة الزـهـره  
لـيـه اـبـو الـيـمـه تـعـنـه      شـافـه نـايـم عـلـى الغـبـره  
مـن شـافـه سـابـح بـالـدـمـه      ذـب رـوحـه مـن اـمـطـهـمـه

يا ويلي وعليه انغمه

\*\*\*

ليش يوليدي يگله      شمتت عدواني بيه  
 رحت من عندي وعفتني      وحيد بين اجيوش اميه  
 ريتني گبلک يلكبر      حال المگدر عليه  
 ولا شوفك ابحر الثره      جشتك يبويه امطبره  
 وبفيض دمها امعفره

\*\*\*

### في رثاء علي الاكبر

لاح اعلى الكحيله وجذب ماضيه  
 واعتنه الميدان      مغضب وزعلان  
 ذب اول العسكر على تاليه

\*\*\*

عگب ما حصل الرخصه      طلع للسميدان يحدي  
 ايصيح شبل حسين آنه      وحيدر الكرار جدي  
 اليوم يهل الخيل شوفوا      مني اعليكم اشيسدي  
 عين طليعتها ولكد      حل ابعلازمها الوعد  
 فنه الذي يوگف بعد      وانه المذهب ابيدي

حرب الوصي هليوم ارد ماضيه  
 وبدمه الفرسان      اكتبلي عنوان  
 وللحشر تبگه اعلومه تاريخيه

\*\*\*

وگف يجسم بالمعاره      بين المگدر وسيفه  
 هذا بالشجعان يردي      وذاك يسلبها اعلى كيفه  
 گام المگدر يناغي      ابخطه الحومه رهيفه

من گام علی الفرس یکر      گالو طلع فارس بدر  
لاوین عن سیفه نفر      والگدر حیدر ولیفه  
شلکم یفرسان الحرب من نیه

نبگه ابهل المچان      وداحی البیان  
ابسيفه ولانه وخلص الحریه

\* \* \*

فرع وگام المچنه      وکسر غمد السیف وحرب  
وصاح لاوین امغداکم      وانه شبل الطبر مرحب  
نفخت اسرافیل چنه      یو عذاب اعلیهم انصب  
من مرهفه الکون انگلب      خذم صنادید العرب  
فرت وماخذها الرهب      الحربه یا هو البعد یگرب  
خله الدمه بالطف یکت جاریه

فیض الودیان      یشبه الطوفان  
والجثث کلها امطوفه ابوادیه

\* \* \*

گطب لرحه الحرب سیفه      ودارت اعلیهم رهاها  
کل کتیبه الیصل لیها      اتعوف ثابتها او لواها  
امن المنایه اشلون تنجه      وسیف المصیت ولاها  
گام ابجماجمها ایخطب      وبمرهفه یلعب لعب  
یوم الحرب عنده چسب      تاهت او یطرد وراها  
صل وتولد من بطن فاعیه

لو طب للکوان      ما یبگه حران

اتموت الزلم بس تسمع ابطاریه

\* \* \*



مرهفه بالطوس غنه	والرمك گامت تهلهل
نسوبه يتعنه الكبلته	اونوبه عالملزومه يحمل
تفر عن وجه الكتايب	بس عليها الفحل يحمل
يا هو الذي الحربه يگف	واللون من عدها انخطف
بلعرب ما خله سلف	اوگبع ذاك الجيش بالذل

لوله الشهاده او طاعته الباريه

ما ظل بالاوطان من آل سفيان

چاگطع کل ترثه هند وسميه

\*\*\*

عگب ما شتت شملها	او بالطفوف ابذل فراسه
غافله العبدی یویلی	اوطبر بالصمصام راسه
شېگ فوگ المهر لاچن	آمنو من بطش باسه

عادوا وهوه ابظهر المهر

وتواردو طعن او طبر

بالبيض ورماح السمر

\*\*\*

ليه تعنه احسين شافه	سابح ابدمه او رمية
بالمواضي اموزعينه	اودمه يجري اعله الوطيه
صاح اويلا يا عزيزي	رحت يوليدي امن اديه
ردتك لعند امك ضخر	واظل شريده الهاليسر

عندي بعد ماتم صبر

\*\*\*

أويلاه يا عزيز الروح	يبنی یا علی الاکبر
يبويه اشلون اشوفنك	وانته اعلى الثره امطبر

يبويه لو صخر جلمود      گلبی ذاب وتلفطر  
الله يساعد مهجتي  
الفرگاك يا ریحانتي  
يا ضوه اعيوني اوسلوتي

\* \* \*

### في ليلة العاشر من محرم

لا تطلع يفجر الشوم      خلها اتطول هليله  
حتى حسين والشبان      تتودع اويه العيله

\* \* \*

يا فجر الفراگ ايهون      الله اعليك لا تطلع  
حتى ابناات حامي الجار      من الأهل تتودع  
مصباحك يفجر الشوم      بيه الحرم تتروع  
هون لا تطر ابساع \* بيك گلوبنه ترتاع \* هذا الليل تالي اوداع  
بيه نريد نشبع شوف      منه او من مداليله

\* \* \*

ليلة عاشر ابعاشور      من علگت روايه الشر  
والعسكر زحف كله      وگام اعلى الخيم يفتر  
با الشر هيست زينب      گلبها انخمش وتطير  
صاحت يا بنات الدين \* علايم بينت للبين \* گومن نعتني لحسين  
ونطب لعد صيوانه      ومن الخوف نشچيله

\* \* \*

زينب لمت النسوان      وتعت الصيوانه  
لاچن ترجف امن الخوف      ومن الهظم نحلاانه

شافت يَمَّه العباس      واگباله الريحانه  
طَبَّتْ گعدت اگباله \* ومنها العين هَمَّاله \* لمن عاين اعياله  
گامت دمعته تجري      على اطفاله ومطافيله

\* \* \*

گالتله يبو السجاد      هاي الوادم اشعدها  
عليه اشتدت ابها الليل      والبيض ابسواعدها  
هم اعرفت نيتهما      وشنهو اويك مگصدها  
بين امي خذانه الخوف      من شفته الجموع اصفوف  
اجيتك والگلب ملهوف

ابكثر الخوف بين امي      اعيالك امست انسحيله

\* \* \*

لَمَّنْ سمع حچي اخته      هل دمعته وصفگ بيده  
وگام ايعاين الشبله      ونوبه ايعاين اعضيده  
گاللهما يبت الليث      چتلي الوادم اتريده  
وعندچ يبت حامي الجار \* هليله اخوتچ خطار \* يختي والصبح لو صار  
يامر بن سعد جيشه      وتهجم على الخيم خيله

\* \* \*

لَمَّنْ سمع حچي اخته      يأمن خوفها تريده  
گام ايعاين الشبله      ونوبه ايعاين اعضيده  
شافه اتغير العباس      وعلى السيف مد ايده  
راد بن الفحل بالليل      يحمل على الزلم والخيّل  
صاح ودمع عينه ايسيل      لا تطلع ابهذا الليل

بين اليحمي ادخيله

\* \* \*

اصبحنه غرب يحسين      والگوم ابسثواياها  
 ما ندري اشعلينه ايصير      لو جرّت رواياها  
 ما تمشي ابظلام الليل      وتردنه الوطن طاهها  
 خافن هلحرم تنضام \* ما ترضه يخويه اتنام \* رمله اتصيح يا جسام  
 وم الطفل تبجي عليه      او على الاكبر تون ليله

\*\*\*

نطلع للحرب يختي      وتعمر حومة الميدان  
 مثل النجم شباني      تتهاوّه على التربان  
 وظل اوحيد يا زينب      او بيّه دايره العدوان  
 بلمثلث يضربوني \* وگع من ظهر ميموني \* وتشوفيهم يذبحوني  
 وم الله نفذ يختي      او ما نگدر التبديله

\*\*\*

گالتله وشوفنك      ودم النحر يتجاره  
 عساهن يعمن اعيوني      ولا ظل بيك محتاره  
 گبل الچتل بين امي      سوي الها الغرب چاره  
 ردت صدت العباس \* گالتله يبو النوماس \* ارواح اميسره اويا الناس  
 مانني اختك يبو فاضل      وبگه اخلافك اذليله

\*\*\*

من يثرب طلعه اويّاك      ونته اتچفلت بينه  
 بيدك على الصدر دگيت      چاوين البخت ويسنه  
 گام امن العزم يرعش      وسل السيف بيمينه  
 اشلون اصبر بعد يحسين      على الضيم اشيصبرني

وزينب تهل دمعها      وتريد البخت مني  
خليني اطلع الها الخيل      ورضي ام الحزن عني  
ترضه يبن عكد الوله \* اختي ابوجودي اموجه \* وانه الجبتها الكربلا  
\* \* \*

### الليلة العاشرة من المحرم

زينب هلمسيه ادور      والنسوان وياها  
كل ساعه وتطب صيوان      وتودع الولىاها  
\* \* \*

هذا الليل تالي اوداع      زينب نادت النسوان  
ياالله اساع گومنه      حتى انودع الوليان  
روحن يا بنات الدين      كل وحده لعد صيوان  
رمله اتعنت الجاسم \* من عدها الدمع ساچم \* صاحت يا بدرهاشم  
يبنى اشلون اودعنك      ونسته العينى اضواها  
\* \* \*

ربيتك ابدمع العين      يبنى وحسب الايام  
لبالي اعرسنك      وفرح بيك يا جسام  
يبنى ابدال المنصه      باچر على الوطيه اتنام  
كل الوسف يوليدي \* راح ارباي من ايدي \* اظل اخلافك اوحيدي  
وذكر عرسك ايامه      وروحي الحزن يعلاها  
\* \* \*

ويله اتعنت الاكبر      وطبت لعد صيوانه  
گامت تهل عيناها      من شافت الريحانه

تگله بس سواد الليل هذا يا علي اويانه  
يا مدلول باصرني \* على الفرگه اشيصبرني \* اخذني للحرب يبني  
خليني انچتل وياك يا شبه النبي طاهها

\*\*\*

الرباب اتشيل عبدالله تحبه ابنحره وتشمه  
تگله حرمله باچر يبني ايفطمك ابسهمة  
گلي اشلون اشوفنك ومن نحرک يكت دمه  
بيني اشلون اشوفنك \* امخضب من زغر سنك \* صادر يا ذنب منك  
رگبتك يا ضوه اعيوني تتطوگ امن دماها

\*\*\*

زينب راحت العباس طبت گعدت اگباله  
گالتله يبو فاضل ومنها العين هماله  
باصرني بخوك حسين وعياله وبطفاله  
باچر من يصير الكون \* يا عباس وتروحوون \* گلي ابها لعيال اشلون  
يا هو اللي يظل عدها ومن الگوم يحماها

\*\*\*

لو رحتوا يبحر الجود بالكون اشيظل عدنه  
وخاف اخيول عدوانك عگبكم توصل الحدنه  
ماتحجي اويه اخوك حسين خلي اليثرب ايردنه  
اخاف الگوم تولينه \* وتسلب عز العلينه \* وبالذله تخلينه  
اشحال الحرم لو صارت يخويه ابوليت اعداها

\*\*\*

من يثرب طلعه اويك ونته اتچفلت بينه  
واليوم البخت مريود من عندك يواليينه

سوي الها الحرم چاره      لتروح وتخليه  
لو غارت عليه الكوم \* وين اروح يا جيدوم \* وياي العزيدك گوم  
تراني الخوف ماخذني      وگامت تهل عيناها

\*\*\*

لمن سمع حجي اخته      وشاف الدمع گام ايهل  
تغير ونخطف لونه      وينفخ گام مثل الصل  
يگله بلوجود انه      ودمع على الوجن يهل  
دمع يزيب لايهل \* وانه بلوجود وعدل \* يا هو الذي الحدج يصل

\*\*\*

يزيب بعد لتخافين      وانه السيف بيمينني  
باچر احملى على الجيش      وبعينج تشوفيني  
لاچن يا ضوه اعيوني      اريدنج تعذريني  
لو طحت فوگ المشرعه      يمي اچفوفي امگطه

وجسمي المواضي اتوزعه

\*\*\*

### وداع الحسين ﷺ لعائلته

هون يا سواد الليل      لتروح او تخليه  
بيك انريد نشبع شوف      يا ليل من اهاليه

\*\*\*

يا ليل النوايب طول      وارحم حال هالعيله  
تريد اتودع الوليان      بس اسواد هالليله  
حتى اتروح يم حسين      وامن الهظم تشچيله

زينب طبت على احسين تجري الدمع على الخدين

گالتله ينور العين

باچر من عگب عيناك المن وزمت بينه

\*\*\*

بين امي حرم واطفال ما تسمع بواچيها

ياهو اللي يظل عدها ومن اعداك يحميها

تدري الحرم ما تنهاب لو فگدت اهاليها

سوي الهاالحرم چاره \* بين الما يذل جاره \* تراني جيت محتاره

منكم هم يظل واحد من هالگوم يحمينه

\*\*\*

لمن سمع چچي اخته سالت دمعه العطشان

يگلها كل اهل بيتي تگضي ابحومة الميدان

بس ابني علي السجاد ييگه من المرض نحلان

الهاي الحرم واطفالي \* غيرچ ما يظل والي \* يزيب انتي ابدالي

شمل الحرم من بعدي اريدنچ تلمينه

\*\*\*

بيهن هلتن هله يزيب من يفگدني

الذل والضميم يعلاهن وايظلن يندبني

طريح ابخطة الحومه يزيب لا يشوفني

ما اقبل يجن يمي \* وانه امخضب ابدمي \* يزوداعلي الكلب همي

لو گامن علي يبچن واسمع ونت اسكينه

\*\*\*

اشبيدي على الحرم يختي لو گامت تون واتنوح

هذي كتبت الباري سجلها القلم با للوح



توليها العده اخلافي      وانه اعلى الارض مطروح  
عيني شاحبها عليها \* وشوف اعداي توليها \* اولا اگدر احاميها  
من جسمي العده يختي      كل مفصل امصوبينه

\*\*\*

عليهن تسجب ادموعي      من اعاينهن ابها الحاله  
ذليله او موجبه اگبالي      ومنها العين هماله  
يزينب من صبر مثلي      اعلى هضمه او ذلة اعيايه  
مثلي اعلى الهضم صيري \* اشمايسدي اوعلی يجري \* عدوي لو قطع نحري  
ونتي موجبه اگبالي      وابعينچ تشوفينه

\*\*\*

تگله ريتني عميه      ولا اشوفك يماي العين  
جسمك على الثره مرمي      واعليه دايره الصويين  
وشوف الشمر بعيوني      اويگطع منحرك يحسين  
وانته طريح اعلى الثره \* جثتك ابدما امغره \* ابيض المواضي اموذره

\*\*\*

يخويه اشلون اشوفنك      ابعيني اعلى الثره مطروح  
اوشيبك بالدمه امخضب      او من نحرك الدم ايفوح  
يخويه من عگب عيناك      هاي الحرم وين اتروح  
ياهو اليگف يحمي الحرم      العسكر عليهن لو هجم  
اوشبت النار ابها الخيم

\*\*\*

نېگه اخلافك ابيا حال      لمن نطل وحدنه  
او تدري ابها الخيم يحسين      اطفال او حرم عدنه  
بين امي او عگب عباس      ياهو اليثرب ايردنه

عنك خواتك لومشن \* يا هو ايتوزم بالظعن \* لمن نسدر للوطن  
لفينه ابذمتك يحسين والكربله اتعنيه

\*\*\*

### ليلة العاشرة من المحرم

لم اهل بيته حسين ونصاره ابدمع يتجاره  
يخطب عليها ويكشف اسراره ابدمع يتجاره

\*\*\*

لمها بالصيوان كلها وابته حسين ابخطبه  
حمد باري الكون اول وثنه على الهادي اوعترته  
عائنه ابعنه عليها وسالت اعلى الخد دمعته  
گالها والمدمع يصب يسباع يليوث الحرب  
همي انشحن منه الكلب والعمر يكرام عفته  
هاي الروايه اللي لفت ليسنه اودايره اعليه  
چتلي تریده وروحي محتاره ابدمع يتجاره

\*\*\*

ونتوا يصحابي اويگومي اويخوتي يهل الحميه  
اوياي على الخير اعتينتوا لا على احتوف المنيه  
امشو يهل الشيم عني وخلوا ضعني ابهل الثنيه  
ردوا الوطنكم يا هلي انه ييخوتي المبتلي  
الچتل دون اعويلي اوتظل بين اجموع اميه  
وادري عگب عيني يذلوها ولا يرحموها  
وعلى الهزل تمشي اويه العده ايساره ابدمع يتجاره

\*\*\*

ما عليكم حرج مني	حلت اعليكم البيعه
گوموا الوحو الخيل وامشوا	وضربوا ارض الله الوسيعه
ما امد ايدي وبائع	وبن مرجانه اطبعه
هيهات امد ايدي واذل	واصبح يسير الها النذل
وجدي النبي سيد الرسل	وامي الزهره الشفيعه
اخضع او الوي على الهظم جيدي	ولها امد ايدي
لا وحق ضلع امي اوبسماره	ابدمع يتجاره

\* \* \*

حين ما سمعوا عمامه	اوسمعوا انصاره الخطبته
گام بن ظاهر ابزومه	اوجرد الماضي ابيمينه
صاح وين انروح عنك	يمن للهادي سلوته
امشي او تظل ابها اليسر	شنهو يبو اليه العذر
لو شفت جدك بالحشر	او گال ليش حسين عفته
والموته وحده اويك يمچنه	اونحضه بالجنه
ولا نحمل الذل عگسك اوعاره	ابدمع يتجاره

\* \* \*

گام ابو فاضل انوبه	والغضب لوح ابعينه
صاح وين انروح عنك	واحنه على الموت اعتينيه
ونته تدري ابختي زينب	طلعتها امن المدينه
عنك دگلي اشلون امد	اوسالم لعد يثرب ارد
ولزينب ابيا عين اصد	من تگلي البخت وينه
لالا يخويه اشلون اخليها	وانه واليه
والخدر انه الضارب استاره	ابدمع يتجاره

\* \* \*

مسوچبه زينب وتسمع	حچي العباس اويه اخيه
-------------------	----------------------

وامنت يحسين بيه	ايگله انه اتچفلتها
هايين حامي الحميه	ابشاربك صاحت تراني
اتخليني بالذل واليسر	ما الك من عندي عذر
تصعب الذله عليه	تدري يبن فارس بدر
كون ارد وياك	يا خويه اجيت امن الوطن بحماك
ابدمع يتجاره	لتعوفني باليسر ومراره

\* \* \*

گام ينفخ نفخة الصل	من سمع زينب تحشمه
بن الفحل هيجه المشبل	جذب سيفه وهاج لخته
گسامت ابوجها تهلهل	حين ما شافت وليها
بسيمينك انه امسلمه	صاحت بين حامي الحمه

على الهظم ماني امعلمه

\* \* \*

ويهز بيمينه المذهب	اگبالها گام ايتچنه
اليوم لعيونچ يزيب	صاح لفني الجيش كله
يا هو للثايه ايتگرب	لا يهم الفزع گليچ
موچب على احدود الخيم	وانه يرف بيدي العلم
لدعيلچ العسكر خذم	خل تمن ابحالي الحرم

\* \* \*

لفني هاي الگوم كلها	اليوم لعيونچ يزيب
وجلب الكوفه اعلى اهلها	سربه لردمها اعلى سربه
خيمتچ ياهو اليصلها	بعد لتخافين يسختي
من عودچ الشخصچ ضخر	وانه يبت فارس بدر

لفنيلچ ابسيفي الكفر

\* \* \*

## في ليلة العاشر من محرم

زينب لمت النسوان

راحن كلهن ايودعن الوليان زينب لمت النسوان

\*\*\*

لاچن ابيا حال ليله	ليله راحت يم الاكبر
غدت والدمعه هميله	نارها امن الحزن تسعر
يبنني يا الاكبر الليله	هذا تالي اوداع منك
والگلب يتواگد جمر	تقله ومدامعها تدر
ولو وگع حملي تشيله	ردتك لعد شيبني ضخر

ما ادري الدهر خوان

لبسني اعلى فگدك ثوب الاحزان زينب لمت النسوان

\*\*\*

ورمله الجاسم تعنت	تنحب وتجذب الونه
ما تهنيث ابشبابك	والعرس ايست منه
يبنني يا عريس گبلک	چفه من دمه ايتحنه
لنحب على افراگك وون	وتجلبب ابثوب الحزن
انساک يوليدي تظن	لا تظن هاي المظنه

لا ولنزل القرآن

ما انساک يا شمعۃ الشبان زينب لمت النسوان

\*\*\*

وزينب اتعنت ابونه	وراحت الخيمة وليها
طبت وگعدت اگباله	والهضم بين عليها
ناداته يحسين عگبك	هالعيال اشلون بيها
لو رحتوا باچر للحرب	ومسيتوا نومه اعلى الترب

نېگه يېو اليمه غرب امن العده يا هو ايحميها  
لوجت خيل هلعدوان  
وشبت بالخيم يحسين نيران زينب لمت النسوان  
\* \* \*

وين ننطي الوجه عگبك لو لفت هـلگوم لينه  
وغارت وحرگت خيمنه وسلبت كلما عليه  
هم يظل منكم شريده يگف من عدها ايحمينه  
گالها ودموعه تهل ما يظل من عدنه عدل  
كلنه يزيب ننچتل بالمواضي امگطعينه  
بس واحد يظل وجعان  
ما يوعي الوصيه وجسمه نحلان زينب لمت النسوان  
\* \* \*

هذا امر الله يزيب جاري اعليه وعليها  
اشبيدي يختي اعلى الودايح من يحل الضيم بيها  
انتى يا زينب اخلافي اعلى النوايب صبريها  
من تهجم اعليها الكفر وسلبو من عدها اليزر  
يختي عليهن بالصبر  
\* \* \*

والله يا زينب او دن ميت الف مره المنيه  
ولا خواتي ايسلبوها ويمشن اخلافي سبيه  
هنه فوگ الهزل يمشن وانه اظل فوگ الوطيه  
ابگه رميه اعلى الثره وجثتي ابدماها امعفره  
وهيه تروح اميسره  
وفوگ راس الرمح اخوهه راسه اتشوفه  
\* \* \*

## في رثاء الطفل الرضيع

لمصاب الطفل يا عين      دمع خل يهل عبره  
ضامي وبين ادين حسين      صابو با السهم نحره

\*\*\*

من جفت ثدايه امه      وگام ايلوع بالصيوان  
زينب جابته لحسين      گالتله الطفل عطشان  
اعليه لعلگ يبو اليمه      وخذه الجيمة العدوان

بلچن من يشوفونه \* يحنون ويرحمونه \* بعد ميشوف بعيونه  
وخاف الطفل يبن امي      العطش يلحگ على عمره

\*\*\*

عاین لعد طفله حسين      شافه انخطفت الوانه  
وذاب امن العطش چبده      والحر يبس السانه  
شاله حسين وتعنه      لعد اجموع عدوانه

عن الحر يضلله \* ودمعه الحاله ايھله \* صد ذاك الجمع كله  
ويعاین لعند حسين      شنهو الشايله ابكره

\*\*\*

صاح وكلهم يسمعون      يا شيعة بني سفيان  
كتلتواكل هلي وگومي      اوسدتوهم التربان  
ما ظل غير عبدالله      اواحد بالخيم وجعان

يا گوم اشتطلبوني \* دعيتوني وخذلتوني \* ذبحتوا وهضمتوني  
وتدرون النبي اشوصه      بالقرآن والعتره

\*\*\*

انچان الکم طلب عندي      ومني اليوم تردونه

هذا الطفل شلکم دین      عنده وش تطلبونه  
ذاب امن العطش چیده      ومن عنده انخطف لونه  
ضامي من امس لليوم \* ما شافت اعيونه النوم \* ما يحمل عطش يا گوم  
رضيع ويابسه ارياکه      عن الماي شيصبره

\* \* \*

طلع حرمله امن الخيمه      وبیده سهم المکدر  
وين ايصیب عبدالله      گام عليه يتفکر  
عين بالسهم جیده      وطاح السهم بالمنحر  
سال امن النحر دمه \* وشيگ ويلى اعلى ابواليمه \* سدر بيه لخيمه  
لاچن تهل عبراته      وعليه يجذب الحسره

\* \* \*

صاح ابصوت يا زينب      تعاى اخذى الطفل منى  
يخويه اصواب عبدالله      هد حيلي ونحلني  
صابه حرمله ابنحره      ومن عنده گطع ظني  
يزينب لمن تشيليه \* ابهیده اوياه لتلچميه \* سهمه بالنحر خليه  
اريد ابساعة الموقف      اراويسه لمي الزهره

\* \* \*

طلعت زينب وصاحت      يعبدالله يبعد الروح  
يعمه يا ذنب جاني      ويردك حرمله مذبوح  
لحرم على اعيوني النوم      لمصابك وجيم النوح  
ابنحره گامت اتشمه \* وصارت للحرم لمه \* تعال وشوف حال امه  
لمن شافت اصوابه      فيض بالدمه صدره

\* \* \*

گامت على الوجه تلطم      وتناديه يوليدي



سهم الصوب اوريدك      ريته ايطيح بوريدي  
يا ورده التسليني      وخطفها البين من ايدي  
عليك البين حاتفني \* ومن ارباك خيبيني \* على الفرگه اشيصبرني  
ردتك عگب ابوك حسين      تجبرلي الغلب كسره

\*\*\*

### الحسين عليه السلام يستغيث فلا يغاث

لبـيـك لبـيـك \* يا رافع لوه الاسلام والدين \* هـايـحـسـين لبـيـك

\*\*\*

ابصوتك عطلت يحسين الفلاك      وگامت تبجي الملاك  
وحيد ودابيرين ابشخصك اعداك      يخويه وتشخب ادماك  
ما ظل من هلك بالكون وياك      عدل تنخا وينخاك  
كلهم نعـب بيهم طـاير البين      آيـحـسـين لبـيـك

\*\*\*

وحيد وتستغيث ابين هـالـگـوم      ولا ناصر يـمـظـلوم  
عمامك وخوتك گوضت هـالـيوم      وخـذها على الثره النوم  
ظلت بس حريمك تگع وتگوم      وبـصـيوانك اتـحـوم  
تصيح انتـه ويصـيـحن بالصواوين      هـا يـحـسـين لبـيـك

\*\*\*

يخويه الله يعينك يسـبـو السـجـاد      گـبـلتـك مالها عـداد  
عليك اهل الغدر لزموا المـوارد      وجـمر العطش وگاد  
فـعل بيـك الدهر يـحـسـين ما راد      لا اخـوه ولا لولـاد  
ضحايه اعلى الأرض من غير تجفين      آيـحـسـين لبـيـك

\*\*\*

يخويه الله وكبر دارت اعدا  
ما واحد يسل مرهفه ابيمناه  
ما ظل من عمامه وخوته اويا  
كلهم مسوا على الغبره مطاعين

\*\*\*

بيمن تستغيث وكلها عدوان  
وخوك اعلى النهر من غير ذرعان  
ما ظل بالمخيم غير نسوان  
المن بعد ترجمه وشايح العين

\*\*\*

گلي اشلون بينه اخلاف عيناك  
اخاف اعلى المخيم تهجم اعداك  
اخذه للذبح يحسين وياك  
يسين عگب عينك هلهخواتين

\*\*\*

يحيدر ما تطر الكبر وتگوم  
وتشوف اشلون بينك دارت الگوم  
بيك امخدراتك گامت اتلوم  
وتنادي يفارس بدر وحنين

\*\*\*

ما تنهض عجل يا حامي الجار  
وتشوف ابكربلا اعلى اشبولك اشصار  
خلصو بالمعاره ازغار وكبار  
بالحومه وحيد وماله امعين

\*\*\*

ويستلفت ابعينا  
اويوگف دون مبنا  
اليتوزم ويحما  
آيـحسين لبيـك

يبن امي يعطشان  
ومطرحه الشبان  
يبن امي ورضعان  
آيـحسين لبيـك

يمن روحي فداياك  
وتروع يتاماك  
ما نگدر الفرگاك  
آيـحسين لبيـك

وتحورب يسجيدوم  
من كل كتر وتحوم  
تريدك تصل هاليوم  
آيـحسين لبيـك

وتجرد البتار  
وتحورب يسمغوار  
وظل حسين محتار  
آيـحسين لبيـك

ساعه وعتناني المهر خالي	وظل يصهل گبالي
وفگد يا علي عزي ودلالي	وتسم من غير والي
يبويه ما تگوم اتشوف حالي	ظل الطنب خالي
وتمت يا علي لمت نساوين	آيـحسين لبـيك

\* \* \*

يبويه اشلون اشوف السرج مگلوب	وخوي ايطيح مصيوب
وتفزعله حرم وگلوبنه اتلوب	ومنه الدمع مسچوب
يبويه انتہ الذي بالظنك مندوب	وانته داحي البوب
ما تلفي البناتك يبو الحسين	آيـحسين لبـيك

\* \* \*

ما تنهض اطر الكبر	مالك امن ابنااتك عذر
ساعه اوخزو منها اليزر	وهجمت على اخيمها الكفر
وتجول من كتر الكتر	بالبيده يا فارس بدر
ويحكم على ابنااتك زجر	

\* \* \*

### ليلة الحادي عشر

زينب ناداته ام چلثوم	والعبرات تجريها
الليله الخيم والنسوان	من يوگف يحاميها

\* \* \*

من چلچل ظلام الليل	گامت لمت العيله
سالت عينها وصاحت	عليه اشيكضي هليله
والله حسين حيرني	بعياله ومداليله

ما ظلت زلم عدنه \* توگف تنظر ابحدنه \* يم چلثوم وحدنه  
ليلة شوم هليله مدري اشلون نغضيها

\*\*\*

اگفي ابيسرة الصيوان وانه اوگف على ايمينه  
لو شفتي ابسواد الليل واحد مجبل اعليه  
گليله يهل مجبل لا تگرب بعد لينه  
احنه ابناات حامي الجار \* جدنه المصطفى المختار \* فگدنه ارجالنه بنهار  
او ظلت بالخيم نسوان تتباچه اعلى اهاليها

\*\*\*

ظلت موجه اتعاين لنها من بعيد اتشوف  
سواده مجبله اعليها وخذهامن السواده الخوف  
گامت زينب اتنادي ومن عدها الكلب ملهوف  
يهذا المجبل اعليه \* لا تگرب بعد لينه \* اطفال وحرم ظلينه  
وبونه البضنك مندوب كل شده ايحضر بيها

\*\*\*

يزينب سمعته اينادي امني او بعد لتخافين  
اجيت انطرکم الليله وتفگد اطفال حسين  
عرفت صوته اوصاحت يا فارس بدر وحنين  
ما مريت بالحومه \* وشفتم احسينك وگومه \* ضحاياه وعلى الأرض نومه  
اوبنااتك ظلت اخلافه الذل والهظم عاليها

\*\*\*

عنه اشعوگك لساع وانه التحضر الشده  
ما تدري عليه اشصار من هاي الكفر وسده  
ذبخوا يا علي احسينك ولا خلوا طفل عنده

خلصت يا علي الشبان \* كلها ابخطة الميدان \* ضحايه امست على الترابان  
وخيل الغوم بالحومه تغاور گامت اعليها

\*\*\*

شحچيلك يداحي الباب واته ابكل خبر تدري  
بسم طاح اخوي حسين بالحومه انهتك سترى  
اته اللي چنت حارس ابصمصامك على خدرى  
يفارس بدر ذلونى \* عگب ولياي ضربونى \* تعال وعاین امتونى  
وشوف اصياط عدوانك اشسوت يا علي بيها

\*\*\*

شحچيلك يبو الحسين عگب حسين ونصاره  
عليه دعت الجيمه وجتنه اخيولها غاره  
سلبو كل براجعنه والمخيم دوة ناره  
من وجرت نار الخيم والعسكر عليهن هجم  
فرت امن الخوف الحرم

\*\*\*

راحن للمسنايه لبوفاض گمر هاشم  
لگنه امگطعه ازنوده ابشاطي العلگمي ونايم  
صاحن گوم لخواتك يراعي العلم والصارم  
ما ظل شريده الهل اليسر \* يحميها من اهل الغدر \* سلبوا من عدها اليزر

\*\*\*

### في ليلة الحادي عشر من محرم

يا فارس بدر وحنين گوم الكربلا ابهمه  
شوف ابناتك ابيا حال صارت عگب ابو اليمه

\*\*\*

زينب هلمسيه اتصيح وينه اللي علي ينفر  
يساخذ معصبي ويا ويتعنه الكبر حيدر  
يگله يا علي ابناك عليهن داير العسكر  
عدهن ما بگت وليان \* نومه اعلى الثره الشبان \* كلها ابحومة الميدان  
هذا امگطعه اچفوفه وذاك امعفر ابدمه

\*\*\*

بسك يسبو الحمله النوم گوم الكربله الليله  
شوف اشبولك ابيا حال وسمع حنت العيله  
رمله اتصيح يا جاسم وعلي الاكبر تون ليله  
وزينب ياوصي الهادي \* الليله اتجول بالوادي \* تلم الحرم وتنادي  
ما ظلت شيم يحسين عند الوادم وذمه

\*\*\*

گامت يبو الحمله اتجول وتسلم ابیتاماها  
من تتذكر الوليان تجري ادموع عيناها  
من گبرک يحيدر گوم هليله وتعناها  
شوف اشحالها ابها الليل \* من عدها الدموع اتسيل \* من تسمع صهيل الخيل  
تگوم اطفالها اتنادي لفته الخيل يا عمه

\*\*\*

من يثرب لعد بغداد رحت وغسلت سلمان  
اوگبره بيدك احفرته او واريته يعالي شان  
وحسينك ثلث تيام يبگه ابحومة الميدان  
جسمه اموزع اوغاري \* يحيدر چفنه الذاري \* گوم الجشته واري  
اوجسمه الرضته العدوان يا حامي الحمه لمه

\*\*\*

يضمك يا علي كبرك      وعينك هلمسيه اتنام  
وبناتك صارن ابخيره      وبسيهن دايره الظلام  
لا ظلت زلم عدها      ولا ظلت الليله اخيام  
بسم طاح ابو السجاد \* وحرگو كل مبانيها \* گوم النار طفيا  
بسم طاح ابو السجاد      حرگو يا علي اخيمه

\* \* \*

عليها الكوم من هجمت      وشبت بالخيم نيران  
طفله امن الطنب فرت      وگصدت حومة الميدان  
زينب حين فگدتها      گامت تنشد النسوان  
طلعت فارا ليها \* تدور گامت اعليها \* لگتها ابكر واليها  
لاچنها ابكر الخوف      تبجي ولا يذه يمه

\* \* \*

لزمت بيدها الطفله      ولعند الخيم ردتها  
گامت تفگد النسوان      لم الطفل فگدتها  
ردت للمعاره اردود      تمشي وتهل دمعته  
لگتها يم طفلها اتنوح \* شايته وهو مذبوح \* تگله ارضع يبعد الروح  
يبنی درن اديوسك      وكلسا تنص وتشمه

\* \* \*

صدت لعد جسم حسين      زينب گامت اتنادي  
بناتك مرمين گلبي      يا ريحانت الهادي  
عليه اظلم يخويه الليل      وانه افتر ابها الوادي  
بيهن تراني اتحيرت \* كلساعه الوحده افگدت \* المن يظلوم التفت

\* \* \*

ما تدري الحرم يحسين      من تفگد اهاليها

تگسج بالهظم والضم  
نريد لها الحرم وليان  
لوردنه نمشي اعلى الهزل  
يا طفله اباري او يا طفل

\*\*\*

### ليلة الحادي عشر

زينب هلمسيه اتجول  
ما تنهض يحامي الجار  
وتلم ابيتاماها  
لبناتك وتحماها

\*\*\*

طر گبرك يداحي الباب  
وعاين زينب ابيا حال  
رمله اتصيح يا جاسم  
وعاين يا وصي الهادي \* الرباب اتجول بالوادي \* تگوم وتگع وتنادي  
يوليدي يعبد الله  
وتجري ادموع عيناها

\*\*\*

گامت بالمعاره اتجول  
لنه اعلى الأرض مرمي  
صدت عيناها وشافت  
گامت تجذب الحسره \* وراحت شمته ابنحره \* تگله وتسحب العبره  
عامل يا ذنب يبني  
رگبتك يسفح ادماها

\*\*\*

يوليدي ينور العين  
فك عينك وعائي



حتى اتشوفني ابيا حال      من عگبك صرت يبني  
لفراگك ورم صدري      وئديي گام يوجعني  
ما ترضع ينور العين \* خيبيني ابرياك البين \* ردتك عگب ابوك حسين  
على الفرگه تسليني      ومك خاب رجواها

\* \* \*

طلعت زينب ادور      ابوادي كربلا عليها  
سواده من بعد شافت      وگصدت خايفه ليها  
گامت من بعد زينب      تنشدها وتحاچيها  
من سمعت ابونتها \* ذاك الوكت عسرفتھا \* اجت يمھا وشافتھا  
ابحضنها الطفل عبدالله      وتسجلب ثدياھا

\* \* \*

تگلھا اشعندچ اهل الليل      بالحومه دخبريني  
شالت راسھا اوصاحت      يزيب لا تلوميني  
شخص امچ تراوالي      وسمعھا تحاچيني  
ومن عدها الگلب ولھان \* تگلي اتني ابذرھ الصيوان \* وعبدالله على التربان  
وليھ اطلعت يا زينب      وعيني ايسيل مجراها

\* \* \*

گامت على الوجه تلطم      زينب حين سمعتها  
لزمت ايدها ابچفھا      ولعد الخيم ردتھا  
يسحيدر گوم لبناتك      وشوف اشلون محنتھا  
شحچيلك يوالدها \* ما ظلت زلم عدها \* انهض ووكف ابدها  
حتى اطفالك اتأمن      لو شافتك وياھا

\* \* \*

يضمك يا علي گبرك      وانته البلضنك مندوب

وبناتك ابهاذا الليل      ظلت بلخيام اتلوب  
انته الغسلت سلمان      ودفتته يداحي البوب  
وشبولك ابطف كربلا \* فوگ الوطيه امجدله \* وبدمها كلها امغسله

\* \* \*

يحيدر ليش ما تنهض      وشدت زينب اتحلها  
وتوصل كربلا الليله      ومچاتيلك تغسلها  
وتاخذ يا علي ابناك      واليثر ب توصلها  
لا تصبح ابوليت زجر \* اويأخذ بناتك باليسر \* يجلبها من كتر الكتر

\* \* \*

### ليلة بلا حام ولا كفيل

اشحال هليله اليتامه      عگب الحسين وعمامه

\* \* \*

لمت النسوان كلها      زينب او ناحت الذلها  
هاي تتذكر طفلها      وذيج تبجي اعلى النشامه

\* \* \*

زينب اتحيرت بيها      وفگدت طفله الويها  
طلعت ادور عليها      والگلب يلهب ضرامه

\* \* \*

شافت امن الغوم حارس      نادته والريج يابس  
ما شفت طفله يفارس      رضخت الحره الكلامه

\* \* \*

صاح يا زينب اظنها      بالمعاره اسمعت ونها  
اتعننت ادور ولنسها      يم الحسين اومناسه

\* \* \*

اتخاطبه ابونه شجيه  
الليل هل چلچل عليه  
يبو اسكينه اشلون بيه  
وگمت اخافن من ضلامه

\*\*\*

ابعدت عني اخيمي  
دنهض او وديني لمي  
وانه وحدي وزاد همي  
يسبن زراگ الرخاهه

\*\*\*

دنت زينب وسمعتها  
خافت وجشته اشبگتها  
ظنت العدوان اجتها  
وصرخت وحببت اجدامه

\*\*\*

اتصيح بويه الگوم اجوني  
خاف منك ياخذوني  
گوم ليه انخطف لوني  
وتدري ما بيهم شئامه

\*\*\*

زينب ابكثر الهضيمه  
آنه عمتچ يا يتيمه  
نادت ابدمه سچيمه  
گليچ ايخاف اشعلامه

\*\*\*

سمعت وشبگت عليها  
دارت اعلى الطفل اديها  
ولاذت امن الخوف بيها  
والدمع زاد انسجامه

\*\*\*

اشجايچ الصوب المعاره  
من لفته الخيل غاره  
اتگلها والمدمع تجاره  
وحرگت ابن امچ اخيامه

\*\*\*

اطلعت من عدهن ابهمه  
شفت ابوي وجيت يمه  
اوتهت بالبيده يعمه  
ظنتي بي رجوه سلامه

\*\*\*

الكيت جسمه امخذه مينه      وبالمواضي اموزعينه  
ايساره مگطوعه ويمينه      وخيلهم رضت اعظامه

\*\*\*

### ليلة الحادي عشر

زينب على التل اتصيح      وتـحشم بهاليها  
شبت بلخيام النار      ويسنه اللي يطفياها

\*\*\*

زينب موجه على التل      مذهبوله وتدير العين  
نوبه اعلى الصدر تلطم      ونوبه تخمش الخدين  
ماظلت زلم عدنه      وفزعوا على الخيم صوبين  
اخوتي اعلى الارض نومه \* ومنهم فرغت الحومه \* ظلت حرم مهضومه  
سلبو كل براجعها      ولا خلو حلي عليها

\*\*\*

صدت للمعاره اتصيح      لحد يخوتي لحد  
لينه الخيل اجت غاره      وتعدت يخوتي الحد  
كل الخيم حرگوها      وعزكم يا هلي اتفرهد  
وسلبو عز العلينه \* ومن الخوف فرينه \* يتامه وحرم ظلينه  
مدري اوجوهنا لاوين      عن هلگوم ننطياها

\*\*\*

ماخذنه الرهگ والخوف      نتراجف حرم ویتام  
لاخلو يزر عدنه      ولاخلت النار اخيام  
يفر الطفل من خوفه      وتدوسه ابخيلها الظلام

كفر عمدن يدوسوها \* يتامه ولا يرحموها \* والتشرد يضربوها  
بديها اتشاگف الضربه حتى اسودت ايديها

\*\*\*

يا تالي هلي يحسين گوم وشوفنه ابيا حال  
عگب الخدر ذلینه وتولت علينه انزال  
يبن امي لفانه الليل وحنه بس حرم وطفال  
ما ظلت خيم عدنه \* ولا حارس بگه ابحدنه \* هليله اشيهودنه  
خواتك من يجن الليل من يوگف يحاميها

\*\*\*

طلعنه ابشيمتك يحسين من يثرب وطن جدنه  
وجبتنه الكربلا وياك ونسته الحارس ابحدنه  
يبن امي عگب عيناك يا هو اليثرب ايردنه  
حريم وغرب ظلینه \* من عگبك يوالينه \* باچر لو مشوا بينه  
اعياالك بالدرب يحسين يا هو اللي يباريها

\*\*\*

ترضه شيمتك يحسين نمشي اويه الغرب يسره  
نگبع بالهضم ونروح حسره انجر بثر حسره  
على الشاطي يظل عباس ونسته اموسد الغبره  
جشتك تظل اعلى الثره \* ابيض المواضي امودره \* وبفيض دمها امعفره  
شگله اللي يناشدني وليانچ يزينب وين

\*\*\*

لا عباس يبرالچ ولا وياچ اشوف حسين  
اگله ابكربلا ظلوا ضحايه اعلى الثره امطاعين  
ما خلوا امن اهلي عدل وجابونه يسره اعلى الهزل  
چتفونه كل احنه ابجبل

اشلون امشي وعوفنك      طريح ابخطة الحومه  
 يمك كل اهل بيتك      ضحايه وعلي الأرض نومه  
 يبن امي يهون عليك      امشي ابيسر مهضومه  
 وعيالك اتروح ابيسر \* وتدور من كتر الكتر \* ماين عدوان وكفر  
 من هاي المصيبه الموت      يحسين اهون اعليها

\*\*\*

### يوم الحادي عشر

حيرني الدهر يحسين      وعليه ثكل همه  
 لا اقدر اعوفنه      ولا اقدر اظل يمه

\*\*\*

اشلون امشي وعوف حسين      جسمه اموسد الغبره  
 وبحر الشمس عاري      ودمه ايسيل من نحره  
 يا هو ايغسله اخلافي      ويا هو اينزله ابگبره  
 ويا هو ايوسده ابلحده \* ويشلع سهم البچده \* وخنصره الجفه ايرده  
 وجسمه العلى الثره امطشر      يا هو اليظل ويلمه  
 اشلون اقدر اظل ويا      وهاي النوك جابوها  
 يردون الحرم للشام      عكب الخدر يسبوها  
 يا هو اللي يباريها      لو رادو يمشوها  
 وهيه بس جمع نسوان \* عدهن ما بگت وليان \* بس واحد بگه وجعان  
 جسمه امن المرض بالي      ولا بي على الرجب همه

\*\*\*

اشلون امشي ويظل عباس      مرمي اعلى المسنايه  
 يمه امگطعه ازنوده      ويمه الجود والرايه

شگله اللي يگلي وين      حامي الضعن والثايه  
اگله اعلى النهر نايم \* يمه العلم والصارم \* ما يرضه گمر هاشم  
اروح اويه الغرب يسره      ويبگه اعلى النهر جسمه

\* \* \*

چفلني اوجابني ويا      اوعاهدني يرد وياي  
اشلون امشي ويظل عباس      مطروح اعلى نهر الماي  
ما والله عليه ايھون      امشي ابسر ويه اعداي  
شگله لو ينادينني \* يزيب ليش عفتيني \* تمشين او تخليني  
وانه امگطعه اچفوفي      وجسمي امخضب ابدمه

\* \* \*

اشلون ابگه وشوف الروس      شالوها العده اعلى ارماع  
واسمع للحرم حنه      وكبر لليتامه اصياح  
يا هو الي نزل ايرچبه      من عدهم طفل لو طاح  
وانه اتچفلت بيھم \* ارچبھم وباريھم \* اشلون ابگه واخليھم  
هاي اتصيح يبن امي      وذيچ اتصيح يا عمه

\* \* \*

اشلون امشي وخوي حسين      عيني اتشوف چتاله  
وشوف اعلى الرمح راسه      يسعاين ذلت اطفاله  
والله اتحيرت يا ناس      بالمظلوم وعياله  
لو اگدر اظل ويا \* وعوف الحرم ويه اعدا \* ولا اگدر على فرگا  
عساني الكربلا لاجيت      وتسحير يبو اليمه

\* \* \*

## في مسير السبايا

نادت ام الحزن زينب يوم نوو علرحيل  
هلتة هله يحادي اضعونه ابحال العليل

\*\*\*

هلتة هله يحادي ابهل العليل البليسر  
خالص امن المرض روحه اوكلبه يتواكد جمر  
طارف ابمسراك بينه اوريح لو صار الظهر  
ومن يجن الليل هون خاف من عثرة البيل

\*\*\*

ما تشوف اشلون حاله امن المرض بالي جسم  
او لا بگه اعلى الكور منه غير يا حادي الرسم  
عري النوگه اولاً موطيه ابحدج وشداد او حزم  
اونانگته عجفه او مظلعه امنين ما مالت يميل

\*\*\*

او لو سريت ابليل بينه خاف راحلته اتعثر  
اويگع فوگه الكاع منها اويسرع اعليه الكدر  
ما بگه الهاي الودائع ولطفال البسفر  
من اهاليها يحادي غيره والي اولاً چفيل

\*\*\*

غير مگصودك لعند الشام اتوصل هلضعون  
اوتطلع المخلوك ليها او على الحرم يتفرجون  
هون بمسراك هذا عليك مگصودك يهون  
لاچن اعليه يحادي اشيكضي هلدرب الطويل

\*\*\*



ريضلي وسري اعلى هونك بالله يا حادي الزمل  
او هل اليسير ارفج ورخي عن زنده الحبل  
هم شفت وجعان گبله ايرچبونہ اعللہزل  
اوبالحيال ايگيدونه اودمه من ساگه يسيل

\*\*\*

لا تحت الظعن هون عاد يا حادي الهجن  
اوراقب الباري اورسوله اهل العليل الممتحن  
شوف هاي الحرم كلها البضعن تبجي اوتون  
ابنات وحي الله اورسوله اوچبد حماي الدخيل

\*\*\*

رابيه ابعر الغوالب وبحمه الما ينوصف  
اوچانت اسيوف الهواشم للخدر سور اوسجف  
لاچن ازره الدهر بيها اوركبت اليوم العجف

وبالحيلى ويلي چتفوا ايديها  
وزجر سايجيها او شمر حاديها  
بالهظم گبعت عكب واليها

ولذليل اصبح ابعره والعزيز اصبح ذليل

\*\*\*

اشلون يا حادي الدهر خان بهل بيت العبه  
او عكب ذاك الخدر لنها اعلى الهزل ومسلبه  
هند وسميه ايكللها او بلگصور امحجبه

وانه على الناگه وچتفو امتوني  
اجذب الونه اوتهمل اعيوني  
من عكب خدري ايسر ردوني

اوسكنه للشامات تمشي وكثر من عدها العويل

من هوان الدهر لنها اويه الغرب تگطع البید  
او عگب نغل از یاد تمشی امیسه المجلس یزید  
ما تگله اهل الضحایه الی بگت فوگ الصعید  
یا هو یا حادی اجسومها ایلمها  
او یمسح التریبان عنهن اودمها  
او من یغسلها او من یظل یمها  
یا هو یدفنها یحادی عنها لو رده نشیل

\* \* \*

### فی مسیر السبایا

من هوان الدهر زینب تصبح ابذل الیسر  
او تمشی للشامات حسره والیباریها زجر

\* \* \*

بالله یا حادی الرچایب لا تحت نوگ الضعن  
خاف زینب والفواطم بالدرب یترو عن  
ابنات وحي الله ورسوله وبالخدر والعز رب  
طارف ابمسراك بیها وریح لو صار الظهر

\* \* \*

سامع ابزینب خدرها اشلون یا حادی الزمل  
یوم چانت بالمدينه اوچان والدها عدل  
من ترید اتزور جدها المصطفی سید الرسل  
ابلیل تتعنه الضریحه گبل میطر الفجر

\* \* \*

علیمین الحسن یمشی ولحسین اعلی الیسار  
وعودها جادم علیها وبیده مشهر ذوالفقار

وقبل ما توصل ضريحه يعتني حامي الجار  
نطفي ظي كل القناديل لعد بنت الظهر  
\* \* \*

خاف لن واحد يحادي نايم وعينه تشوف  
اخيال زينب من تزور علغير لمن تطوف  
هم تظن بالكون وحده امحبه ابرج الشفوف  
مثل زينب لا وبوها المرتضه فارس بدر  
\* \* \*

وحين للكوفه يحادي الضعن والدها اعتنه  
وعاصمه صارت الملكه وبيها عرش الصلطنه  
جاء زينب من وطنها ولها بالكوفه بنه  
خدر بالبيض المواضي التشع ورماح السمر  
\* \* \*

ولو لفه اعلى الكوفه وبه بشر كل كلب  
تگصد الاشراف كلها لعد چشاف الكرب  
تطلب الرخصه الحرما حتى يم زينب تطب  
يصيح لا هيهات وحده يم شخص زينب تمر  
\* \* \*

حيث يدري الحرم من تگعد ابخدر الحرم  
تروح تحجي الي تشوفه وبه ولياها اتعلم  
وهوه ما ترضه حميته اتخطر زينب بالوهم  
هلذي يمنع يحادي ويبدي للناس العذر  
\* \* \*

اسمعت يا حادي ابخدرها او شوف سطرات الدهر

مامضت ايام اله وزينب ابهذا الكدر

راجبه امن النوك هزله وبيها كل ساعه اتعثر

وبيها بالكوفه عداها اتطوف من كتر الكتر

\*\*\*

ريت ابوها اتشوف عينه حين للكوفه لفت

وطلعت النسوان ليها وبيها كلها اتشمتت

وحين صدت للشماته انكسر خاطرها وبجت

وغدت تتذكر خدرها ولگلب يلهب جمر

\*\*\*

بعد شحچيلك يحادي اوشوف عملات الزمان

فوگ هذا الهظم كله وهلمذله وهلهوان

راس اخوها احسين يمها ايلوح ابراس السنان

وتربي عينه اعلى الطعينه ويتلي بايات النصر

\*\*\*

هون المسره يحادي ورفج ابهاي اليسر

حرم مكسورت خواطر اليباريهن زجر

\*\*\*

### عتاب لبني هاشم

راحت لعد هاشم حرم وايتام      والهـا عين اتنام

ويه الاجانب غربت للشام      والهـا عين اتنام

\*\*\*

الله خص هاشم ابخمس      اشياء من دون البريه

والشجاعة والحمية	الابيه والجود والعز
حرم ودو هلي سبيه	ما سمع سامع الهاشم
واحدوده تتواكد جمر	على الخدر من يگدر يمر
تنظر احدود الثنيه	البيض ورماح السمر
أبأمر من عدها	حتى الهوه من يوصل الحدها
والها عين اتنام	يدري اعلى حفظ الحرم ما تنلام

\* \* \*

لنها فوق الهزل يسره	سطر چف الدهر سطره
اوتلفت يمنه اويسره	حايره ابذلها اوسترها
هظم ما ينجر كسره	يالعلي والله اعلى غالب
مهضومة مكسورة گلب	للشام عيلتهم تطب
عبره تسجب فوق عبره	وادموعها اعلى الخد تصب
اودارت اعليها	طلعت تدگ بدفوف اهاليها
والها عين اتنام	اوتفرج اعلى اضعونها الظلام

\* \* \*

ابديرة الشام امنهلها	شافت انواع الشماته
او ذاك متشمت ابذلها	هذا يشتمها اويسبها
اودمعتة اعلى الخد يهلها	والعليل ايدير عينه
اميسره اوبيديها الحبل	يعاين اعياله اعلى الهزل
ذله ما صارت مثلها	مچتوفه من طفله الطفل
تصبح ابها الحال	ماو الله چانت على المضن والبال
والها عين اتنام	ايعيفوها عباس او علي اوجسام

\* \* \*

اووگف متيدب اگباله	سهل اگبل للعليل
--------------------	-----------------

عگب ما گبل اجدامه	اوسالت اعيونه اعلى حاله
گام ابو الباقر يخبه	اومن جرح چيده اشتچاله
ناده والمدمع يسح	فدثوب عندك ما يصح
من الجامعه ابجيدي جرح	والحديد ابچفه شاله
ياريت اخوتي اتعاين الگيدي	اوطوق البجيدي
هيهات تصبر وبرگيتي اوسام	والها عين اتنام

\* \* \*

عگب ما بالشام كلها	دارت الظلام بيها
طبت اعلى يزيد لاچن	بالحبال امچتفيها
هبطت للگاع زينب	والهضم بين عليها
من شافها ايزيد ابتسم	اوگالها وانشبهها ابولم
چاوين شيال العلم	هالودايح ما يجيها
وزينب تسمعه اوظل فكرهاايچول	اتحيرت شتگول
حيف اعلى هاشم تصبر اوتنظام	والها عين اتنام

\* \* \*

عاينت ليزيد زينب	اونادته يبن الدعيه
چه شفتني ابغير والي	اتشمتت ييزيد بيه
لاچن اشبيدي اعلى گومي	واخوتي اسباع الثنيه
اوچانوا اليوث الحرب	ماچان ظلينه غرب
ولا لعد ديوانك نطب	اوبيه تتجسر عليه
وين الگه عباس اوعضيده احسين	والغوالب وين
يعتب عليها الرمح والصمصام	والها عين اتنام

\* \* \*

چان عند ايزيد شامي      جاعد اعلى التخت يمه

بيده اوماله اعلى طفله      روح لحسين ابو اليمه  
 گله اريدن هاليسيره      گصده ياخذها اوتخدمه  
 الحقيه الطفله من اسمعت      من الخوف تتراجف غدت  
 اولاذت ابعمتها اوبچت      اوگامت اتنادي يعمه  
 احنه الذي الاملاك خدمونه      اشلون يردونه  
 يا عمه نصبح للكفر خدام      والهها عين اتنام

\*\*\*

صدت الراس ابو اليمه      زينب اوگامت تنادي  
 خادمه يردون بتك      وانته ريحانة الهادي  
 گوم يا مظلوم لينه      اوفكنه من يسر الاعادي  
 جلبونه من كتر الكتر      يحسين بالذل واليسر  
 واحنه يخويه ابلا يزر

\*\*\*

لا تـخلونه يـخوتي      ابهاهضيمه او هالمذله  
 زجر يتحكم عليه      واليـبارينه خوله  
 ولو نشدنه الخصم عنكم      يـبو السـجاد اشنگله  
 كلهم ضحايه ابكربلا      ابيض المواضي امفصله  
 لحد بين عقد الوله

والله ياخويه هـضيـمه      نـظـل من عـگـبك يـساره

\*\*\*

## رجوع السبايا من الشام

زينب تنادي صاحب الرايه      جيت شچايه  
عرج يحادي اعلى المسنايه      جيت شچايه

\*\*\*

ردت امن اليسر زينب      شابچه العشره وتنادي  
سانف ابنوگ الضعينه      ولطفوف اگصد يحادي  
ارد ارواح احجي الجفيلي      بالهضمي وعلي سادي  
واحچيله اشسوه الدهر      من طاح علي الجالي وذر  
خليته مرمي اعلى النهر      ورحت يسره اويه الاعادي  
انه يحادي اربعين نهار      ابوليت الكفار  
وندور من اولايه لولايه      جيت شچايه

\*\*\*

ارواحنه خلصت يحادي      امن الهظم ومن المذله  
اوورمت امتون اليتامه      من ضرب زجر اوخوله  
ما يخلونه اعلى اهنه      انسوح والمدمع نهله  
لوراد واحد ينتحب      بالصوط راسه ينضرب  
ونريد على الوالي انعتب      ووصل الكبره وگله  
عگبك يخويه اعداك ضربوني      اوورمت امتوني  
وخصمك هضمي اخلافك اهوايه      وجيت شچايه

\*\*\*

من سمعها انكسر گلبه      وزيد الزينب ونينه  
وصاح طوع امرچ يزينب      وخذ على اليسره الضعينه  
حتى يطب للغاضريه      والگبر لوح العينه



ناده يبت عقد الوله      ومنه المدامع هامله  
هذي يزنب كربلا      وعلى الكبر اومه ابيمينه  
لطمت وجهها وعلى الارض طاحت      زينب وصاحت  
الكبرك يحامي الضعن والثايه      جيت شجايه

\*\*\*

يعباس اگعد يخويه      وعاین ابعينك الحالي  
چنت بالشامات يسره      من عگب عزى ودلالي  
استر ابيميناي وجهي      وشگف الصوط ابشمالي  
لحد يسبع الگنطره      ما تدري ابحالي اشجره  
للشام ارواح اميسره      هاي ما چانت ابالي

\*\*\*

### رجوع السبايا

زينب ردت امن الشام      تنشد عن اهاليها  
تشجي اتريد للوليان      ظيم الي سده عليها

\*\*\*

صاحت يا علي السجاد      وتهل الدمع عبره  
يبنى جسم ابوك حسين      گلي ابيا كتر گبره  
ارد اگعد وسولفله      ابكل الي سده وجره

واسچب دمة اعيوني \* وراوي للولي امتوني \* عنه ابيوم مشوني  
وخبره ابناگتي الهزله      ويا هو الي يباريها

\*\*\*

دلاها اعلى گبر حسين      لاچن على الكبر طاحت  
گامت على الوجه تلطم      وسالت عينها وصاحت

خواتك من عكب عيناك      يبن امي ابيسر راحت  
ردت ليك تشچيلك \* وتتصارخ مد اليلك \* يبو السجاد شچيلك  
يوم الوصلوها الشام      والوادم لفت ليلها

\*\*\*

لگينه الناس ملتمة      زلم يحسين ونساوين  
تدك بدفوف يبن امي      وكلها ابچتلك امعيدين  
من شافوا ضعنه اگبل      دارو على الضعن صوبين  
تعاين گامت عليه \* وكلها اتشمتت بينه \* سجادك امگيدينه  
وطفالک يبو السجاد      على الهزل امچتفيها

\*\*\*

ظلينه ثلث ساعات      والوادم عليه صفوف  
كلها امعيده ابچتلك      يحسين وتدك بدفوف  
وطفالک على الهزل تبجي      وترجف امن الخوف  
وبناتک يبو اليمه \* عليها الناس ملتمة \* هاي اتصيح يا عمه  
وذيج اتعاين اعلى الناس      وتسدور اليحاميه

\*\*\*

ذل الصابنه بالشام      مثله ما سده ولا صار  
فوگ الهزل بين الناس      تتصارخ ازغار اکبار  
احسنه المصطفى جدنه      وبونه الي يحامي الجار  
على الهزله يرچبونه \* وسبي الکفر يسبونه \* خوارج من يسمونه  
روحي اتشوغ يبن امي      وود الموت يلفيها

\*\*\*

يعمه الحرم من نظام      تشچي الهظم للوليان  
وتسخبرها بمصايبها      وهيه اموسده التربان

ما تسمع يماي العين      يمك حنت النسوان  
تريد اگبور ولياها \*      يمها اتزيد ابچاها \*      وتسولف هظم ممشاها  
اشحال الترد مهظومه      وتسبجي لعد واليها

\* \* \*

شحچيلك بعد يحسين      ودري بالشرح يكثر  
چبدي امن الهظيمه ذاب      يا مظلوم وتسفطر  
يخويه اليوم من الشام      لحماك الضعن سدر  
انهض بين حامي الضعن      ليك الفواطم عودن  
ومن الهظم يتصارخن      يردن يردن للوطن

\* \* \*

ما تنهض يبو السجاد      وتردنه الوطن جدنه  
ما نمشي لعد طيبه      وليها نطب وحدنه  
قلي اشتعتذر يحسين      لليلفي ويسناشدنه  
وين الهواشم گوضت      ولچن ابهل الذله رضت  
ويام هييتچن مضت      ولحرم تتصارخ لفت  
قلي اشتعتذر يحسين      من عدها وتحاچيها

\* \* \*

### في مسير السبايا

زينب لفت يا عباس      ما تنهض تلقاها  
وشوف اشحاليها الفرگاك      وتفتقد أيتاماها

\* \* \*

زينب لفت ليك اليوم      يسا عباس شچايه  
تنادي من يدليني اعلى راعى السيف والرايه

يَعْمَهُ يَا عَلِي السَّجَادَ أَخَذَنِي لِلْمَسْنَايَةِ  
أَرِيدُنَ لِلْوَلِيِّ اتَّعَنَهُ \* وَنَصَبَ عَلَى الْقَبْرِ حَنَهُ \* وَخَبَرَهُ أَبِيَا بَلَدَ چَنَهُ  
وَحِجِيلَهُ أَعْلَى أَهَالِي الشَّامِ يَبْنِي وَهَضْمَ بِلَوَاهَا

\*\*\*

يَسُومُ إِلَى وَصْلَتِهِ الشَّامَ رِيَّتَهُ إِشُوفَنَهُ أَبْعَيْنَهُ  
مَنْ طَلَعَتْ أَهَالِيهَا أَوْغَدَتْ تَتَفَرَّجُ أَعْلَيْنَهُ  
وَحَنَهُ أَتَهْلُ مَدَامَعَنَهُ وَعَلَى الْهَزْلِ امْجْتَفَيْنَهُ  
وَالْتَمَتْ أَعْلَيْنَهُ النَّاسَ \* وَحَنَهُ امْهَبُطِينَ الرَّاسَ \* رِيَّتَهُ إِشُوفَهَا الْعَبَّاسَ  
لَمَنْ يَبْجُنُ أَخَوَاتَهُ وَهِيَ تَضْحَكُ عَلَى أَبْجَاهَا

\*\*\*

لَحْدَ يَا كَمْرَ عَدْنَانَ چَه تَرْضَهُ لِهَذَا الْحَدِّ  
شَفَتِ الْمَوْتَ بَعْيُونِي وَمَنْ الْمَوْتُ وَاللَّهُ أَزِيدَ  
أَطْبَ إِزِيدَ دِيوَانَهُ وَعَلَيْهِ إِيقُومُ يَتَنَشَّدُ  
يَقْلِي وَتَهْلُ مَنِي الْعَيْنَ \* يَزِينُ شَسْبَبَ تَبْجِينِ \* أَخُوجَ حُسَيْنَ عَنُجَ وَينَ  
أَوِينَ اللَّيْثَ أَبُو فَاضِلَ عَزَّ هَاشِمَ وَعَلِيَّاهَا

\*\*\*

يَزِينُ مَا تَحَاجِينَهُ أَشْجَابِجَ لَعْدَ هَلْدِيوَانَ  
چَاوِينَ أَخَوَتِجَ عَنُجَ وَبُوفَاضِلَ قَمْرَ عَدْنَانَ  
قَلَّتْ لَهُ أَبْكَرُ بَلَا تَمَتَّ ضَحَايَهُ أَمُوسَدَهُ التَّرْبَانَ  
وَجِينَهُ الْمَجْلِسُكَ يَسْرَهُ \* حَسْرَهُ نَجْرَ بَثْرَ حَسْرَهُ \* تَجْرِي أَدْمُوعُهُ عَبْرَهُ  
وَهَايَ الْحَرَمِ تَتَبَاجُحُ يَبْنُ هَنْدَ أَعْلَى وَلِيَّاهَا

\*\*\*

يَخُويُهُ مَنْ سَمِعَ حَچِّي مَنِي قَامَ يَتَشَافَهُ  
رَاسَ حُسَيْنَ بَيْنَ أَيْدِهِ وَيَهْتَفُ فَرَحَ بِسَلَافِهِ

شال العود بيمينه      وقام ايوسم اشفافه  
گلتله وتهل مني العين \* ريض يا يزيد الحين \* لا تضرب ثنايه حسين  
هذا مهجة الزهره      وسلوان النبي طاها

\* \* \*

ريسته ايشوفنه الهادي      بين هند اعلى هلحاله  
تضرب راس ابواليمه      وليه تتفكر اطفاله  
وانته اعلى التخت جاعد      ويمك موجه اعياله  
وسفه والوسف شيفيد \* صار الثار يومه ابعيد \* لابد يوم الك ييزيد  
توقف بالحشر ويا      ويحكم باري اسماها

\* \* \*

شحيك يبو فاضل ابهظم الى سده عليه  
شرح ايطول يالوالى      وليك اليوم ردينه  
انهض يا گمر هاشم      لعند الوطن ودينه  
انهض او وديني الهلى      وباري ابيمينك محملي  
هيهات اروح ابلاولى      ودمعى على اخدودي يهلى

\* \* \*

ما اسدر لعد طيبه      حرمة فاجده الوليان  
وشوف اهل الشماته هناك يا عباس والعدوان  
شقولن لليناشدنى      عنك يا قمر عدنان  
شنهو العذر يابو الفضل      من تقطع احبال الوصل  
يا من لعد اختك عگل      عقبك ذليله اشلون اظل  
ويثرب چيف اطب ليها      ودارك موحشه القاها

\* \* \*

## في مسير السبايا

(صفريه)

هاتف عللغاضريه اوريح يا حادي الضعن  
حتى اساييل عنه چفيلي ايبا كتر جسمه اندفن

\* \* \*

قامت اتساييل الحادي اوگام مدمعها يصب  
لو ردت للطف تسير امنين يا حادي الدرب  
كلها ناخذ على اليسار اونادته ابلهفت گلب  
القبر ابوفاضل اهنا يحادينه من حضر قبره يحادي  
بالظعن عرج ليه ودينه وغسله ولفه ابچفن  
انريد يا حادي اتشوف والينه

من حفر قبره يحادي وغسله اولفه ابچفن

\* \* \*

من سمع زينب الحادي قامت ادموع تسيل  
اوقلها طوع امرچ يزينب بيت حماي الدخيل  
صار جدام المحامل وخذ على اليسره الدليل  
للحرم من لاح قبر ابو فاضل  
ناده ابعبره والدمع ساييل  
قوم وتلقه هاي المحامل  
اوشوف حال الفاطميه باليسر لمن مشن

\* \* \*

صاح البشاره يزينب هاي اراضي كربله  
اوذاكه اظن جابر يزينب والسواد والنوح اله

قامت ام الحزن يا هو آلى تشوفه اتسايله

وين ابو فاضل منحفر قبره

رايده اتعناه وسجب العبره

مادره ابحالي اولحد مخبره

ارد اقله امتوني سود من الصياط اتفرگسن

\* \* \*

من سمع زينب السجاد غده دمه ايهمي

اوصاح ابو فاضل يعمه قبره يم العلگمی

على الارض ذبت نفسها او غدت تصدى اعللومي

نادته ابونه والدمع ساجم

امن اليسر جينه يا گمر هاشم

دگعد الزينب لا تظل نايم

ماني اطلعت ابحميتك من طلعه من الوطن

\* \* \*

گعدت اعلى الكبر لا چن تحثي بتراب الكبر

اوگامت اتسولف لخواها اشصابها ابذل اليسر

نادته للشام رحنه واليبارينه زجر

والشمر صوطه ورم امتوني

او منه اون وبچي او تدمع اعيوني

بين ابويه اعداي ما يرحموني

اتگول چن احنه ايامه اوجالبينه للثمن

\* \* \*

و حين لرض الشام اجينه اوراح ليزيد البريد

امر ايزينون شامه اوصار ذاك اليوم عيد

حتى من طبت يخويه اعيالك المجلس ايزيد

عاينت ليزيد على التخت فرحان

اوبيده راس احسين اية الرحمان

يضرب اشفافه ابعود الخيزران

اويهتف ابثارات گومه الي يعبدون الوثن

\*\*\*

بعد شحچيلك يعباس وسولفلك بعد

خاف من تسمع يخويه الچبد منك يسمرد

ليك اجينه اليوم ونريد لعد طيبه نرد

انهض اولختك يحر باريا

للوطن عتبك من يوديا

طلعتي وياك هاي تاليا

ارد وحدي للمدينه اومنك ايخيب المضن

\*\*\*

يا اهل يثرب لا مقام لكم بها

زينب طبت اليثرب وگامت تجذب الونه

يمحمد يخويه اتصيح گلي اشعوگك عنه

\*\*\*

لمن گام بن حذلم ينعه ابچتل ابو اليمه

معصب زينب ابچفه وگاصد للنبي ابهمه

هرعت كل اهل يثرب وصارت يم بشر لمه

گالوله يناعي حسين \* هون بالمسير الحين \* گللنه الحرم چاوين

اوياهو اللي بگه اوياهن اوياهو الراح گللنه

\*\*\*



گاللم علی السجاد      ظل اویہ الحرم وحده  
 لیکم گصد بضعونہ      وخیم خارج البلدہ  
 ما یگذر یطب للدار      ویعاین وطن جدہ  
 الودایع خایف علیہا \* تموت ابدون اہالیہا \* امحمد لو طلع لیہا  
 یگولن ظل ولی عدنہ      بلچن من یشوفنہ

\*\*\*

ہرعت کل اہل طیہ      تتصارخ علی المفکود  
 ومحمد طلع خیال      وبروحہ العزیزہ ایجود  
 لمن عاین الرايات      یم الخیم تسفج سود  
 من مہرہ وگع للکاع \* ما یلحک علیہ اوداع \* صاحبو یلعلیل ابساع  
 ادرك عمک امحمد      ولاظن بگت بی ظنہ

\*\*\*

اگیل لیہ علی السجاد      مہظوم وگعد یمہ  
 گامت تسچب ادموعہ      وتجارہ اعلیٰ خد عمہ  
 فک عینہ ونشد منہ      وین حسین ابو الیمہ  
 سولفلی یمای العین \* عن عمک وبوک حسین \* زینب ما تگلی وین  
 ونت زینب وصاحت      وصارت للحرم حنہ

\*\*\*

لیش الکربلا ما جیت      ونثہ البضنک مضخور  
 ما تدری علینہ اشصار      یوم العاشر ابعاشور  
 گامت تزحف الرايات      وعلینہ یخویہ ادور  
 دارت علی الخیم صوبین \* دورات الجفن علی العین \* تدری بخوتک عیین  
 ما تحمل ہظم والموت      ابدن ما تذل منہ

\*\*\*

گامت على الجموع اتصول      صولت عودك الكرار  
 خلت كل هذاك الجيش      يـمـحـد ابـغـير افكار  
 لاچن غدت بالحومه      تتصاگط ازغار اكبار  
 لمن فرغت الحومه \* ومست على الارض نومه \* ومن الماي محرومه  
 حتى الطفل عبدالله      اسهام الكوم فطمنه

\*\*\*

يـمـحـد وـخـوك وـحـيد      ظل ابين عدوانه  
 يتلفت يسار ايمن      ما ياجد العوانه  
 لمن وگع بالحومه      والعسكر تولانه  
 وجو بالخيم نيران \* وسلبو ما على النسوان \* هرعنه الحومة الميدان  
 لگينه حسين على الغبره      وشييه ابدمه امحنه

\*\*\*

شـحـچـيلـك يـبـو جـاسـم      وششچي اگبالك احوالي  
 من كثر الهظم والضميم      والله الموت اشوالي  
 انه اختك اللي ما چان      واحد يصد لخيالي  
 امشى يسير اعلى الهزل      يـمـحـمـد ابـمـتـني الحبل  
 دمعي اعلى ولياني يهمل

\*\*\*

( اوما سمعة بمحنة السجادي )

سجادك يحامي الجار      عگب حسين ونصاره  
 مثلك ظل جليس الدار      ليله ينوح ونهاره

\*\*\*

يحيدر حزن سجادك      مثله ما سده ولا صار

رد امن اليسر مهظوم      لاچن ظل جليس الدار  
 عينه ما تشوف الماي      اله وتهل عينه اعبار  
 يذكر عطش چبد حسين \*      من ظل بين الميادين \* ييجي ويهل دمع العين  
 يگول اشرب وبوي      حسين نايم رغد فجاره

\* \* \*

گامت تگصد الشيعة      لعند الدار وتگله  
 يا تالي سلف هاشم      ابروحك هلتن هله  
 انته رحمة الباري      ولوجود الخلگ عليه  
 بطل ونك ونوحك \*      ساعه اوزادت جروحك \* لاتبجي وتغث روحك  
 صار الچتل عاده الكم      ونته اتعلم بسراره

\* \* \*

من يسمع حجي الوادم      دمه يهل على اخدوده  
 يگلله النبي يعكوب      واحد چان مفگوده  
 وولده احدعش عنده      ويعلم چان بوجوده  
 شاب الراس من عنده      ودمعه ايهل على خده  
 وظهره اتگوس الفکده

وكل يوم اليمر جبريل      يستعناه بخباره

\* \* \*

وانه اسبوطعش مهيوب      غير الواحد وسبعين  
 وغير الطفل عبدالله      اخوي وغير ابوي حسين  
 شفتهم على الأرض نومه      ابذاك الحر بلا تحفين  
 يهل الوادم تلوموني \*      لمن ينخطف لوني \* شفت عباس بعيوني  
 گطعو يمتته العندوان      فوگ النهر ويساره

\* \* \*

والله ما تصد عيني      يهل الوادم العماتي  
 اله اذكر مصيبتهم      وذكر لوعة اخواتي  
 عكب ذاك الهظم والظيم      شلي بعد بحياتي  
 اروحن باليسر ونگاد \* وطب المجلس بن زياد \* يگلي يا على السجاد  
 ابوك حسين چاوينه      وجيتو المجلسي ايساره

\*\*\*

يهل الوادم وبعد اعظم      مصيه المرت عليه  
 حين الي وصلنه الشام      وعلي ايزيد طبينه  
 شفت الطشت جدامه      وشفت العود بيمينه  
 يضرب راس ابوي حسين      ومنه ايگول اخذت الدين

وانه اتشوف مني العين

وعماتي يشوفنه      ودمعهن تسجب عباره

\*\*\*

وگفنه ثلث ساعات      وحنه ابجل مچتوفين  
 لاچن مطرب اوفرهان      وعلينه يدير العين  
 عاين للرباب وصاح      وين حسين عنچ وين  
 وين حسين چاوينه \* ويشوفچ لفيتينه \* انتي وبستچ سكينه  
 وگام ايشتم الكرار      جدي الما يذل جاره

\*\*\*

ظل من عكب ابوه حسين      يا حامي الحمه مده  
 ليل نهار ما يهجع      ودمعه ايهل على خده  
 لمن سمعته العدوان      والسسم مرده الچبده  
 ظل اينوح محرابه \* اشحال ابنه على مصابه \* لمن جرده اثياه  
 وشاف الجامعه والگيد      دمهن گام يتجاره

\*\*\*

گام الباقر اينادي      اويلي عليك يا مظلوم  
 فوگ الحزن ومصابك      يظل جرحك هذا اليوم  
 يخويه من مثل شخصك      بگه طول العمر مهضوم  
 ويلا يعملت كربلا \* البيها الحيود امچتله \* وذلت بني عمر العله  
 وبعودي بگت لليوم      ذاك الهظم أثاره

\*\*\*

يا صاحب العصر ( عجل الله فرجه ) ادركنا فليس لنا  
 انهض يمن للشار طلابه      ابچبدك اصوابه  
 هظم العليل ولوعة امصابه      ابچبدك اصوابه

\*\*\*

سيدي يبن الوديعة      ايا جبل انتة اويه وادي  
 ايصير ما تسمع الناعي      اليصرخ وبسمك اينادي  
 ليتمه غوجك تلوحه      وتسل سيفك على الاعادي  
 وبيدك ترف راية بدر      وتصول بيها اعلى الكفر  
 وتحرب يصلطان العصر      على الغصب بضعة الهادي  
 وعلى اللي ظلمها اوغصب نحلتها      وجره دمعته  
 وعلى اللي طبر جدك ابمحرابه      ابچبدك اصوابه

\*\*\*

يا مصيبه عليك هيئه      وما يهل دمعك عليها  
 امصيبة حسين وعمامه      امست كلها امذبحيها  
 يوهظم زينب وسكنه      العلى النوگ اميسريها  
 باليسر يا لغالب مشن      فوگ الهزل يتصارخن  
 من عگب حماي الضعن      زجر للنوگ يحديها

يسر الحرم يبن الحسن للشام      وبحكم ظلام  
من عكب چتل حسين وصحابه      ابچبدك اصوابه

\*\*\*

سيدي احچيلك مصيبه      على المصايب رعت كلها  
حين لرض الشام طبت      وگيلت فرحانه اهلها  
والعليل امگيدينه      ودمعته اعلى الخد يهلها  
من عاين الوادم لفت      وعله اليساره اتفرجت  
ولشامت ابحاله اشتمت      روحه رابت من وجلها  
للموت جدك گام يتمنه      ويجذب الونه  
يعتب على اهله او ادري بعتابه      ابچبدك اصوابه

\*\*\*

رد لعد يثرب وگامت      تگصد الناس وتنشده  
يا مصيبه اعليك اصعب      يا لعليل وبيها شده  
يذكر الشام ودمعته      اتگوم تتجاره اعلى خده  
ايجاوبها والمدمع يصب      الشام اعظم كل خطب  
بيها اعلى عماتي الغرب      جسر چم طاغي وتعهده  
طول العمر يا لغايب امن الشام      يشچي يا ضرغام  
وهظم اليسولف بيه لصحابه      ابچبدك اصوابه

\*\*\*

ظل على هلحال مده      ومن تشوف الماي عينه  
يذكر المذبوح ظامي      ويصفج ايساره ابيمينه  
يگول اضوگ الماي انه      وروه من بارد معينه  
وحسين من عنده انحرم      ومن الضمه چبده انجسم  
والطفل عطشان انفطم      ابسهم چبده امطوگينه

يبجي يغايب يظل ليل انهار      والدموع اعبار  
وجيده الذي ابرگبته النشابه      ابجبدك اصوابه

\*\*\*

ومن تشوف الحرم عينه      ايزود بين الحسن همه  
يذكر اللي جره عليهن      من عكب چتل ابو اليمه  
حتى يالغايب عدوه      ابمثل هذا اليوم سمه  
خلصت امن السم چبدته      فوگ الهظم ومصيبته  
زادت الباقر ونسته      حين شاف انساب دمه  
من شاف جرح الكيد بمتونه      هلن اعويونه  
على المغتسل من جرده اثياه      ابجبدك اصوابه

\*\*\*

في رثاء موسى بن جعفر عليه السلام

اصبح الناعي اعلكبرگ يون يا حامي الطريد  
گوم لبنك شوف چبده اتگطع ابسم الرشيد

\*\*\*

اصبح الناعي يحيدر شابح العشره اويون  
اوعلی الكبر يفتري ولاچن دمه يجري اعله الوجن  
گوم شوف ابنك ينادي اليوم گوض بسجن  
يا علي اوگلبه تفطر      اه من السم تسوذر  
اشمرد اسولفلك فلا اگدر  
تم ثلث تيام ميت بالسجن لاچن وحيد

\*\*\*

ولمصاب الامر وصعب وشديا حامي الدخيل  
احضر السندي الوادم بلچن يا حيدر ابليل  
ايگلهم اتعرفون موسى اوگام مدمعهم يسيل  
جاوبو كلنه نعرفه اشلون موسى اعلينه يخفه  
اوباب للحاجات چفه  
جا بهم للسجن لاچن ما يعرفونه اشيريد

\*\*\*

طلع المفتح بيده اوگف والوادم اوياه  
اوفتح باب السجن بيده اوطب اهو اوطبو وراه  
شافو اعجبيله واحد نايم امغظه اعباه  
چشف وجها اولى تفكر لنه امن المرض مصفر  
عاينو موسى بن جعفر  
عاينو لنه الكاظم نحبه گاڤي اوفجيد

\*\*\*

ايگلهم اتشوفوه مابي طبره يو طعنت رمح  
شهدوا ومهرو او طلوعوا لاچن المدمع يسح  
حتى يا كرار لمن چشف عامود الصبح  
جايله احما ميل اربعه او طلوعوه اشلون طلعه  
حاله من يگدر يسمعه  
شالته احما ميل اربعه لاچن ابرجله الحديد

\*\*\*

علجسر خلوه فرجه لليروح اولليرد  
ولمناڤي اعليه اينادي ولنده ايزوب الچيد  
مر طبيب البلد شافه اوگام ينشد ولنشد



ماله هلميت عشيره ابيا بلد غايب نصيره

ما بكم يسلام غيره

ما بكم طالب الدمه اولاه گرايه اولاه عضيده

\*\*\*

لاچن امصاب اليهون بخطب يا عود الحسن

حين اجه اسليمان شاله اوغسله اولفه ابچفن

ما مست ذیچ المسيه اله النعش ندفن

لاچن الوسفه اوھضيمه

على الذي سلبو حریمه

اوراسه ودوه الخصيمه

اوجشته اعللارض تمت مثل الحسين الشهيد

\*\*\*

طلعت امن الطنب زينب صاحت ابون وبنحيب

ما بكم مسلم الكوم يوارى هل الغريب

من سمع بن سعد ناده دونكم جسم السليب

ركبت امن الخيل عشره

اوگامت اتجول اعلسدره

حتى طحنت خرز ظهره

تمت اعضامه رميه اوراسه ودوه اليزيد

\*\*\*

لاچن الهضمه امصيبة العطشان

تم ثلث تيام مرمي على التربان

او على الرمح راسه شالته العدوان

اوجشته تمت ضريبه اموزعه ابجر الصعيد

\*\*\*

ركبت من الخيل يا علي عشره  
او غدت يا ويلي اتجول اعلصدره  
طحنت اضلوعه او هشمت ظهره  
او تمت اعظامه مرميه اوراسه وده اليزيد

\*\*\*

لون ما ينغضب حگك يمن للهادي عضيد  
ما على باب الحوايج جسر هارون الرشيد

\*\*\*

في رثاء موسى بن جعفر عليه السلام

طري الضريح وگوم	لبنك يا علي ابهمه
مات بسجن هارون	والسم مرد چيده

\*\*\*

يا علي ايعوگ ضريحك	يومن الناعي اتعذر
ونته دومك للاجانب	ساعة الشدات تحضر
ليش ما تنهض ابهمه	وتقصد الموصى بن جعفر
شوف اشعمل هارون	ببنك سابع اليمه
قضه العمر مسجون	من شدة الشدة

\*\*\*

سيدي امصية الكاظم	ما سدت والله اعلى مسلم
جابه خصمه من المدينه	صابر وعلى الغيظ مكظم
حته يا كرار حطه	تالى عمره ابسجن مظلم
لامن عمامه وشيعته	واحد يصل يمه
والسندي الملعون	بسلاسل امگيده

\*\*\*

سیدی یقصر السانی	من اسولفلك مـمـابه
وكل السندی اعلی سجنه	وكل وكت یسعی بعذابـه
فوك حزنه وفوك هضمه	ایدور الظالم ذهابـه
لمن ولایه وبالعنب	یا سیدی سمـه
ظل بالسجن مظلوم	لمن قضه وحده

\* \* \*

من عكب های المصیبه	جابه احمامیل اربعه
طلعوا باب الحوايج	یو الحمله اشلون طلعه
جسمه ملفوف ابعباته	والیشوفه ایسیل دبعه
علی الجسر خطوه	وعلیه الناس ملتـمـه
والشیعه یمه تحوم	وعلیه تتعده

\* \* \*

قام المنادی ینادی	علیه حامی الحمیه
الذی یرید ایـتـفرج	هذا امام الرافضیه
مرطیب البلد شافه	وراد یفحص علی المنیـه
بسیده لزم چفه	یعاین لیه ویشمه
وعاین لعند الکوم	لمن لزم یدـه

\* \* \*

من گام للناس یتفکر	ولخلگ ظلت ابحیره
صاح ما بیکم حمیه	وما بکم یسلام غیره
یهل الوادم ما ویاکم	لعد هلمیت عشیره
خلها تسل سیوفها	وتطالب ابدمه
هذا قضه مسموم	ای والذي انعبده

\* \* \*

## ندبة للمهدي (عجل الله فرجه)

تسبدي امن الغروب      يمته يمحجوب  
وعلى الأعداء اتجيم الحروب      يمته يمحجوب

\*\*\*

غيبتك طالت عليه      وصارت الوادى ابريه  
والهظم والذل علانه      والطفل بين مشيه  
ما سمعنه اهلال گبلك      هاكثر طول مغيه  
يا رحمة الله الواسعه      العندك اسراره امودعه  
تنشر جفوفك للدعه      وتقسم اعلى الله ابحيه  
وتصيح يا علام الغيوب      يمته يمحجوب

\*\*\*

تظن من تنشر جفوفك      خايب الباري يردك  
لا وظلع امك الزهره      ورأس حامى الجار جدك  
ما أعزمنك على الله      والتريده يصير عدك  
انته يبو صالح حمد      لهل الأرض وهل السمه  
بيدك الكون امسلمه      والاراده طوع يدك  
وعدك امن الله عليك مكتوب      يمته يمحجوب

\*\*\*

يستغيث الدين بسمك      ونسته يلمحجوب نايم  
هاكثر على الضيم صبرك      يلمغيب والهظايم  
سيدي والله الظهورك      بينت كثرة علايم  
يمته يصلطان العصر      جفك يزم راية بدر  
وتتوشح ابسيف النصر      وتاخذ ابشار الفواطم

وتحورب يطالب على المطلوب      يمته يمحجوب

\*\*\*

عليك حال الحرم يخفه	عكب اهلها اشصاربيها
من وقع جدك رميه	والحرم دعت عليها
طلعة امن الطنب زينب	شابچه اعلى الراس اديها
لاچنها على التل اوقفت	والصوب اخوها اتفكرت
صاحت او عبرتها جرت	قوم لختك يا وليها
تاخذ ابثار القامت اتلوب	يمته يمحجوب

\*\*\*

ريتك اتعاين الزينب	من غدت على التل تنادي
ايبا كتر من ظهر غوجك	طحت يا سلوة الهادي
غارت عليه يخويه	عكب عيناك العوادي
والعسكر عليه هجم	فرهد يمظلوم الخيم
هجت امن الخوف الحرم	ودارت عليه الأعادي
عكب ما حرگو خيمها	سلب العسكر حللها
وبالصياط ايلوعوها	وزينب اتحشم بهلها
من عقب هاي المصيه	اويه الغرب ركبت هزلها
راحت يسيره اويه الغرب	مهضومه مكسورة گلب
ياالغايب وطول الدرب	ادموعها اعلى الخد تهلها
تصرخ ياالثار القطعت ادروب	يمته يمحجوب

\*\*\*

## في رثاء الكاظم عليه السلام

ما درت عدنان حته امهوده      عد بني العباس دين الهم غده

\*\*\*

ارد اناشدهم ولاچن بالنشد      اسمع الحي والذي ابرج اللحد  
ما سمعتو الكم طلب يهل المجد      عد بني العباس وعليه راجده

\*\*\*

ارد اناشدكم ولاچن ابعتب      ورد اكلهم خليگلولي اشسبب  
ما سمعتو الكم غدر دين طلب      عد بني العباس هيه اهل الرده

\*\*\*

ما سمعتو ابخير هارون الرشيد      لارشد له امر طاغوت او عنيد  
لمن اتملك فعل كلما يرید      طغه اتجير كفر للرب عانده

\*\*\*

گام يطلب بني الزهره او علي      ابكل مدينه اوطن اوفجوج الخلي  
منهم التشرّد نجت وتنولي      بنه اعلجثها اگصور امشیده

\*\*\*

ريته بالساده اکتفه اوبیهم قنع      ولو صنع الما سده بيهم صنع  
لچن عباد الوثن جد او تبع      خبر كاظم غيظها اوبحر النده

\*\*\*

اظهر الاسلام وضمّر للكفر      اوگام يريد الحج لچن حيله او مكر  
مو مگصده الحج لچن گصده يمر      بالمدينه او لا خفاكم مگصده

\*\*\*

انه ابنيه انچان مگصوده خفه      سار يطوي لبید للراحه نفه  
وصل طيبه اولفه الكبر المصطفه      شاف موسى ابحضرته وبمشهده

\*\*\*

اوجب اقبال سيد الرسل      اوناده بين العم اريد افعل فعل  
احبس ابنك موسى ما طوله عدل      حيث موسى اريد ملكي ايفسده

\* \* \*

چتف الكاظم المهيب النفل      اودزه للبصره اعلى ناگه من الهزل  
آمر الجمال حين الى يصل      ايحطه واليها اسجن ويگيده

\* \* \*

ظل رهين السجن بالبصره سنه      يعبد المعبود ما لحظه ونه  
حته منه انرهب گلب الساجنه      خاف لجله الكون ربه ايسوده

\* \* \*

دز لعد هارون طارش يعلمه      ابخير موسى الشئم راغي الغانمه  
يو توديلي الذي يتسلمه      يو افكه او يا ذنب منه البده

\* \* \*

امر البغداد موسى ينجلب      فوق ناگه ايكون مسراها صعب  
سيرو محتوف صابر محتسب      لاچن اشحاله التباريه العده

\* \* \*

من وصل بغداد يا ريته العدام      آمر الطاغي يسجنون الامام  
حته ظل مسجونها اربوطعش عام      والنفل كل عام سجنه ايجده

\* \* \*

والظلم كليوم يتظاعف جنس      من حليف الوثن هارون الرجس  
حته يا عدنان امرله ابحس      ما يشوف انهار بي الوحده

\* \* \*

ولمصاب الاشد ويزيد الحزن      وصه سنديها النفل والي السجن  
خاف لن گلبك على الكاظم يحن      من تجور اعليه ولاچن چلده

\* \* \*

گله عدوجهك او طوع امرک و جب      والله لفعل بي فعل يروى العجب  
دفع ليه الطبق بي سم ابرطب      وعله چتله اعمدوا غادين الجده

\*\*\*

جاب ليه الطبگ سندیها النذل      وظهر الكاظم المسجون النفل  
گله دوك الرطب وجثر بالأجل      حيث من هارونها اعليك انهده

\*\*\*

گله عف عني فلا گلبی یزید      هلرطب ولیعف من یولی سعید  
گله لابد تاكل ایگول الرشید      صفگ بیده الکاظم او عض ناجده

\*\*\*

اکل من عنده تلاته او وخره      هیس المحتوم ولسم بی جره  
گله بیه الی تریدونه جره      گام سمکم لعد گلبی ایمرده

\*\*\*

ظل ثلث تیام مطروح اویون      لیل ونهار اویلوج اوممتحن  
یوم ثالث گضه الکاظم بالسجن      وحده ما واحد دنه او مدده

\*\*\*

ولمصاب الی یضیج الواسعه      او من یمر علی الطفل ذچره ایجزعه  
شالوا جنازته احما میل اربعه      او علجسر خطوه مسلوب الرده

\*\*\*

یعدنان او للیروح وللیرد      صار فرجه یلعلی بحر المجد  
یعدنان او یسلتزون ابورد      اونادوا علی الکاظم ابذاک النده

\*\*\*



## في رثاء الكاظم عليه السلام

المن هلنعش هليوم

فوك الجسر يمه الوادم اتحوم      المن هلنعش هليوم

\*\*\*

هلنعش على الجسر المن	ولمناي عليه ينادي
ماله گوم وعشيريه	وياخذونه امن الاعادي
مصاى ما بالكون مثله	صار على الوادم وسادي
روح النبي وريحانته	فرجه تظل اجنازته
چاوين اهله وخوته	ابيا جبل عنه اويواي

يالغايب الثارك گوم

وطلب بالغريب المات مسوم      المن هلنعش هليوم

\*\*\*

انهض الثارك يغايب	ما بگه للگوس منفع
چم ضلع منكم تهشم	چم چبد بالسّم تگطع
ما يمل الصبر گلبك	سيدي ولا منه تجزع
چمدوب تبگه ابهل الصبر	يالموعى ابسيف النصر
للاه درك هاكشر	هضم وضميم تجرع

يالغايب جزاك اللوم

عن جدك الكاظم مالك علوم      المن هلنعش هليوم

\*\*\*

لا تظن بالكون محنه	تشبه الجدك محنته
لا سجن يونس السجنه	ولابله ايوب البلوته
بالسجن گضه حياته	والهظم ذوب مهجته

يهدوه من سجن السجن      كاظم الغيضة وممتحن  
دمعه امن الهظم مسجوم  
وعينه امن الحزن ما تقبل النوم      المن هلنعش هليوم

\*\*\*

سجنه بين الحسن مظلّم      وهو ابذاك السجن وحده  
مايميز بيه وكته      من يريد ايصلى ورده  
موجب السندي اعلى بابّه      خاف لن واحد يگصده  
چانون حزنه لودوه      ويريد يشم من الهوه  
ويسعين ابعينه الضوه      يضربه السندي ويرده

يرجع للسجن مهضوم

من شم الهوه ابيا ذنب محروم      المن هلنعش هليوم

\*\*\*

ظل على هلحال مده      وكل صباح ايزود همه  
بالحديد امگيدينه      وناحل امن الولم جسمه  
حتى بين الحسن خصمه      ابمثل هذا اليوم سمه  
جاب اله احما ميل اربعه      امن السجن شاله وطلعه  
السندي يغايب شيعه      لا اخو ولا ولد يمه

فرجه اصبح الذيج الكوم

فوكه القهر ذاك وفوك الهوموم      المن هلنعش هليوم

\*\*\*

المنادي عليه ينادي      وعلى نعشه الناس لمه  
مر طبيب البلد شافه      گلب چفه وشاف سمه  
صفگ بيده وشال راسه      ينشد الوادم اليمه  
گاللم ودمعه همل      ولايح ابعيناه الزعل

ما لعد هلميت اهل خل تجي اتطالب ابدمه

هلميت گزه مالوم

والسم مرد چبده اوراح مظلوم المن هلنعش هليوم

\*\*\*

واليهون هلمصيه عد يك يا مهجة الزهره

ما مست ذيج المسيه اله والكاظم ابگبره

لاچن الهظمه يغايب على الذي امسود الغبره

تمت ثلاثه اعلى الثره جثته ابدماها امغفره

والدم يكت من منحره

\*\*\*

طلعت اتنادي العقيله والدمع من عدها جاري

ما بكم يا گوم مسلم لعد هلميت يوارى

هذا ريحانة الهادي وعلى الخلگ رحمة الباري

يبگه طريح ابهل الفله جثه ابدماها امغسله

احا يعملت كربلا

بيها خلصت كل اخوتي المن هلنعش هليوم

\*\*\*

مستهل ممشه

هلنعش المن على الجسر والناس ملتمة

يا هو اليعاين ليه يبجي على حاله

باب الحوايج جاوبوني او سابع اليمه

مات ابسجن هارون والسندي چتاله

\*\*\*

## في رثاء الرضا عليه السلام

ويل قلبي اعلى ابو محمد ذابت من السم چبدته

\*\*\*

يقصر الساني يحيدر شبلك امنذكر امصابه

وعگب ابو موسى بن جعفر ما فعل بيه الكرابه

سيره امنرض المدينه بيسر ولبغداد جابه

وعن وطن جده تبعد \* اوقام يظهرله المودته \* ولجل چتله أنطاه بته

\*\*\*

بگه ويا بالوطن حته الطوس راح اوياه تعنه

اوراد ينطيه الخلافه ما قبل وعستذر منه

قاله اليوم الخلافه اصبحت الكم ماهي انه

والله يامامون يشهد \* هلملك ماريد امرته \* وانه مقصودك عرفته

\*\*\*

اتريدني اقبل ابملكك والخلافه اجدم عليها

اوتسمع الوادم ابفعلي اوتكفر ابعترت نبيها

گله چا اگبل ابمهدي گله هاي اگبلت بها

حيث هذا الخبر مسند \* من ابوي اوجدي اخذته \* انه اموت اوتبگه انته

\*\*\*

بگه المامون ايتفكر ابياسبب ليسعى ابچتله

حته جاب العنب سمه اوشاله بيده اوجابه لهله

گسله هذا العنب ابدن ما رايت ابطوس مثله

اولا اصدچ مثله يوجد \* وعتنيت اوليك جبته \* حيث ما مش منه شفته

\*\*\*

عاینه اوشاله ابیمینه      اوسالت ادموعه اعلخده  
 گله عف عني تراني      هلعب ماگلبی وده  
 گله لابدمنه تاكل      اكل منه اولزم چبده  
 اوقام دلالة ایتمرد      \* اوصفگ یسراه ابیمینه \* اوسالت اعللخد عبرته

\*\*\*

حینما هیس ابسمه      بعث خط لرض المدينه  
 بالعجل یختي تعالی      موتي اریدج تحضرینه  
 لغت لاچن نص دربها      شافت الوادم حزینه  
 غدت من عدها أتشد \* وحين ما عرفوها اخته \* خيها خبروها بچتلتہ

\*\*\*

طاحت اعللگاع میتہ      ابهل الخبر حين خبروها  
 گبل ما توصل الداره      اوعينها اتعاین لخواها  
 ساعد الله گلب زینب      من وقع ویلي بن ابوها  
 شافته اعلشره امدد \* ولعده قطعو رگبته \* او تلعب الخیل اعلی جتته

\*\*\*

### وصية النبي ﷺ بالعتره

وصه النبي ابعترتہ ایرحموها      لیش ظلموها  
 مابین سم وچتل گطعوها      لیش ظلموها

\*\*\*

چم وچم اخبر الأمه      المصطفى سيد البریه  
 کل نبی ایوصی بعترته      لو دنت منه المنیه  
 وعترتي عدکم وديعه      لاتمسوها بأذیه  
 لو دنت مني امنيتي      هلتن هله ابعترتي

من عقب عيني أبأمتي      لا تضيعون الوصيه  
من تظلموها الظلم ياذيني      من عكب عيني  
ومنه الوصيه هاي سمعوها      ليش ظلموها

\*\*\*

ما اجل منها على الله      عترتي ابكل الوسيه  
الكم ابها الدنيه رحمه      وبالحشر هيه الشفيه  
يمتى من عكب عيني      عترتي عدكم وديعه  
الكم ابدنياكم ضخر      وتنفعكم ابيوم الحشر  
طيعوني يمتى ابها الامر      ويخسر امري الما يطيعه  
يحرم عليكم چتل اهل بيتي      وظلم ذريستي  
هاي الوصيه لا تضيعوها      ليش ظلموها

\*\*\*

انه يا الامه بعثني      الكم المعبود رحمه  
وبهل بيتي وبين عمى      تمت اعليكم النعمه  
ابسمه الدين انجوم چنها      وثبت بيها الدين اسمه  
لولا هم العالم هلك      ولادار بالكون الفلك  
كل وكت يخدمها الملك      ويفخر ابهذي الخدمه  
تخدم املاك السبع بحماها      وبها تتباها  
الكم امان وفخر خلوها      ليش ظلموها

\*\*\*

تدري يا رحمه الباري      امتك من غبت عنها  
نصبوا اعلى اهلك سقيفه      وهاجت اعليهم فتنها  
غصبوا الزهره فدكها      ونحلتك غصبوها منها  
ولدارها انوب اعتنوا      النار الضغايين سجروا

للمحسن ابجدھا اصکطوا      وبجو حسين وحسنھا  
ظلت عقب عيناک يلمختار      تون ليل انھار  
ومن البواحي اعليک منعوها      ليش ظلموها

\*\*\*

هذا اول ظلم منها الجره      اعلى الزهره الزچيه  
وسرت هاي النار لمن      سـجرت بالغازيه  
ذبحو حسينک يطاھا      وهل بيته اهل الحميه  
ومن بعده يا سيد الرسل      رکت بناتک على الهزل  
مسلوبه مچتوفه ابھبل      ومشت للکوفه سبيه  
وصيتک لعد امتک      يھاديهآ هاي تاليھا  
ابناتک على الهزل يرچبوها      ليش ظلموها

\*\*\*

وگام هذا الظلم يسري      يبو الزهره اعلى الأيمه  
الذي بالسـم توفه      والذي سابح ابدمه  
حتى للهادي عدوه      ابمثل هذا اليوم سمه  
ظل ينتحب شبل الحسن      ودموعه لمصابه جرن  
عقب الغسل لفه ابچفن      اواره يالمختار جسمه  
ما ظل ثلاثه اعلى الترب      عارى وچفنه الذارى  
وحسين جثته الکفر عافوها      ليش ظلموها

\*\*\*

صاحت اعلى حسين زينب      والدمع چالسيل جاري  
مايکم يا گوم مسلم      لعد هالجثه يوارى  
ولا يصح واحد يچفنه      لا يظل بالشمس عارى  
ما واحد الزينب نغر      واره والگبره حفر

ظل بالشمس دامي النحر      تسفي اعليه الذواري  
ويلا بهظم حسين وعياله      وذلت اطفاله  
بسياطهم لمن تولوها      ليش ظلموها

\*\*\*

يوم الوعد يمن الحسن يا بوي      للشار يمته اتگوم  
على الهظم عينك ما كفاها النوم      للشار يمته اتگوم

\*\*\*

ناعى الحزن ما تسمع اينادي      من جـدك الهادي  
گوز ومن عنده الجبد مسموم      للشار يمته اتگوم

\*\*\*

### (مدح للامام على عليه السلام)

بيك القلم بيك اللوح      وملاك السبع تشهد  
يا فارس بدر لولاك      لا عابد ولا معبد

\*\*\*

حاربت الشرك كلها      وهذا الدين شيدته  
كسرت اللات والعزه      ومنها البيت طهرته  
غيرك لا تظن غيرك      يـبو الحسنين بس انتـه  
گدر يصعد على الكعبه      وعلى متن النبي يصعد

\*\*\*

انتـه العلمت جبريل      درسه ومنك اتعلم  
ونتـه الميت حاجيته      وبـمرك گام يتكلم  
انتـه الما تهاب الويد      بالحومه ولا تهتم  
صمصامك جسم مرحب      ونتـه الجدلت بن ود

\*\*\*



يا لما تقبل التأويل	بأء البسملة انتة
والتورات والانجيل	يا ممدوح بالقرآن
وسيفك نفخة اسرافيل	شخصك رحمة الباري
وعن هلدين يتمرد	على لما يعبد الباري

\* \* \*

نزلت يا رفيع الشأن	بيمن هلاأته وعمه
ويا هو الحجة اويال شعبان	ويا هو الكلم المسيت
يا لممدوح بالقرآن	من يگدر يصل مدحك
لا يحصه ولا ينعد	علمك يا علي وفضلك

\* \* \*

محد عرف معناها	للمعبود بيك اسرار
عف وچشف بلواها	لجلك آدم او ايوب
انتة والنبي طاهها	روحين ابجسم واحد
وعين للرسالة احمد	خصك للامامه انتة

\* \* \*

گاصد يثرب الهادي	لمن سدر من مکه
وگله انزل ابهل وادي	نزل جبريل بمر الله
من بعدك على اعبادي	انصب حيدر الکرار
وبالنيران يتخذ	واليعصيه يعصيني

\* \* \*

من بعدك يبن عمه	حيدر حجتي اعلى الناس
ابصورة هلاأته وعمه	وليبي وبينت فضله
وبيده امفوض الجسمه	ناري وجنتي بيده
والعساداه يتبعد	اليحبه ايروح للجنة

\* \* \*

والهادي اعتله اعلها	نصبوله الحدج منبر
وتسمع وعض هادها	غام اعلى الخلك يخطب
وخبرها ابمعانيها	رتل آية التبليغ
وهذا الامر ما ينرد	وكلهم هذا امر الله

\* \* \*

خليفه يمتي اعلكم	حيدر من بعد عيني
وعلى الخبر يهديكم	مني ابمنزلة هارون
يهل الاسلام واليكم	صار اليوم بمرالله
عن اولايسته يرتد	يا ويله العكب عيني

\* \* \*

غاموا بايعو كلهم	لمن سمعوا الخطبه
شب نار ابضمايرهم	لاچن الحسد والغيض
من بعد النسبي الهم	يدرون الخلافه اتصير
ولا يدخل عليه احد	وحيدر ينسجن بالدار

\* \* \*

### مدح للامام علي عليه السلام

على الهادي او امره ابترك المسير	هذا يوم البيه امر الله نزل
وتمت النعمه ابعلم يوم الغدير	وبيه شرع المصطفه ودينه كمل

\* \* \*

ودع البيت ولعد يثرب كصد	من كضه المختار من حج الوداع
والخلگ وياه ما الهم عدد	والنجايب غدت تكطع بلوساع
بيه للمبعوث تهديد او وعد	نزل جبرائيل بمرالله المطاع
وبشر الاسلام يا الهادي البشير	ربح زملك يا لرسول ابهل المحل

كلهم اعليكم علي خير العمل من عكب عيني الخليفه والأمير

\*\*\*

من سمع رحمة الباري اهل الامر وعثله اعلى الحدج يشبه للبدر  
غام يخطب على المله ابحر الظهر صاح هذا الخير على الوادم شمل  
اولاية الكرار بن عمي الفحل نزل عن الراحله ابذاك الفله  
يمه حامل رايته عمقد الوله والخطبته شابه اعين المله  
وصار هذا اليوم عيد الله المجيد نزل بيها الامر من الله القدير

\*\*\*

انه يا گوم المدينه للعلم انه والكرار روحين ابجسم  
ماكو مايز بينه غير الاسم كل نبي گبلي الذي الكومه انرسل  
حتى لو عنهم امن الدنيه ارتحل وهذا حيدر بابها وعنوانها  
ماتميز ارواحها امن ابدانها هاي خوه او الله رافع شانها  
من اهل بيته وصي بعده يصير بالنوايب والشدد بي تستجير

\*\*\*

هذا جبرائيل من باري السمه اولاية الكرار حماي الحمه  
من تطيع امره او امرها اتسلمه هذا امر الله ولا عنده بدل  
طيعوا امري وبايعو مير النحل يگول بلغ يا رسول الله الاصحاب  
طوگ ثابت صارت ابكل الرگاب ارفع النيران عنهم والعذاب  
وانه الكم يمتي امن الله نذير والد الصبطين شبرها وشبير

\*\*\*

الذي منكم يريد اولايستي بايعوه وبسيعته من بسيعتي  
صاح اشهد يا الاهي اعلى امتي ونسته اعلم بالسراير والعلل  
ايوالي بن الفحل حامي الدخيل ولكم على الخير من بعدي دليل  
بلغتهم بالنزل بي جبرئيل والسميع انتة يلاهي والبصير

عادي من عادته والفضله جهل اوالي من والاه اويصبحله نصير

\*\*\*

حين ما سمعوا الهادي خطبته  
وگالوا الهادي فرضها اعلى امته  
گالو انسابه ولاچن بيعته  
وعگب عينه الامر للامه يظل  
ينعرف مگصودها ابذاک المحل  
دبه الشک بگلوبهم دبي النمل  
وهاج غيض السامري وره العجل  
هاي مادام النبي بعده عدل  
هيه تختار الذي عليها يصير  
ويا هوللامه ابفلک فکره يدير

\*\*\*

وحين ابو ابراهيم وافاه الگدر  
کل هذاک الجمع بالبيعه کفر  
باطل الأمه على الحک انتصر  
ونگطع من خيرهم حبل الامل  
ايشوف ريس تيم بالناس اشفعل  
اودع الاسلام بالدينه وضعن  
وهاجت اعلى آل النبي سودالفتن  
نصبوا وعزلوا ابو حسين وحسن  
وظل جليس الدار حمای الگصر  
وهو ما بيناتهم مثل اليسير

\*\*\*

### مدح للامام علي عليه السلام

يا رسول النصح مثلك امته  
وبينلها احکام شرعه وسنته  
وبذل يالهادي الجهد وياها  
النفع بالآخره ودنياها

\*\*\*

رحمه للمخلوگ باريک براك  
لانبي مرسل ولا مصلح سواک  
انته يالهادي وعلى حامل لواک  
بيه سمعت والاجانب طلبته  
صار عصر النور هذا وفكرته  
عمت اعلى الواسعه بر وبحر  
خيره على المخلوگ بالکون انتشر  
بالعلم والحکم هذبوا البشر  
سعت ليه وربحت ابمسعاها  
ولسلاک للی يشع اضواها

\*\*\*

انته يالهادي المدينه للعلم  
انته والكرار روحين ابجسم  
ماكو فارق بينكم غير الأسم  
هلذي المعبود جلت قدرته  
وبيكم اعلى الناس تمت نعمته

\*\*\*

وبن عمك بابها وعنوانها  
ماتميز ارواحها امن ابدانها  
هاي خوه والله رافع شأنها  
املاك سبع اشداد بيكم باها  
ورفع بيكم بالغدير الواها

چم وچم ناديت بالسر والعلن  
كل نبي لو غاب عن امته وضعن  
وانه من بعد الوصي عود الحسن  
هو هذا الدين حامل رايته  
لاشبه سيفه ولا شبها فته  
ليلة المعراج بيها امن اصعدت  
المن اخلافك على امتك خلفت  
گتله انته اختارلى أبهذا الوكت  
اختار لي حيدر ابعلمه وحكمته  
هوه ممدوحى ابعمه وهل اته

\*\*\*

وخبرتها بالذى صار ويصير  
لابد يخلف عكب عينه وزير  
اوبلغتها ابخطبتك يوم الغدير  
وسبغه للامه الذى يحماها  
بالحرايب من تنور ارحاها  
للسمه السابع وكلميت الجليل  
علم يهديهم وللثايه دليل  
ناصر الدينك ولي خل وخليل  
وگال هذا الامتك يرعاها  
وهوه باء البسمله ومعناها

نوره من نورى ومن اسمى الاسم  
انته للامة المدينه للعلم  
بيه ارحم بالقيامة اونتقم  
طوگ ثابت بالرگاب اولايته  
والذى اتبايعه وتسنكر بيعته

\*\*\*

وهو الحجه اخلافك اعلى اعبادى  
وبن عمك بابها يالهادي  
يسوم حشر الوادم ابميعادي  
ويل ثم الويل للعاذاها  
يا رسول الله اسقر مثواها

همه من عندك خذوا هذا العلم

وحنه من عدهم تعلمنه السفور

همه بالمبعوث سعدوا للنجم	وحنه برحات الجهل گمنه ندور
ما بقه من اسلامنا غير الاسم	هلهذي عليه العده گامت تجور
منه اهل الغرب هذا الرادته	نخضع الها ونظل نترجاها
عفنه علمك يبو الزهره ولزمته	وقرت ابهذا العلم عيناها

\* \* \*

### في رثاء العباس عليه السلام

اريد اعطني الحامي الضعينه	ودور على ايساره ويمينه
وحاچيه وشلع سهم عينه	وگله يعباس انولينه
يخويه عداكم لفوالينه	وحرگو مبانينه عليه
وفرت يتامانه امن ادينه	يعباس ليش اقطعت بينه
وياك من يثرب لفينه	اويه الاجانب تخلينه

يا هو اليردنه للمدينه

\* \* \*

لمن لفانه العسكر اصفوف	وسلب براجعنه ولشفوف
تعنيت لك ولون مخطوف	ردتك الحالي وذلتني تشوف
لگيت العلم على النهر ملفوف	وراسك لگيته ابعمد مخسوف
وشبجت عليك ارماح وسيوف	عذرتك يمن ما عندك اچفوف

\* \* \*

اختلفك وجيت اوياك وتته الجبتي	والاخذ ما تتعاف عدمن عفتني
يحين عدمن ودعته	من تنچتل والخييل اجتنه
حرگت خيمنه وفرهدتنه	وحنه حرم لو فارگتنه
يا هو الوطن جدنه يزتنه	عسانه گيل هليوم متنه

\* \* \*

هليله اخوتي ضيوف عدنه  
ولا يظل والي اليحمي حدنه  
بساچر لځوتي لو فگدنه  
وبساچر يـخلونه وحنده  
وعن دور اهالينه بعدنه  
يا هو الوطن جدنه يردنه

\*\*\*

يجاسم ضخر للغيب ردتك  
وچفوفي احنين احننتك  
وشوفك خضيب ابدم طبرتك  
للسحرب يوليدي ابطلعتك  
وعرسك ردت افرح ابزفتك  
ما چنت اظن احضر چتلتك  
وسسمع يبعد الروح ونتك  
بعد ما ترد سالم عرفتك

عيني العمه ولاچان شفتك

\*\*\*

انا بخيمتي والگلب حزنان  
وصوته خفه ابجيمة العدوان  
ظنيت اخوي ابظهر الحصان  
لگسيته مرج يسحب بلعان  
گتله يعمه اگعد يريسان  
تچيتله وعانين الميدان  
اخوي انذبح بالكون عطشان  
ساعه ولفت ليچن العدوان  
وحسب بخوي الطب للکوان  
سهيل اسمعت گاـصد الصيوان  
ليه اطلعت والگلب فرحان  
رحت صارخه الخيمة الوجعان  
لفاني المهر فارغ ودوهان  
ناده يعمه ابدم جـروان  
وراسه تعله ابراس السنان  
وبـخيـامچن تـضرم النيران

\*\*\*

خطاب زينب للعباس وجوابه عليها

اخذتك وجيت وياك وانته الجبتي  
والاخذت ما تسعاف عدمن عففتني

\*\*\*

زينب يخوبه البين حكم عليه

شبيدي على سهم العين وچفوف اديه

\*\*\*

يفارس بدر يا داحي الباب	يچتال بن ود يوم الحزاب
منك يهاب الليث بالغاب	اشلون بن ملجم الك ماهاب
وصل مسجذك والهامتك صاب	وفيض ابدم راسك المحراب
ودمك الشيبك صارله اخضاب	وظن اليتامه ابچتلتك خاب

\*\*\*

يموت الزلم ينزع يفتاك	يسر الغضه ومخدوم الملاك
انته التلوذ الناس بحماك	اشلون بن ملجم گدر يدناك
وخضبك يا كرار بدماك	وخيب يتامه الناس برباك

\*\*\*

لبست الحزن يحسين جلباب	امصاك الما مثله امصاب
يبنني العصرني وضلعي انعاب	هو الرفع راسك بلحراب
وسوه بدماك الشيبك اخضاب	

\*\*\*

وللي سگط محسن بلعتاب	هو الرضيعك بالسهم صاب
وچف الصطرني ولا الي هاب	سلب خواتك منها الحجاب
وناره الغدت تسعر على الباب	حرگت لك ابطف كربلا اطناب
كلما جره اعلينه امن الصحاب	يحسين يبنني هو الأسباب

\*\*\*

الفواطم زيدن وني وناحاي	ابعدوا خيولكم عنهن وناحاي
خواتي لا تگربوهن وناحاي	عدل ما دامني والنفس بيه

\*\*\*



يبو فاضل سره الحادي ولاعن      وخواتك على الهزل حنن ولاعن  
يكلها اچفوف لاعندی ولاعن      عليچ وعلى الحرم يختي اشبيديه

\* \* \*

### نظمة بمناسبة

#### وفاة ولد الشاعر السيد عبدالحسين الشرع

يا شمعہ الیشع البلد بضواها      وسافه الگدر گبل العرس طفاها

\* \* \*

يا شمعہ النوچد ادروبنه بيها      سمع بيها الزمان وصول اعليها  
طفاها وظل يشع وينور ماضيها      وظلت تمدح الناس ابسجايها

\* \* \*

يا شمعة النادي ويا ضوه العين      ما انصف اويانه ولا وياك البين  
هاي اخوتك تصفج وسف بالچفين      مهضومه وعليك الگدر بچاها

\* \* \*

يسهيل الزرگ بالكون لحضه وغاب      يا صافي الضمير او ياذهب تيزاب  
يا محروم من شم الهوه يا شاب      يا دره الخفه اعلى الناس معناها

\* \* \*

يا زهرة النادي وشمعة الديوان      يمونس ابچيک هلك والخوان  
فرگاك اعلى عودك وخوتك ماهاان      مدري اشلون هان اعليک فرگاها

\* \* \*

تعال اوشوف ابوك اصبح ايباحاله      يسون ودمعته الفرگاك هماله  
انته مسهجهتہ وسباح دلالة      وفرحة خاطره وللروح سلواها

\* \* \*

ينوح عليك وفراگك مرد چبده      يا ماي الحياة الراح وتبده

الف يا حيف صارت موتك برده وروحك قبل يوم الكدر وافاها

\* \* \*

الف وسفه على طولك والوسف شيفيد عكب الكرب شخصك صار عنه ابعيد  
نتنظر العرسك مثل يوم العيد لاچن خاب اخوتك بيه رجواها

\* \* \*

شموع العرس فوگ الكبر علگوها ولملبس ادموع عليك نثروها  
اشلون افعالک الطيبات ينسوها ورسمك كل وكت جدام عيناها

\* \* \*

### نظمة بمناسبة

اربعين ولده المرحوم السيد محي الشرع

نار گلبي تشبه النار الخليل وبالحزن يعگوب چني الثاني  
من فگد يوسف ظل جسمه نحيل وانه مفگودي نجيل ادعاني

\* \* \*

فرق بيني وبينهم نور وظلام لو مثل فرق القيامه ويه الوجود  
هذا ناره عليه غدة برد وسلام وانه ناري موجره وكلسا تزود  
وذاك يوسف عاد اله ونال المرام وانه اللي هيهات ليه محي يعود  
وين هذا وذاك من نار الدليل من هظم روحي ومن احزاني  
وهم تظن يحصل لعد حزني مثيل وحالي بچه اليحب والعاداني

\* \* \*

حزن ما صار وجره مثله حزن ليل ما طبگت لحظه جفوني  
ليلي ونهاري عليه ابچي وون حتى اهلي من البچه لاموني  
هذا حالي وحال كل من ممتحن وصبر على مصيبتة يردوني

والابو على الولد صبره مستحيل      لا عمل ودي ولا انساني  
شلون صبري لو شفت محي ذليل      ولو بچه من هظمته بچاني

\*\*\*

شلون صبري والصبر طوده هوه      وشمعة البيت الكدر طفاها  
باد حيلي وهرش دلالي النوه      وفكدة عيوني الثنين ضوها  
بعد ما يحصل لعد علتني روه      راح بلسم طيبيها ودمهاها  
لحن لفراگه حنين ام الفصيل      ولا ابالي بيهم اللي ينهاني  
خل يظل جسمي على افراگه عليل      حتى ويا يندفن جثمانني

\*\*\*

الصبر ممدوح لاچن الصبر      موعلى ذاك الولد ومصابه  
اشلون صبره اللي ييات على الجمر      ويون ون الوالد من صوبه  
هذا يعگوب النبي گضه العمر      وعلى يوسف دمعته سچابه  
وهو يعلم رادت الباري چفيل      ملك يرجع والوعد رباني  
هذا للي لامني اكبر دليل      ما گدر يعبد وهو روحاني

\*\*\*

وياي ما انصف الميشوم الكدر      اخذ محي وگطع سباح الغلب  
هدم حيلي وكسر من عندي الظهر      وظلت دموعي على اوليدي تصب  
غاب عني وصار اكثر من شهر      وانه عيني تستدير على الدرب  
بلچي اگول يعود من هذا الرحيل      ويرد يضوي بطلعته ديواني  
يدري ما اتحمل فراگه الطويل      ولا نسيته شلون اهو ينساني

\*\*\*

اشلون ينساني ويروح ومايرد      وانه ربيته بدمعة عيني  
ما يهون عليه اظل دامني الجبد      وانحب على افراگه يخليني  
لاكن شبيده عگب صار البعد      وحال ملچ الموت بينه وبينني

بالوصل ما چان ابو محي بخيل      ولا بامر ولا نهى لاحاني  
لاچن بوعدده صدر امر الجليل      وراع امر الله ولا راعاني

\*\*\*

واليهون علتني وهذا الولم      والذي نشف دموع عيوني  
نعي اخوتي اهل الوفه وهل الشيم      والذي بمصيبتي واسوني  
عيت نفوس الابه والههم      انفرد بالنياحه يخلوني  
نهظو بحمل وهو حمل ثجيل      ومنهم الكل بالحزن ساواني  
منين ما مال الحمل ويا يميل      خاف بيه تشمتت عدواني

\*\*\*

شاركوني بمحتني وسود الايام      شاع او وصل للبصره الخبر  
هناك اخوتي واليحبني والعمام      كل فرد منهم لهالينه شكر  
اسأل الله ابجاه مرقدھا الامام      لا يراويهم مصيبه من الدهر  
شاركوني ونشفو دمعي اليسيل      وعلو ابين الخلايق شاني  
بيش اشكر طيبھا وهذا الجميل      وانه عاجز عن شكرھا لساني

\*\*\*

## المحتويات

المقدمة.....	٤
تقاريض.....	٦
الفقيد يؤبن نفسه وهو في قيد الحياة.....	٩
في حق النبي ﷺ.....	١١
في حق الزهراء ﷺ.....	١٢
في رثاء الامام على ﷺ.....	١٨
في رثاء الامام الحسن ﷺ.....	٢٦
في رجوع السبايا الى كربلاء.....	٢٧
في رثاء الامام الحسن ﷺ.....	٢٨
في هلال محرم.....	٣٢
في رثاء الامام الحسين ﷺ.....	٣٨
ندبة للحجة (عجل الله فرجه).....	٤٠
في نهضة الحسين ﷺ.....	٤٣
في زيارة الحسين ﷺ قبر جده ﷺ.....	٤٥
خروج الحسين ﷺ وملاقاته مع الحر.....	٤٧
نزول الحسين ﷺ في كربلا.....	٥٠
استعلام الحسين ﷺ بقتل مسلم بن عقيل.....	٥٥

٥٨	مكالمة الحسين مع الانصار
٦٢	في خطبة الحسين عليه السلام على الانصار
٦٥	في مكالمة الحسين عليه السلام مع الانصار
٦٧	العليلة وكتابها
٦٩	في حق مسلم بن عقيل عليه السلام
٨٢	كتاب الحسين عليه السلام الى حبيب
٨٥	خطبة حبيب مع الانصار
٩٣	بنو هاشم والانصار
٩٥	حر في الدنيا وسعيد في الآخرة
٩٧	خطاب الحسين عليه السلام
١٠٠	او لست تسمع ما تقول سكينه
١٠٤	في شجاعة العباس
١٠٧	القاسم بن الحسن عليه السلام
١١٩	شبيهه جده رسول الله ﷺ
١٢٢	في شجاعة الاكبر
١٢٨	في رثاء علي الاكبر
١٣٤	في ليلة العاشر من محرم
١٣٧	الليلة العاشرة من المحرم
١٣٩	وداع الحسين عليه السلام لعائلته
١٤٢	ليلة العاشرة من المحرم
١٤٧	في رثاء الطفل الرضيع
١٤٩	الحسين عليه السلام يستغيث فلا يغاث
١٥١	ليلة الحادي عشر
١٥٨	ليلة بلا حام ولا كفيل

١٦٠	ليلة الحادي عشر
١٦٢	يوم الحادي عشر
١٦٤	في مسير السبايا
١٦٨	عتاب لبني هاشم
١٧٢	رجوع السبايا من الشام
١٧٣	رجوع السبايا
١٧٥	في مسير السبايا
١٨٠	يا اهل يثرب لا مقام لكم بها
١٨٢	او ما سمعة بمحنة السجادي
١٨٥	يا صاحب العصر (عجل الله فرجه) ادركنا فليس لنا
١٨٧	في رثاء موسى بن جعفر <small>عليه السلام</small>
١٩٢	ندبة للمهدي (عجل الله فرجه)
١٩٤	في رثاء الكاظم <small>عليه السلام</small>
١٩٩	مستهل ممشه
٢٠٠	في رثاء الرضا <small>عليه السلام</small>
٢٠١	وصية النبي <small>صلى الله عليه وآله</small> بالعترة
٢٠٤	مدح للامام علي <small>عليه السلام</small>
٢١٠	في رثاء العباس <small>عليه السلام</small>
٢١١	خطاب زينب للعباس وجوابه عليها
٢١٣	نظمة بمناسبة وفاة ولد الشاعر السيد عبدالحسين الشرع
٢١٤	نظمة بمناسبة اربعين ولده المرحوم السيد محي الشرع

تصوير الكتاب  
صين الخزا عي  
ايران - قم المقدسة

انتشارات  
المكتبة الحيدرية

